



15
№ 42 128

an Chris Joh. Heide

LB 64700



COLONIAE AGRIPPINAE
 Sumptibus
 ENGELBERTI THEODORI KINCHY
 Cum Privilegio S. C. Mis. 16

P I A
DESIDERIA
TRIBUS LIBRIS
COMPREHNSA.

Quorum continet

- I. Gemitus Animæ poenitentis
- II. Vota Animæ sanctæ ;
- III. Suspiria Animæ Amantis.

AUCTORE
R.P. HERMANNO HUGONE
Societ. J E S U.

Editio quinta, Correctior & Elegantior.



COLONIÆ,
Sumptibus ENGELBERTI THEODORI
KINCHII,
Anno M. DC. LXXXIX.

Cum Privilegio Sacra Cæsarea Majestatis.

PRIVILEGIUM.

EGO infra scriptus Societatis Jesu per Provinciam Rheni inferioris præpositus Provincialis, potestate mihi à Patre N. P. Thyrso Gonzalez præposito Generali ad id facta, concedo ENGELBERTO THEODORO KINCHIO facultatem recudendi Libellum, cui Titulus: Pia Desideria tribus Libris comprehensa, quorum continet Primus, Genitus animæ poenitentis: Secundus, Vota animæ sanctæ: Tertius, Suspiria animæ amantis. Authore R. P. Hermanno Hugone S. J. cum figuris æneis. Eidemque jus Cæsarei Privilegii usurpandi eatenus indulgeo, ut ipso invito Libellum hunc nemo deinceps recudere, nemo intra S. R. Imperii fines, & Hæreditarias S. Cæsareæ Majestatis Provincias importare aut venum exponere audeat. In cujus rei fidem has literas manu propria subscriptas & Sigillo munitas dedi Paderbornæ 17 Julii 1693.

(L.S.)

Petrus Hervvartz.

PER.

PERILLUSTRI , ac GENERO-
SISSIMO DOMINO,
DOMINO

FRANCISCO,
LIBERO BARONI DE NES-
SELRODE, & in TRACHEN-
BERG , DOMINO in
Stein/Ehrenstein/Herten/ &
Prauſnitz / ꝛ. SACRÆ
CÆSAREÆ MAJESTA-
TIS CAMERARIO ; SE-
RENITATUM SUA-
RUM, ARCHIEPISCOPI PRIN-
CIPIS ELECTORIS , COLO-
NIENSIS; & DUCIS MONTEN-
SIS , respect. MARESCHALLO,
& CAMERARIO HÆREDI-
TARIO , CONSILIARIO In-
timo , & per VESTAM RECK-
LINGHAUSANAM VICES GE-
RENTI, &c.

Domino, Patrono, ac Fau-
tori suo Gratosissimo.

Perillustris , ac Generosissime
Domine BARO, Domine,
ac Patrone Observandissime.

Ferventissimum illud gratificandi
Desiderium , quo erga Perillu-
strem ac Generosissimam Domum
Vestram, uti suam in bonis mater-
nis Averdunckianis, jam pene à sæculo Pa-
tronam, Protectricem, & fautricem, Annis
superioribus publice sunt contestati Vidua
& Hæredes Joannis Antonii Kinchii, quan-
do R. P. Hermannii Hugonis S. J. PIA DESI-
DERIA à sese tunc temporis in lucem denuo
emissa glorioso nomini tuo inscripserunt,
quidni & mihi pariter traditâ, ut ajunt, Lam-
pade animum accendat, ut qui non modò
Parentum ac Majorum meorum, verum et-
iam hujusmodi beneficiorum tuorum Hæ-
res existo. Cum itaque eadem P. Hugonis
PIA DESIDERIA nunc iterum iterumque
publici Juris facturus, prælo commiserim,
tuum denuo facere conctor quod semel
factum est tuum, opusculum sane, si mate-
ria triplicis perfectionis viæ spectetur, san-
ctissimum; Si stylus, elegantissimum: Si fru-
ctus, utilissimum. Tentavi id ipsum attra-
ctus comi Perillustris ac Generosissimæ Gra-
tiæ tuæ humanitate. Non absterruit Canis
Gen-

Gentilitius vivus, non mutus, latrans. Quod dico, latrans ? si bene video, lambens est : quem meruit antiquissima familia NESSEL-RODIANA inter eas, quæ lingua lamberrunt aquas, sicut Canes, separata à Gedeone, Judic. 7: vel Saxonico, id est Carolo Magno, contra Septentrionales; vel Hierosolymitano, Godefrido scilicet Bullionio, contra Populos Orientales. Prospectat tuus Canis vigil fidusque per Montes Camerarius Hæreditarius, & per Vestam pro Serenissimo & Reverendissimo Principe Electore Præfectus.

Accedo ad Pontem utrimque dentatum, in quo

Quatuor exsurgunt pinnae, tria fulcra deorsum.

Magnus es, & Parvis semper ubique favens.

Hujusmodi tuæ scutariæ Pontis tesserae Ubio-Romanæ ingeniosè assignandam putat originem Gelenius, eaque donatos Gentis tuæ Conditores, quod egregium facinus ediderint, pro ponte excubantes, eo nempe, quem Constantinus Magnus, domitis Francis, victisque Bructeris, ad Imperii gloriam, ornatum limitis, & defensionem in trans Rhenano littore, Divitensium struxit Militum. Ternæ fulciunt Familiam tuam Generosissimam virtutes Theologicæ. Personam tuam Perillustr. elevat quaternæ Cardinales, à quibus Domi forisque; in Imperii & Circuli commendaris congressibus.

Cæsari, pariter Electorib. Princib. ad quos legaris, places, quæ non infima laus est.

Verum laudestuas, Generosissime Domine BARO, enarrare, nec propositi, nec vium mearum est, sed præsentì Opusculo Poëtico & Ascetico lucem cum bonâ tuâ gratia à Perillustri tuo humillimè exoro nomine, qui in ligata ita excellis oratione, ut cum Doctissimis meritò concertes Poëtis: cujus ea est vitæ Asceticæ non scientia solum, sed praxis, ut confundas multos istius viæ ac vitæ viros, Juratosque Affeclas.

Accipe itaque Perillustris & Generosissime Domine BARO, Domine, Patrone, ac Fautor Gratosissime libellum meum; itaque me eâ perge fovere, qua hucusque profectus es, gratiâ: Dominum Deum, ut repleat in bonis Desiderium tuum, enixissimè rogabo.

Perillustris ac Generosissimæ
Vestæ Dominationis

Colonix Cal.

Julii 1694.

Devotissimus Client

INGELBERTUS THEODORUS KINCHIUS,
Bibliopola,

SYL-

SYLLABUS
THEMATUM.
LIBER PRIMUS.
GEMITUS
ANIMÆ POENI-
TENTIS.

I.

A Nima mea desideravit te in nocte. Isai.
26. vers. 1. pag. 1.

II.

*Deus, tu scis insipientiam meam, &
delicta mea à te non sunt abscondita.*
Psalm. 68. v. 6. p. 5.

III.

*Miserere mei Domine, quoniam infir-
mus sum; sana me Domine, quoniam con-
turbata sunt ossa mea.* Psal. 6. v. 3. p. 9.

IV.

*Vide humilitatem meam, & laborem
meum; & dimitte universa delicta mea.*
Psal. 24. v. 18. p. 19.

V.

*Memento, quæso, quæd, sicut lutum,
feceris me, & in pulverem reduces me.
Job. 10. v. 9. pag. 16.*

VI.

*Peccavi! quid faciam tibi, ô custos
hominum! quare posuisti me contra-
rium tibi? Job. 7. v. 10. p. 19.*

VII.

*Cur faciem tuam abscondis? & arbitra-
ris me inimicum tuum? Job. 13. v. 24. p. 22.*

VIII.

*Quis dabit capti meo aquam? & oculis
meis fontem lacrymarum? & plorabo die
ac nocte. Jer. 9. v. 1. p. 25.*

IX.

*Dolores Inferni circumdederunt me,
praoccupaverunt me laquei mortis. Psal.
17. v. 6. p. 28.*

X.

*Non intres in iudicium cum servo tuo:
quia non justificabitur in conspectu tuo
omnis vivens. Psalm. 142. v. 1. 2. p. 31.*

*Non me demergat tempestas aqua,
neque absorbeat me profundum. Psal. 68.
v. 16. p. 35.*

XII.

*Quis mihi hoc tribuat, ut in Inferno
protegas me? & abscondas me, donec per-
transeat furor tuus? Job. 14. v. 13. p. 39.*

XIII.

*Numquid non paucitas dierum meo-
rum finietur brevi? dimitte ergo me, ut
plangam paululum dolorem meum. Job.
11. v. 20. p. 40.*

XIV.

*Utinam saperent, & intelligerent, ac
novissima providerent! Deut. 32.
v. 29. p. 45.*

XV.

*Defecit in dolore vita mea, & anni
mei in gemitibus. Psal. 30. v. 12. p. 49.*

12
LIBER SECUNDUS.
V O T A
ANIMÆ SANCTÆ.

I.

Concupivit anima mea desiderare justificationes tuas. Psalm. 18. vers. 20. pag. 54.

II.

Utinam dirigantur viæ meæ ad custodiendas justificationes tuas. Psal. 118. v. 5. p. 57.

III.

Perfice gressus meos in semitis tuis, ut non moveantur vestigia mea. Psalm. 16. v. 5. p. 61.

IV.

Confige timore tuo carnes meas: à iudiciis enim tuis timui. Ps. 118. v. 120. p. 65.

V.

Averte oculos meos, ne videant vanitatem. Psal. 118. v. 37. p. 69.

VI.

Fiat cor meum immaculatum in justificationibus tuis, ut non confundar. Ps. 118. v. 80. p. 72.

VII.

VII.

*Veni Dilecte mi, egrediamur in agrum,
commoremur in villis. Cant. 7. v. 11. p. 75.*

VIII.

*Trabe me post te, curremus in odorem
unguentorum tuorum. Cant. 1. v. 3. p. 78.*

IX.

*Quis mihi det, te, fratrem meum, su-
gentem ubera matris mea, ut inveniam
te foris, & deosculer te, & jam me nemo
despiciat? Cant. 8. v. 1. p. 82.*

X.

*In lectulo meo, per noctes, quæsiui, quem
diliget anima mea; quæsiui illum, & non
inveni. Cant. 3. v. 1. p. 86.*

XI.

*Surgam, & circuibo civitatem; per
vicos, & plateas quæram, quem diligit
anima mea; quæsiui illum, & non inveni.
Cant. 3. v. 2. p. 90.*

XII.

*Num, quem diligit anima mea, vidi-
stis? paululum, cum pertransissem eos, in-
veni, quem diligit anima mea, tenui
eum, nec dimittam. Cant. 3. v. 2. 3. p. 93.*

XIII.

*Mihi autem adherere Deo , bonum est;
ponere in Domino Deo spem meam. Psal.
72.v.28. pag.97.*

XIV.

*Sub umbra illius,quem desideraveram,
sedi. Cant.2.v.3.p.101.*

XV.

*Quomodo cantabimus canticum Do-
mini in terra aliena? Psalm. 136. v. 4.
p. 105.*

LIBER TERTIUS. S U S P I R I A ANIMÆ AMANTIS.

I.

Adjuro vos, filia Jerusalem, si inveneritis Dilectum meum, ut nuncietis ei, quia amore langueo. Cant. 5. v. 8. pag. 110.

II.

Fulcite me floribus, stipate me malis, quia amore langueo. Cant. 2. v. 5. p. 113.

III.

Dilectus meus mihi, & ego illi, qui pascitur inter lilia, donec aspiret dies, & inclinentur umbra. Cant. 2. v. 16. p. 116.

IV.

Ego Dilecto meo, & ad me conversio ejus. Cant. 7. v. 10. p. 120.

V.

Anima mea liquefacta est, ut Dilectus locutus est. Cant. 5. v. 6. p. 123.

VI.

VI.

*Quid enim mihi est in Cælo? & à te quid
volui super terram? Psal. 72. v. 25. p. 126.*

VII.

*Heu mihi ! quia incolatus meus pro-
longatus est; habitavi cum habitantibus
Cedar, multum incola fuit anima mea !
Psalm. 119. v. 5. p. 130.*

VIII.

*Infelix ego homo ! quis me liberabit
de corpore mortis hujus ? Rom. 7. v. 24.
p. 134.*

IX.

*Coarctor è duobus, desiderium habens
dissolvi, & esse cum Christo. Phil. 1. v. 23.
p. 138.*

X.

*Educ de custodia animam meam, ad
confitendum nomini tuo. Psalm. 141. v. 8.
p. 142.*

XI.

*Quemadmodum desiderat cervus ad
fontes aquarum, ita desiderat anima mea
ad te, Deus. Psal. 41. v. 2. p. 146.*

XII.

XII.

Quando veniam, & apparebo ante faciem Dei ? Psal. 41. v. 3. p. 150.

XIII.

Quis dabit mihi pennas. sicut columbae & volabo, & requiescam. Psalm. 54. vers. 7. pag. 154.

XIV.

Quàm dilecta tabernacula tua, Domine virtutum ! concupiscit, & deficit anima mea in atria Domini. Psal. 83. v. 5. p. 158,

XV.

Fuge Dilecte mi, & assimulare caprea, hinnuloque cervorum, super montes armorum. Cant. 8. v. 14. p. 162.

LESSUS MORTUALIS.

*O Mors! quam amara est memoria
tua homini, pacem habenti in substantiis
suis! Eccles. 4. v. 1. p. 166.*

CHRISIS.

Sive

ULTIMUM TRIBUNAL.

*Juxta est dies Domini magnus, juxta
est & velox nimis. Vox diei Domini a-
mara, tribulabitur ibi fortis. Dies ira,
dies illa, dies tribulationis, & angustiae,
dies calamitatis, & miseriae, dies tene-
brarum & caliginis, dies nebulæ & tur-
binis, dies tubæ & clangoris. Soph. 1. v.
14. 15. 16. p. 173.*

ÆTER-

Æ T E R N A I N F E R O R U M S U P P L I C I A.

*Quis poterit habitare de vobis cum
Igne devorante? quis habitabit ex vobis
cum ardoribus sempiternis? Isai. 33. v. 14.
p. 183.*

Æ T E R N A B E A T O R U M G A U D I A.

*Oculus non vidit; nec auris audivit;
nec in cor Hominis ascendit, quæ præpa-
ravit Deus iis, qui diligunt illum. 1. Cor.
2. v. 9. p. 196.*

C E R T A M E N P O E T I C U M S U P E R. L E S S O M O R T U A L I.

pag. 281.

Heb-

HEBDOMADA MEDITANDÆ ÆTERITATIS.

<i>Die Dominico.</i>	230
<i>fer. 2.</i>	231
<i>fer. 3.</i>	232
<i>Meditatio pro fer. 4.</i>	pag. 234
<i>fer. 5.</i>	236
<i>fer. 6.</i>	237
<i>Die Sabbath.</i>	23

DESIDERO
collum æternorum.

Gen. 49. v. 26.

CHRISTO JESU;

In quem desiderant Angeli
prospicere. 1. Pet. 1. v. 12. Amori &
Desiderio suo, Vir
desideriourum.

Dan. 9. & 10.

*Domine, ante te omne desiderium meum,
& gemitus meus à te non est abscon-
ditus. Psal. 37. v. 10.*



Domine, ante te omne desiderium meum,
& gemitus meus à te non est abscon-
ditus. Psal. 37. v. 19.

Handwritten text in a cursive script, likely a translation or commentary on the Latin text above.



QUot mihi clam tacitis mens æstuet an-
xia votis
Indicio potuit discere nemo meo.
Nemo, nisi arcani qui pectoris intima
lustrat,

Quem fugit humani nulla latebra sinus,
Ille meos gemitus, mea scit suspiria solus ;
Ille oculis etiam persecat ima suis.
Ecquis in alterius sua sensa profuderit aurem,
Sit nisi secreti proditor ipse sui ?
Si tamen ulla foret speranda hæc arte medela,
Ars desiderii hæc foret una meis.
Sed neque depositas levat auris amica querelas,
Nec desiderii hac fit ab arte modus.
Cooperat, heu ! natos Rachel ululare peremptos ;
Mox, ubi nil flendo profuit abstinuit.
Scilicet ipse suas facit ignis editque favillas,
Quasque f' nubes, ipsa resorbet aquas :
Sic melius, proprios, quos fudi, combibo fletus,
Inque suum recidit tutius unda sinum.
Quæ mea sint igitur, dum triste gemo, lamenta ;
Non nisi nos soli novimus, ille & ego.
Quid voveam, tacitis dum compleo littora votis
Non nisi nos soli novimus, ille & ego :
Quid clamem, mea dum sese suspiria rumpunt ;
Non nisi, non nisi nos novimus, ille & ego.
O ! quoties fictas animus gerit histrio partes,
Et pugnant animo fronsque, colorque suo ?
Dum patitur tragicos mens personata cothurnos,
Sæpius in Mimo Roscius ore salit.

Nulla

Nulla fides lacrymis, lacrymae simulare docentur,
 Nec, nisi vis falli, risibus ulla fides.
 Solvor ut in fletus, putat omnia tristia vulgus;
 Solvor ut in risus, omnia lata putat;
 Fallitur ah! nostri neque scit mendacia vultus,
 Cum lator, lacrymor, tideo, cum doleo.
 Vix tibi tot, Protheu, quot sunt simulantibus ora,
 Vota quibus larvam dant, adimantque suam.
 Nemo meos Gemitus, Vota, aut Sulpiria novit,
 Nemo, duo nisi nos, & duo sufficimus.



LIBER

LIBER PRIMUS;
GEMITUS
ANIMÆ
POENITENTIS.

G E M I T U S.



Anima mea desideravit te in nocte.
Isaie 26.

My soul has desired thee in the night.
Isaiah 26.


LIBER PRIMUS 2

*Habet mundus iste noctes suas, & non
paucas. Quid dico, quia noctes habet
mundus? cum poene totus ipse sit nox,
& totus semper versetur in tenebris.*
Bernardus in Cant. Sermone 75.

I.

HEi mihi! quàm densis nox incubat atra tenebris?
Talis erat, Pharios quæ tremefecit agros.
Nubila, lurida, squalida, tetrica, terribilis nox;
Nocturno in censu perdere digna locum.
Non ego tam tristes Scythico puto cardine lunas,
Tardat ubi lentas Parrhasis Ursa rotas:
Nec tot Cimmeric glomerantur in æthere nubes,
Unde suos Phœbus vertere jussu sequos:
Nec reor invisi magis atra palatia Ditis,
Fertur ubi nigrâ nox habitare casâ:
Nam licet hîc oculis nullam dent sidera lucem,
Non tamen est omni mens viduata die:
Nocte, suam noctem populus videt ille silentium,
Et se, Cimmerici, Sole carere vident.
Arctica cùm senos regnavit Cynthia menses,
Dat fratri reduci septima luna vices:
Ast me perpetuis damnat fors dira tenebris,
Nullaque vel minimo fidere flamma micat.
Et neque (quod cæcis unum solet esse levamen)
Ipsa suam noctem mens miseranda videt.
Quin tenebras amat ipsa suas; lucemque perosa,
Vertit in obscœnæ noctis opaca diem.
Nempe suas animo furata Superbia flammâs,
Nubilat obscuro lumina cæca populo.
Nec finit Ambitio nitidum clarescere solem,
Fuscat & ingenuas Idalis igne faces.
Heu, quoties subit illius mihi noctis imago,
Nox animo toties ingruit atro meo!

Sors oculis nostris melior, quibus ordine certo,
 Alternas reparant lunaque, solque vices!
 Nam quid agat ratio, quid agat studiosa voluntas,
 Quas habet, ut geminos mens peregrina duces?
 Major, habere oculos, dolor est, ubi non datur uti,
 quàm, quibus utaris, non habuisse oculos.
 Qui dolet oppressus lapsis velocius umbris,
 Lætior aggreditur manè viator iter.
 Sed nimis hæc longas tenebris nox prorogat horàs,
 Quæ tibi manè negat cedere, Phœbe, diem.
 Cum redit Arctoo Titan vicinior axi,
 Exultat reducis quisque videre jubar:
 Scilicet Auroræ gens vertitur omnis in ortus,
 Quisque parat primus dicere; Phœbus adest,
 Sic ego, sæpè oculos tenui sublimis Olympo,
 Alpiciens, gemino qui jacet orbe, Polum,
 Et dixi tam sæpè; Nitesce, nitesce meus Sol!
 Sol mihi tam longos obtenebrare dies!
 Exorere, exorere, & medios saltem exere vultus,
 Vel scintilla tui sola sat esse potest.
 Quin etiam, tanti si luminis abnuis usum;
 Sufficiet radios expetisse tuos.





Deus, tu scis insipientiam meam, & deli-
 Eta mea à te non sunt abscondita. Ps. 68.

*C. Gell. tu fuisse me
 laqueum, sed, non me. Quod
 non fuit hic meum non meum.*

G E M I T U S.

Nihil ab insanientibus differunt, qui terrenas res, & brevi duraturas, tanquam in somnis suspicantur. Chrysostomus hom. 4. in Joannem.

I I.

Si tibi stultitiæ nulla est patientia nostræ
 Omnia consilio quis sapiente regis;
 Nullus ab offenso veniam sibi numine speret,
 Nullus enim culpâ, stultitiâque vacat.
 Hæc etiam excelsas afflat contagio mentes,
 Et sua stultitiæ quemlibet aura rotat.
 Quid simulasse juvat? semel insanivimus omnes,
 Ingenue humani stemmatis illa nota est.
 Et pater & mater, generis primordia nostri,
 Maxima stultitiæ signa dedere suæ.
 Credito posteritas, fatali vendita pomo es;
 Stultius hæc aliquid venditione fuit?
 Nec minus insanus, magni patrimonio census
 Perdidit esuriens, munere pultis, Esau.
 Et Salomon tactam sensit vertigine mentem,
 Dum castam insano vertit amore domum.
 Non igitur magni fallunt oracula Regis;
 Stultorum innumerum qui docet esse gregem.
 Legiferi neque vana canunt præfagia vatis,
 Queis defleta hominum tanta ruina fuit.
 O saperent, ait, & cauti ventura viderent?
 Non adeo in vitium cerea turba foret.
 Quis (nisi desiperent) quosdam dixisse putaret,
 Nullum, qui tertis imperet esse Deum?
 Quilibet, ut peccet (alias peccare timeret)
 Esse sibi nullum fingit in orbe Deum.
 Ipsa igitur nostros avertunt crimina sensus,
 Nullus & in vitium, sit nisi stultus, abit.

Sed

Sed neque jam gliscens, stat in hoc dementia passu,
Præcipiti in pejus truditur acta pede:
Extruimusque domos, coeloque educimus arces,
Ceu data perpetuò terra colenda foret:
Crastina lux coget vitæ statione moveri;
Quis neget insanas nos fabricasse domos?
Conterimus plananos, disponimus ordine lauros,
Areolas hortis dividimusque suas:
Quæ stolidi serimus, vix tertius aspicit hæres,
Quo tibi, qui carpet tum tua poma, nepos?
Sic, puto, dat senibus puerilis natio risum,
Cum fabricat luteas, parvula turba, casas:
Ludicra sollicitis fervet respublicâ curis,
Hic fœnum, hic paleas convehit, ille trabes;
Aggerit hic gravido plumas, & stramina plauistro,
Hujuserat testâ quærere munus aquam.
Et sibi tum structæ gratantur mœnibus urbis,
Magnaque se pueri regna locasse putant.
Hæc videt, ac ridet, quæ transit grandior ætas,
Vixque graves sese virque, senexque tenent.
Haud aliter Superis dant nostra negotia risum,
Regnaque pro nidis, quæ fabricamus, habent;
Hæc quoque sub stolido sapientia nata cucullo;
Tam variis nullum vestibuisse modum;
Pauca, vel hoc studio, peregrinus ad oppida currat,
Inveniet vestes per loca quæque novas.
Si sedeant uno simul omnes forte theatro,
Quos sua dissimiles palla, chlamysque facit,
Ridiculis videat plenissima pulpita mimis,
Rideat & socii pallia quisque sui.
Jam studium gemmarum, & habendi quis furor auri,
Sudat in hoc hominum nocte dieque labor.
Quid tamen est aurum, fulvæ nisi pulvis arenæ?
Gemmaque, quàm vitrei gutta gelata maris?
Ambit & has tanta gens stulta cupidine gazas,
Ceu foret hinc miseris una petenda salus.
Ecce tibi minimo cœlum venale labore,
Et cœlum hoc pretio quantula turba petit?

Heu genus infanum! terras præponitis astris,
Ignotis nuntium dona caduca bonis!
Quis pueros (lusu si vel tam turpiter errent)
Orbilii meritos aspera sceptrâ neget?
Nempè sciunt levibus quid distent æra lupinis,
Ut semel abjectas deservêre nuces.
Nos mage desipimus, cum parva crepundia, cœlo,
Prô pudor! & fluxas pluris habemus opes.
O medici mediam stolidis pertundite venam!
Stultitiæ queat hic proximus esse furor.
Si videt hac, magnus qui temperat arbiter orbem,
Nostraque stultitiæ nomine, multa tegit.
Et mea propitius deliria plurima transit,
Multaque scit cœcâ dissimulanda manu.
Et qui jus adimat, novit Prætoris egere,
Ne perdam, patrias qui mihi servet opes.
Ergo adeat sanum mea, fac, tutela patronum,
Stultitiæ custos esto vel ipse meæ.



LIBER PRIMUS.



Miserere mei Domine, quoniam infirmus sum: sana me Domine, quoniam conturbata sunt ossa mea, Psalm. 6.

Handwritten Latin text, likely a translation or commentary on the Psalm above.

*Iacet toto orbe ab oriente usque ad occidentem
grandis agrotus, sed ad sanandum grandem
agrotum descendit omnipotens medicus; humi-
liavit se usque ad mortalem carnem; tam-
quam usque ad lectum agrotantis. Augustinus
serm 55 De verbis Domini cap. 11.*

III.

Conquerar; an fileam? justas habet ira querelas,
Heu sine Pœoniâ sola relinquo ope!
Non ego jussâ licet juratus credere verbis,
Sperassem cordi non magis esse tibi.
Siccine tardus ades, neque nostra pericula tangunt?
Quæ potuit tantæ causa fuisse moræ?
O mea spes Numen, quo non præsentius agris,
Sic potes es nostri non memor esse mali?
Nunc aderant pariter Podalyrus atque Melampus,
Phillyrides Chiron, Pœoniisque senex.
Multaque præterea comitata Machaone turba;
Quique aliquod n.edicâ nomen ab arte gerunt;
Tu solus decras morborum publica cura,
Postque tot Hippocrates ultimus ecce venis.
O mea spes! numen, quo non præsentius agris,
Sic potes es nostri non memor esse mali?
Omnibus est oris visus color indice linguâ,
Omnibus admotâ venâ notata manu:
Nil ajunt, vitale rubet, neque languida certas
Vena notat, pullu præmoriente, moras.
Idque ego plus ipsis deprendo medentibus ægra,
Destituit medicos ars sua, meque salus.
Quidnam igitur sperem fugientibus orba Magistris,
Morbus ubi vincit sa vior artis opem?
Cœca per infectas serpunt contagia venas,
Imaque subdit lapsus in ossa dolor;
Et caput, & cubiti se sustentare recusant,
Tinctaque vix Baccho vena medente redit.

II

A 6 Sanus

Sanus Apollineâ non indiget arte vel herbâ,
Lege Machaoniæ qui dolet, artis eget.
Mens mihi lasa dolet plus simplice vulneris ictu ;
Ne doleat, vires experire tuas.
Illa ego sum, Solymis quam prædo cruentus arenis
Stravit, & immiti diffidit ense latus:
Tu Samarita mero; Tu vulnera mitis olivo
Oblue barbaricâ vulnera facta manu ;
Quosque Levita negat, medicos in verge liquores,
Crescer ab infuso rore meroque salus.





*Vide humilitatem meam & laborem
meum, & dimitte universa delicta mea.
Psalm. 124.*

*These are the words of David
when he was in the land of the
Philistines, and he said, I will
sing unto thee, O Lord, in the land of the
Philistines, as I have sung in the land of
Egypt.*

*Molendinum puto dictum mundum
istum; quia rotâ quâdam temporum
volvitur, & amatores suos conterit.
Augustinus in Psalm. 36.*


IV.

Aspicis, heu sævus! nostris neque tangere curis
Aspicis, & credi vis tibi, me quod ames?
Futilis ignaro canetur fabula vulgo;
Sentit amicorum vulnera, quisquis amat.
Aspicis & pateris, neque cura est ulla juvandi;
Verus amor promptam non ita tardat opem.
Aspice, quam turpi subigar damnata labore;
Aspice, cui tandem colla premenda iugo.
Ah foret ingenuâ saltem labor indole dignus,
Nec nimis abjectæ vilius artis opus.
Multa meos casus magnorum exempla levarent,
Et faceret propriam fors aliena levem.
Sæpè ducum proavos, Regesque noverca coegit
Angustas operi fors adhibere manus:
Protea frangentem septemplex ostia Nili,
Sic oras miseram, Rex Menelae, stipem.
Dextra Syracosii sceptris afflucta tyranni,
Sic ferulas, pueris sceptra verenda, tulit.
Flenda exempla quidē, tamen haud ducenda pudori,
(Non etenim miseris sunt sua fata probro.)
Ast mea non lachrymis, sed digna pudore ruina est,
Quæ roto serviles sponte subacta molas.
Qualis ab infidâ Sampson detonsus amicâ,
Circuit indignas, hoste jocante, rotas:
Atque utinam famulas tantùm damnarer ad artes!
Explerem ingenuâ sordida pensa manu:
Turpibus at servum vitis ad dicere pectus,
Exulis asperius mancipiiq; iugo est.
Ah pudet! & (duplicis nova quæ n. ih. causa ruboris)
Ipsa meum damnans exector author opus.

Vix

LIBER PRIMUS. 15

Vix bene pertaxum est, rursusque revolvitur error,
 Crescit & attextis nexa catena malis.
 Scilicet illa manet plectendas ultio noxas,
 Admissum sequitur culpa secunda scelus.
 O quam sæpè meo sensi hæc discrimina damno ?
 Nec tamen est damni mens revocata metu.
 Nempe trahor vario studia in diversa duello,
 Ut ratis ambiguus jam pila facta Notis.
 Et trahit hinc (vitii, quæ lena comesque] voluptas,
 Quique subit vitium, retrahit inde dolor.
 Sæpius illa tamen redit è certamine victrix,
 Assiduus vitio sit licet ille comes.
 Sic habet alternos virtus, vitiumque triumphos,
 Et meus æterno vertitur orbe labor.
 Tu super hæc etiam loris servilibus instas,
 Addis & in pœnas verbera dura meas;
 Pœnaque cum culpæ sit culpa secunda peccatæ,
 Suppliciis pœnas adjicis usque novas.
 Nempe Ixionius non est modò fabula gyrus,
 Vincita sed æternæ vertor in orbe molæ.
 Aspicias hæc durus, neque nostro tangere fato;
 Aspice & in pœnas mitior esto meas.





Memento, quæso, quod, sicut lutum, feceris me, & in pulverem reduces me.
 Job. 10.

*Ich bitte dich, nicht mehr mich,
 als ein Thon, wie du mich gemacht
 hast, denn mich in den Staub
 wirst du wieder setzen.*

*Ansum est infelix lutum blasphemare fi-
guli sui digitos, quid igitur? nimirum,
figulo justissimè digitos suos foris con-
trahente, & cum tota manu feriente,
dissipatum est vas dissipatione valida.
Rupertus l. I. in Jeremianæ cap. II.*

V.

ERgòne cœlituū jam nata oblivio regnis?
Quis Ganymedæo miscuit ista scypho?
Quid facit immemores ad nostra negotia Divos?
Lethæas Superi forte bibistis aquas?
Oblita es, mea lux, aut vis oblita videri;
Cum dubitas proprium quale creâris opus.
Si nescis, referam; si scis, cur fingere pergis?
Me tua te luteâ dextera fecit humo.
Quæris ubi? toto locus est notissimus orbe,
Primus ubi pater est conditus, hortus erat,
Fons ubi de riguis argenteus exilit herbis,
Quadruplicique suas flumine findit aquas.
Scire lubet tempus? minimo post tempore, falsas
Cum maris aggeribus terra coegit aquas.
Addo, [quod historiæ facit, hæc quoq, parte probādē)
Puniceo rubuit Dædala gleba solo.
Hinc tribus es modicam digitis admensus arenam,
Primaque massa mei corporis illa fuit.
Nec primis erit his natalibus exitus impar,
Nil nisi pulvis eram, nil nisi pulvis ero.
Sic faber argillam famis dum repperit agris,
Ædificat facili pocula ficta luto.
Principio terræ segmenta ligonibus urget,
Inde levi madidam flumine mollit humum.
Denique materiem pernix rota versat in orbem,
Amphoraque admotæ nascitur arte manus,
Nascitur, at mediâ vix amphora vixerit horâ,
Frangitur, inque suam fracta recurrit humum.

Haud

Haud magè firma meæ fundamina condita vitæ,
 Et levis extremos finiet umbra dies.
 Cur igitur, veluti fuga non satis incitet annos,
 Præcipites glomerat mobile tempus equos ?
 Sponte, meus pulvis, nimis heu citò, sponte fatiscit,
 Et mea, non ullo, vita premente fugit !
 Si mihi, ceu vitreâ concrevit Olympus abundâ ,
 Cælite cryſtallo membra gelata forent !
 Aut quales memorant, cœlestia lumina, ſtellas ,
 Quas ſuus è liquidis condidit author aquis :
 Aut foret Angelicæ munus ſine corpore vitæ,
 Eliſiis qualem mentibus eſſe ferunt !
 Sperarem Angelicis æqualia ſæcula luſtris,
 Cœleſtesque annos, ſiderioſque dies.
 Sed data ſquamigeræ mage fortia corpora turmæ,
 Quam peperit vitæ Doris aquoſa patri.
 Quin etiam volucres cunis melioribus ortæ,
 Plumæ queis nitidæ membra dedisti aquæ.
 O utinam rigidis mihi ſtent adamantibus artus,
 Aut durent nervos fulva metalla meos !
 Felices Scythicæ fato meliores ſorores,
 Fama quibus fulva ſinxit ab ære manus.
 Cuique fuit ſolo corpus penetrabile talo ,
 Ærea nam reliquum lamina corpus erat :
 Sed quid ago damnoque mei cunabula limi ?
 Aut queror è fragili corpora ficta luto ?
 Non bene vaſa tuo faciunt convicia fabro,
 Nec faber ipſe ſuum jure refutat opus.



Pecca-



*Peccavi! quid faciam tibi, ô custos homi-
num, quare posuisti me contrarium ti-
bi? Job. 7.*

Tum sibi contrarium Deus hominem posuit, cum homo Deum peccando dereliquit; justus verò conditor hunc sibi contrarium posuit, quia inimicum ex elatione deputavit. Gregorius in c.7. Job. lib.8.c.22.

VI.

ET juvat, & merui: pleno scelus ore fatendum est
 Culpa mea est nullo digna patrocínio.
 Peccavi; fateor; nec quæ male crimina feci,
 Ullo fucari posse colore, puto.
 Nec mihi dedecoris metus est, aut cura pudoris,
 Publica flagitiis debita poena meis.
 Ecce manus ultro supplex tibi porrigo victas,
 Quæ mihi sit, tantum, poena luenda, rogo.
 Quid tibi vis faciam? Vis trudem pectus in enses?
 Aut cladi statuam moesta trophæa meæ?
 Vis tua centenis cumulari altaria libis?
 Aut pia fumosis thura micare focis?
 Aut meus ipse tuas mavis cruor imbuat aras,
 Hostia criminibus substituenda meis?
 Ah, foret illa meæ vix par quoque victima noxæ!
 Namque meo est omnis crimine poena minor.
 Non tamen est sævas tantus tibi fervor in iras,
 Quas lenire cruor solus & ara queant.
 Sæpe tuus parti superata mucro pepercit,
 Et conservato nomen ab hoste tulit.
 Non finit ingenium tantos tibi surgere motus,
 Quantis pro merito culpa pianda foret.
 O bone Terrigenum custos tutelaque mundi
 Publica suspendit tot cui vota salus;
 En tua se mediâ clementia monstrat in irâ.
 Quæque manu gladios, hac quoque tendis opem.
 Si pateris (quamvis summo mea causâ patroni)
 Eloquio, melior nullius esse queat.

Pauca

Parca tamen pro me, vel pro te [quod magis optem)
 Ne tua fors etiam sit mala causa, loquar,
 Non nego peccavi, communis hic fuit error:
 Damnanæ communis criminis at una luam?
 Cum ruerent alii, malè quo suus impetus illos
 Impulit, in flammæ Bache, Venulque tuas:
 Dextra suum fulmen, quamvis vibrata, remisit,
 Pœnaque pro gladio lenis oliva fuit.
 Cur mihi perpetuo contra adversare duello,
 Ceu gladiator ego, tuque lanista fores?
 Non satis est, culpam fassas tibi tendere palmas,
 Criminibusque iram promeruisse tuam?
 Quid? quod & egregii dederim tibi muneris ansam,
 Materies laudis, dum mea culpa, tua est.
 Nam nisi peccassem quid tu concedere posses?
 Clementis nomen, non habiturus eras.





Cur faciem tuam abscondis, & arbitraris
me inimicum tuum? Job. 13.

*Wannem verbergst du dein
Gesicht, und hältst mich für
deinen Feind?*

*Si quis offenderit servulorum, avertere
ab eo vultus solemus: si apud homines
hoc grave dicitur, quanto magis apud
Deum? Vides enim, quòd faciem suam
Deus à Cain muneribus avertit. Am-
brosius, Apolog. pro David.*

VII.

ERgo mea tantæ causam tibi præbuit ira,
Qui condonandus leniter error erat?
Credideram, torvos tantum te fingere vultus,
Nec nisi compositis os simulate minis.
Scilicet, ut flenti genitrix negat ubera nato,
Sed negat; ut lacrymis sapius illa petat.
Aut qualis puero fugiens negat oscula nutrix,
Oscula, quæ toties, dum fugit ille, dedit.
Sic ego te fictos rebar mihi ducere vultus,
Utque magis sequerer, fingere velle fugam.
At geritur video, dicto res seria bello,
Falsa nec, ut rebar larva, sed ira fuit.
Avertisque oculos, dedignarisque videri,
Pax veluti numquam concilianda foret.
Et fugis, ut viso fugit eminus hostis ab hoste,
Aut quem fulmineo dente laceffit Aper.
Seu timeasque oculis vilis saxescere nostris
Oculis oppositâ lumina cauta manu.
Quo precor hanc tanto merui pro crimine poenam,
Ut velut indignans ora videnda neget?
An, quia peccavi, vultu frustraris amantem?
Ah vultu! nunquam qui mihi torvus erat.
Aut mea ne magicas jaculentur lumina flammæ,
Sibilet aut nostro Regulus ore, times?
Anteveni tutis Cythereo visibus orbes,
Vibratamque oculo pelle nocente necem.


Donec

Donec enim verso me dedignabere vultu,
 Te, dolor, irato vivere, major erit.
 Nullius alterius faciunt mihi lumina bellum,
 Luminibus possum, Phœbe, carere tuis.
 Pulchra tuos oculos contemnere Cynthia possum,
 Qui pascunt reliquas igne nitente facès;
 Attamen absque tuis oculis, mea vita, meum cor
 Vivere non aliter, quàm sine corde, queo.
 Cense igitur reliquas, quibus obror anxia curas,
 Si tam dura, oculis, poena, carere tuis.
 O quanto ! ô quanto mihi grandius hoc tormentum
 est?
 Te quod amem mea lux , me tamen haud red-
 ines ?

N A Z I A N Z E N U S

De virtute humana.

— Lumen persapè tuenti,
 Numinis æterni, nubes densissima sese
 Protinùs iniecit mediam; seque abdidit
 ingens
 Fulgor, & ardentem fixit mihi corde do-
 lorem.
 Ut mihi jam propiùs posito se prapete
 cursu
 Eripuit, cepitque fugam. Cur istud? A-
 mari
 An quod à me semper cupiat, cupideque
 requiri?
 Namq̃, ita moris habent homines quoq̃.



Quis dabit capiti meo aquam, & oculis
meis fontem lachrymarum? Jerem. 9.v.I.

Wm. ...
Missus ...
Aug. ...

*Si totus vertar in fletum, & nequaquam
gutta sint lacrymarum, sed abundan-
tia fluminum, non satis dignè flevero.
Hieronymus in cap. 9. Jerem.*

VIII.

Quis mihi det liquidas, caput hoc vertatur in
undas?

Totque fluat guttis, quot stetit antè, comis?
Fronte patet campus, quem stabilis imber inundet,
Ripa nec, ut fluctus exspatiantur, obest.
O mea, si subito, dum flumina, lumina fiant!
Sat capiet geminas alveus aptus aquas.
Ille meis totus lacrymis non sufficit imber,
Perpetuo flentis, qui rigat ora senis.
Capta nec Andromache, quâ lumina proluit unda,
Illa meis lacrymis unda sat esse potest.
Nec tua, Jesside, lacrymari balnea lecti,
Balnea nocturnis humida semper aquis.
Nec quibus es solitus jejunia pascere gutta,
Nocte dieque tuus quæ tibi panis erant:
Illa nec illuvies plorabilium lacrymarum,
Quam pluit in Domini Magdala mœsta pedes;
Nec (tibi, qui geminis inaraverat humida sulcis
Lumina) fons mœste, Petre perreunis aquæ.
Sed tua, Nile, velim septemplíce flumina rivo,
Cum vagus Isiacos obruis amnis agros.
Aut qualis madidum cum mergit Aquarius annum,
Totaque in hybernas astra liquantur aquas;
An potius trepidas qualis ruit imber in urbes,
Omnia cum pluvio claustra reclusa Jovi,
Calminaque & turres, & acuta cacumina, cautes,
Et nemora & montes, nil nisi pontus erant.
Nos oculis voveam gravidis mihi currere nimbos,
Et caput hoc, totus fiat ut Oceanus.

Aut

Aut saltem in geminos tabescere lumina rivos,
Perpetuo ve meas amne natare genas.
Nec sicuari oculos, nisi cum stupor obstitit illis.
Finiat ut lacrymas ultima gutta meas.
Felices nimum, vitrea gens cerula, nymphæ,
Membra quibus fluido sunt liquefacta vitro !
Vosque, paludosis mutata fontibus artus ,
Quas vetus est quondam fama professa nurus;
Cur mihi non liquidis stillant quoque brachia rivi ?
Glaucæque muscosis fluctuat unda comis ?
Illa ego sum, fontem quæ non admittor in ullum.
Illa ego sum frustra quæ liquor esse velim,
O utinam ! celerem vertar, novus Acis, in amnem ,
Quid Galatæa, tuo flumen amore fuit.
Aut aliquod fieri jubeat me Biblida Numen,
Quod fieri jussit Biblida fontis aquam !
Aut Acheloë, tuâ liceat mihi ludere formâ,
Hercule decepto, cum leve flumen eras.
Non ego tunc, Acheloë precaria corpora ponam ,
Taurus, ut exuto fluminis ore, puter.
Et licet obscuri fuerim nisi nominis amnis,
Non ego, me nomen vile fuisse, querar.
Jugis aquæ largus tantum mihi suppetat imber :
Cætera securum nomen honoriserit.
Tum mea inexhaustos deducunt lumina rivos;
Pindus ut æstivâ de nive volvit aquas.
Perque fluent lacrymæ, veluti vaga flumina, vultum
Flumina luce fluent, flumina nocte fluent.
Nec nisi flere, meis oculis erit ulla voluptas ;
Donec erunt lacrymis crimina mersa meis.



*Dolores inferni circumdederunt me, pra-
occupaverunt me laquei mortis. Ps. 17.*

V. G.

*Das Inferno der Hölle un-
guten Menschen die Wunden
des Todes überfielen
und erstarben.*

*Laqueus in auro, viscus in argento, nexus
in pradio, clavus est in amore: dum au-
rum petimus, strangulamur, dum ar-
gentum quærimus, in visco ejus here-
mus; dum pradium invadimus, alliga-
mur, Ambros. De bono Mortis. cap. 5.*

IX.

ERgo iterum *Actæon* aliquis nova fabula fiet?
Infelix canibus præda voranda suis?
En, mihi mens nemorum studiis juvenilibus arsit,
Et pernit studiis mens prope capta suis.
Mens fuit, ancipites venatu pellere curas :
Non tamen in sylvis, pulchra *Diana*, tuis.
Sylva mihi rapidis non est latrata molois,
Lustra nec infestâ sollicitata cane.
Nec juga *Taygeri*, neque *Mænala* territa cornu:
Nec fulvus volucris cuspide stratus aper.
Nec mea *Partheniis* circumdata retia sylvis:
Nec meditata feris callida lina dolos.
Nunquam ego vel pedicas, venabula, tela, vel arcus,
Ullave *Spartanæ Virginis* arma tuli.
O utinam mens ista mihi, *Dictynna*, fuisset!
Non ego nunc prædæ cingerer arte meæ.
Heu! quibus imprudens studiis mihi torpuit ætas?
Quin potius nemorum cura notata rubis?
Cur quæ sita tuis mihi præmia, *Bacchæ*, trapetis?
Aut agitata tuis prædes *Cupido*, jugis?
Non tantum pharetram, neq, tantum tela, *Cupido*,
Cauta sed, ut fallas, fila plagasque geris.
Pampineos tantum neque concutis *Erie* thyrsos,
Sunt quoque, quæis capias ebria crura, doli,
Cum fuggit *Dalila* *Sampton* malè tonsus ab ulnis;
Vineta *Philisthæo* brachia fuge tulit.

Cùm jacet ignoto Noe supperatus Jaccho,
 Compede succiduos stringis Jacobe pedes.
 Idalis ecce, suis jam me quoque cassibus ambit,
 Quæ toties votis præda petita meis.
 Hei mihi! quot circum pedicarum indagine cingor,
 Seu fera venantùm præpete septa globo.
 Scilicet illa fuit spectri feralis imago,
 Antonio, celsi vertice visâ jugi.
 Cùm patuere oculi collecta sub unius ictum
 Omnia, quæ mundo didita regna jacent;
 Omnia, ceu parvâ tellusque, polusque tabella,
 Pictæque stant minimo corpora tota vitro:
 Omniaque hæc ingens obseperat undique rete,
 Multaque furtivis flamina sparsa viis.
 Quisque suas fraudes sensit sua vincula quisque;
 Hic caput ille pedes vinctus & ille manus.
 Sic sua deceptum laquearat quemque voluptas,
 Ut visco stolidæ decipiuntur aves.
 Ah! sua nexilibus tendit mors undique tramis
 Reticula arachneo callidiora dolo.
 Utque sedet nigro venator araneus antro,
 Insidiâns pennis, stridula musca tuis:
 Sensit ubi, mora trepidare cubilia tela.
 Emicar, & trepidam reptat in antra feram:
 Aut qualis viridi laret arbore callidus auceps,
 Pennipedi meditans vincla dolosa gregi.
 Linigeros abdit vicino gramine vallos,
 Spargit & in nitido plurima grana solo.
 Et circum inclusas secreta crate volucres,
 Quæque canant vincitæ compede, ponit aves.
 Hæ saltu & cantu; levis ille foramine buxi;
 Hæ socias; prædam decipit ille suam.
 Venantùm haud aliter scelerum comitata corona
 Implicat insidiis mors sua quemque suis.
 Quique super laqueos nixus dare corpora saltu,
 Heu miser in stygias præcipitatur aquas!



*Non intres in iudicium cum servo tuo ;
quia non justificabitur in conspectu tuo
omnis vivens? Psalm. 142. v. 1. 2.*

B 4

Quid

*Quid tam pavendum? quid tam plenum
anxietatis, & vehementissima sollici-
tudinis excogitari potest? quam judi-
candum adstare illi, tam terrifico tri-
bunali, & incertum adhuc expecta-
re sub tam districto iudice sententiam.*

*Bernard. Serm. 8. super Beati qui, &c.
X.*

QUOD Domino decus est, in jus arcessere servum,
Palmaque quæ servi, jure vadantis Merum?
Et servilis hero vertit victoria probro,
Et reus offensæ servus herilis abit.
Crede mihi pudor est, mecum tibi texere rixas;
Jurgia nec tecum convenit esse mihi.
Non ego sum, tantæ cui sit fiducia pugnae.
Non ego materies litibus apta tuis.
Nempe tuis scribi vis bella forensia fastis,
Aut mea, fortè, tuam vincere, causa potest:
Cujus erit felix adeo facundia linguæ,
Quæ sperare sibi tanta trophæa queat?
Juridici nulla est ita vox exercita rixis,
Quo tua debilior causa, loquente, cadat.
Heu! nimis auferam dispensas cognitor urnam,
Nectus inflecti se rigor ille finit.
Sat tua nota quidem gemino clementia mundo;
Blanda que & in pœnas est tibi lenta manus:
Mœsta que cum statuis tristi tibi mœror in ore est;
Tamque rei damno, quàm reus ipse, doles.
Parque tibi dolor est de crimine sumere pœnam,
Ac sua de plexo crimine pœna reo est.
Nec sibi decretam velit ullus demere mulctam.
Arbiter ut proprii criminis ipse foret.
At licet ingenuas habeant hæc carmina laudes:
Judicu supiam puncta subire tui,

Nam

Nam quamvis miseris bonus es, veniæque paratus,
 Attamen infantes jure severus agis:
 Et tibi tam justa pender lanx utraque librâ,
 Par sit ut ex æquo gratia, parque rigor.
 Nec finis affectus, captivæque pectora duci,
 Nec subigunt animum lenia verba tuum.
 Nec, si Caufidici vox incantaverit aures,
 Facunda minimum diluat arte nefas.
 Perdidit hic castas facundia, Suadaque vires,
 Et filet hoc omnis gratia muta loco.
 Nec prece, nec pretio; nec fraude nec arte, nec astu,
 Prostitit hoc unquam vendita causa foro.
 Quis fecer intrepidus tam duro Judice lites?
 Aut tantum impavidus pareat ante Deum?
 Non ego si sævi vocer inter ovilia Martis,
 Dura tui metuam septa, Gravide, fori.
 Nec trepidem (licet ipsa Decem citet hasta virorum)
 Ne mea, centeno judice, causa labet.
 Nec tua [causarum scopulos] infamia Cassi,
 Pulpita, si jubeat Prætor, iniqua querar,
 Nec Radamantææ verear subsellia rixæ,
 Scamnaque Dyctæi litigiosa senis.
 Nec, quibus inclusas tenet arbiter Aacus umbras,
 Infernis dubitem jura subire plagis.
 Quilibet in caput hoc dictet suffragia iudex,
 Et ferat immites quælibet urna notas:
 Causarum mihi tot lingua est inflata trophæis,
 Se putet ut nullo cedere posse foro.
 Unius at timuit solummodo judicis urnam;
 Judicis, & testis qui vice solus agit.
 Qui semel ut sæva sententia lata tabella est,
 Nec prece, nec lacrymis, triste retractat opus.
 O durum! ô fatale reis, miserisque tribunal,
 Quo Judex rigido tam gravis ore ledet?
 Dicitur attonitis & terna luce supinis
 Hunc oculis Agathon extimuisse diem.
 Utque sibi noxæ Paulus non conscius esset,
 Hoc tamen est veritus iudice stare nocens,

Quique sui Salomon doctissimus audiit ævi,
 Mens pura est, quemquam dicere posse, negat.
 Quia sacer hac etiam trepidus formidine Psaltes;
 Judice te tutus quis reus, inquit, erit?
 Quique tot adversos tulit æquo pectore casus,
 Vix fore clara satis sydera; Jobus ait.
 Si trepidant igitur, tanto cenfore, columnæ,
 Quo stabunt tabulæ lingua caduca, pede?
 Sique tremunt pavidæ nutante cacumine cedri,
 Qua spe parva suam sylva tenebit humum?
 Frigidus heu! refugit mihi toto corpore sanguis,
 Alpectus quoties hæc subit urna meos.
 Non secus, ac visa cum victima forte securi,
 Decepto refugit verberare tunica caput.
 Parce precor neque jus mihi dic hac cognitor urnâ,
 Sancta Themis causâ qua cadat ipsa suâ.



Missus in spiritibus suis
 In mundum missi, sunt
 Spiritus missi in mundum
 Spiritus sanctus.

Non



*Non me demergat tempestas aqua, ne-
que absorbeat me profundum. Psalm. 68.
V. 16.*

Magnam faciunt tempestatem multitudines cupiditatum, quæ velut in quodam freto corporis navigantem, hinc, atque inde perturbant, ut gubernator sui esse animus non possit. Ambros. Apolog. posteriori pro David, cap. 3.

XI.

O Nimis instabilis dubii inconstantia Ponti,
 Qui tot pellicibus carbasa fallis aquis!
 Nempe fluis vitieis refluisque argenteis undis,
 Mentiturque tuus dura metalla liquor.
 Nonnumquam placidus, tacita stas more paludis,
 Nec magis ulla lacu stagna modesta jacent.
 Sapè tibi horrificat v. x. tummum fluctibus æquor,
 Cum levis exiguo stringitur unda Noto.
 Mobilibusque salit circum cava ligna choreis,
 Subsiliuntque levi vela petulca rate.
 Quis finis ætatis findi freta mollia rostris,
 Utque tibi canas tansa flagellat aquas?
 Nunc, velut è duro rigeant tibi terga metallo,
 Tot tereris remis, teria quot ipsa rotis.
 Et tua, ne quâ parte fides suspecta labores,
 Marmora perspicuo pandis aperta sinu:
 Ceu Crystallineo nequeat fraus esse profundo,
 Aut lateat virreo nullus in amne dolus.
 Ecce ubi discindam jam non tenet anchora puppem,
 Auraq; remigio prona secundat iter;
 Quam citò deserto discessit litoris pinus,
 Et jam nulla domus, nulla videtur humus;
 Improvisa ratem medio circum æquore cingunt,
 Hippotada laxis agmina in ista cavis.
 Non secus, ac lava servus damnatus arena
 Opprimitur Lybicis præda voranda feris.

Aut

Aut nemorum latebris deprensus fortè viator,
 Prædonum subito cingitur orbe latus.
 Tum surgit tumidis prælagum fluctibus æquor,
 Venturoque tremit discolor unda metu.
 Mox ubi decertant simul Africus & simul Eurus ;
 Et notus & Boreas incubuère salo ;
 Finditur abruptus varia in divortia pontus,
 Dirahit ut fluctus quæque procella suos.
 Et patet horrendo præceps Neptunus hiatu ,
 Mersurus pelago circumeante ratem
 Heu ! gemit hic tumido pendens trabs anxia fluctu,
 Et perit, undedimâ si prior unda venit.
 Aut hæc, aut similis salis est fallacis imago,
 Tam cito de placido sæva fit unda mari.
 Sed mihi, mentito simulata est famula ponto ,
 Non ego de vestris, Tethy, querebar aquis.
 Nec mihi de rapidis, qui torquent æquora, ventis,
 Nec mihi de regnis, Æole, verba tuis.
 Nec mihi de levibus temerarie Typhy, carinis
 Ire quibus liquidum primus es ausus iter.
 A patrio nunquam solvit mea litora puppis ;
 Nec vidi virides, Numina falsa, Deos ;
 Nec ventos didici, neque ventis vela tetendi,
 Qui facit hanc artem, quam facit, arte luat.
 Quem cecini pontus, mea vita, simillima ponto est,
 Quæque tulit puppis, ista ego, puppis eram.
 Æolidæ magno stantes circum agmine fratres ,
 Sunt animi motus, gens violenta, mei.
 His ventis, hac nave, per hæc ego carula currens,
 Tot sensi humanis rebus inesse vices.
 ☉ fallax nimirum mendaci vita sereno,
 Quæ nigra de lætis tam citò regna facis ?
 Nulla deest Venerum tibi copia nulla leporum,
 Omnia blanditiis latitiisque fluunt.
 Dum furit intus amor, venisque agitata libido ,
 Triste nihil, fraudem fraude regente, patet.
 Ast modò, cum stygio vitiorum erumpere fluctu ,
 Hisque animum ventis asseruisse lubet.

Tunc videt, heu! quanto fuerit mens hauſa profundo,

Quoque gemit ſclerum quàm grave ſentit ónus.
 Atque utinam! ut liquidis Pelagi qui mergitur undis,
 Exerit Oceano terque quaterque caput;
 Sic imo ſclerum merſos ſemel æquore mentem,
 Submerſas ſuperſtendat ab amne manus.
 Sed velut in tetrum terræ delapſus hiatum,
 Quem ſimul & putei tracta ruina tegit;
 Aut gelidas fracto ſubiit qui marmore cruſtas,
 Nequicquam obſtructo flumine tentat iter;
 Non aliter, prono ſclerum qui vortice raptus
 Vix tulit à ſuperis, unus & alter, opem.
 Aſpicias, ut ceſtem pugnantibus, una, duobus;
 Bella movente Noto, bella movente ſalo?
 Aſpicias, ut caput hoc propè mergat & Auſter & unda,
 Jamque necaturas ducere cogor aquas?
 Aſpicias, hanc animam gemino ſucumbere fato?
 Nec tua ſunt velis aſtra ſecunda meis?
 Aſpice nec rabido luſtanti defere ponto,
 Naufraga nec medio lina relinque freto.
 Tende manum potius miſeræ, Palinure, natanti,
 Et mento digitos ſubde vocare tuos.



*Non ſuſtulit enim Lanſus,
 Caſſi Lyſiſ. Tunc Tu miſer
 Tu miſer. Quis
 Quis*



*Quis mihi hoc tribuat, ut in inferno pro-
tegas me, & abscondas me, donec per-
transeat furor tuus? Job. 14. v. 13.*

*Quo te (Adam) duxerunt peccata tua, ut
fugias Deum tuum, quem ante quere-
bas? Timor iste culpam fatetur, latebra
pravariationem. Ambros. Lib. de Pa-
radiso cap. 14.*

XII.

Quis mihi securis dabit hospita tellus latebris?
Tellus, quibus dextra seruet ab igne tuæ?
Heu tuus Sate oculos quoties furor ille recurat,
Nulla mihi toties fida sat antra, reor.
Tunc ego secretas, umbracula frondea, sylvas,
Lustra que folivagis opto relicta feris.
Tunc ego vel mediis timidum caput abdere terris,
Aut maris exesa condere rupe velim.
Tunc voveam abstrusa montis latuisse cavernâ,
Viva sepulchrales aut subisse domos.
Aut nunquam aspectos Phœbo, Phœbæq; penates,
Aut habitasse tuos, nox tenebrosa specus.
Dum quatit astriferos flammatus Jupiter orbes,
Et jacit accensa tela trisulca manu;
Tristitia ne noceant, metuendâ fulmina flamma;
Daphnide, qui metuit, tempora cincta tegit.
Tu rubra cum torques furibunda spiculâ dextrâ?
Nulla juvant foliis laurea ferta suis.
Nulla juvant tacitis frondosa cubilia sylvis,
Sylva tuis oculis omnis, & umbra patet.
Clauserat obscuræ densis se frondibus umbræ,
Carpserat arboreas qui male primus opes:
Ast ubi vicino vestigia Numina sensit.
Erubuit, lueo proditus ipse suo.
Nulla iuvat refugio spelunca immanis hiatu,
Hospita montivagis lustra nec ulla feris.
Mitia quæ sensit Me dus puer antra leonum,
Efferat Chaldaeos antra dedere neci.

Nulla

Nulla juvant clausis spelæa obscura latebris,
 Fida nec umbrarum, senta sepulchra, domus.
 Avius occulta deprendere, Lothe, caverna,
 Et Cain è tumultu frater humate vocas.
 Quid memorem ut tumida Jonas se merferit unda,
 Nec mersum stabili texerit unda fide?
 Hauferat immani Jonam quæ bellua ventre,
 Innocuo Junam bellua ventre vomit.
 Nulla fides vitreo pelagi, nisi vitrea, fundo;
 Pervia perspicuo quid regat unda freto?
 Nulla fides clausis Libitinæ longa sepulchris;
 Produuntur tumulis ossa sepulta suis:
 Nulla fides tacitis, quas vallant saxa, latebris,
 Tecta caverna suo sæpe resecta sono est:
 Nulla fides nemori, vel opacæ frondibus umbra,
 Ambo caduca pari fronsque, nemusque fide.
 Nec mare, nec tellus, neq; lustra, nec antra, nec astra,
 Tuta nec ulla mihi quæ super astra, via.
 Tu potes hoc tutis solus caput abdere claustris,
 Dum tua deposito fulmine dextra vacet.





*Numquid non paucitas dierum meorum
finietur brevis? dimitte ergo me, ut plan-
gam paululum dolorem meum. Job.*

IO. V. 20

Handwritten text in cursive script, likely a library or collection stamp, partially legible as "Bibl. ..."

Cum primum homo peccavit, aternitas mortalitate mutata est, in nongentos, & amplius, annos; exinde paulatim recrudescente peccato, in breve tempus hominum vita contracta est. S. Hieronymus Epist. 11, ad Paulam.

XIII.

Scilicet; in magno cupis hoc me ponere lucro .
 Addita quod vitæ pars quotacumque mea,
 Si numerata forent aliquot mihi lustra, vel anni,
 Muneris hic poterat nomen habere favor :
 Stamina sed brevibus junxisse fugacia filis ;
 Obsecro, dic pauci quantula summa, dies ?
 Mempe ita; qui vitam modò ducere coeperit infans ,
 Dicitur moriens occubuisse senex.
 Sic sua nonnullis descripta est vermibus ætas,
 Una quibus brevis est, integra vita, dies.
 Sic aliquis numerat celeres sibi flosculus horas ,
 Natali tumultant quem sua fata die.
 Floscule mane puer, mediâ vir, floscule, luce ;
 Floscule, sub noctem, Sole cadente, senex.
 Sic orerisque uno, morerisque, ô floscule, Phoebe ;
 Uno sisque puer, virque, senexque die.
 Staret adhuc volucrum saltem rota lenta dierum ,
 Hora nec admissis qualibet iret equis;
 Vermiculi canerent; tot plenis viximus horis;
 Flosculus, & totidem, diceret herba fui.
 Sed tempus rapidis volat irreparabile pennis,
 Fluminis inque modum lubricus annus abit.
 Menstruus impulsus rapitur quoque solibus orbis,
 Et fugiunt nullo freno tenente dies.
 Denique præcipitis rota concita vertitur horæ ,
 Nec remeare potest, quæ semel hora fuit.
 Invida res tempus, sua se per puncta trucidat ;
 Se pariter fugiens, se pariterque sequens.

Qua-

Supra inq. Puerit. est in im-
munu. Senex.

Qualis teda suo se flamma funerat igne
 Quæ sibi fatalem congerit ipsa rogam.
 Sicredit in proprium sælo cum circulus orbem,
 Flectitur inque suas annua meta rotas.
 Non ~~fuit~~ antiquis male fabula prodita chartis,
 Qua genitor sobolem commolit ore suam.
 Nempe vorax annos mensesque interficit ævum,
 Seque, fluendo parit; seque fluendo necat.
 Hora diem, mensemque dies depascit eundo,
 Bis senisque senex mensibus annus obit.
 Annus obit, mensesque, diesque, horæque recedunt,
 Et suus in se iterum tempora gyros agit.
 Ergo, meo exiguum spatium concede dolori;
 Non nisi concesso tempore fata querar.
 Non ego supremis tempus mihi risibus oro;
 Non facit ad risus resve, locusve meos.
 Pro lacrymis spatium spatium pro planctibus opto,
 Hæc mihi tantillæ, quam peto, causa moræ est.
 Ite igitur magnis, lacrymæ, mea flumina, rivis;
 Ite, ferite truces ora sinumque, manus.
 Ite per os lacrymæ, savite in pectora palmæ;
 Pars bona, dum statis, temporis ecce fugit.
 Sentio, eunt lacrymæ: repetuntur, sentio, planctus.
 Jam flevi & planxi, sistite; jam satis est.

* *

*

Uti-



Utinam saperent, & intelligerent, ac novissima providerent, Det. 31. v. 29.

Quid potest lamentabilius, & terribilius cogitari quàm Ite? & quid dilectabilius exprimi, quàm Venite? duæ sunt voces, quarum nihil horribilius unâ, & nihil jucundius alterâ poterit audiri. S. Augustinus soliloq. cap. 3.

XIV.

PRô pudor! usq; adeo est homini mens cæca futuro
 Ut nisi quæ videnat, nulla pericla putet?
 Scilicet hoc sapere est, tantum præsentibus angi,
 Nec procul aspectis consuluisse malis;
 Ante tubas, Miles, dicto parat arma duello;
 Cum sonuere tubæ, serius arma parat:
 Navita, quas captat, prælagus prospicit auras,
 Anchora velivolum nec remoratur iter:
 Quas veniente metet segetes æstate colonus,
 Credidit excultis ante colonus agris.
 Provida quin etiam metuens formica senectæ,
 Vectat in annonam paucula farra suam.
 O quid agis, gens eventus ignara futuri?
 Tempora, quæ veniunt posthuma, nulla times?
 Stamina perpetuo fors nent adamantina filo?
 Aut cessant triplices volvere pensa colus?
 Falleris, ah! nulli datur has placasse sorores;
 Una licet parcat, de tribus, una secat.
 Fœdera fors pacto sanxere perennia clavo,
 Concordes stabili vitæque, morsque fide?
 Falleris, ah! nimium tibi pacta faventia fingis;
 Non servant ullam vitæque morsque fidem.
 Ante nivem fidis lambent incendia flammis,
 Juraque fœdis fragis sauciet Auster aquis.
 Ante, dies nocti. pacem nox ante diei
 Servet, & infestis accubet agna lupis.
 Omnia letifero late Mors subjugat arcu,
 Quidquid & hoc Phœbi vescitur igne, necat.

Nemo

Nemo venenatæ vitavit arundinis ictum,
 Omnis ab hâc cervix, cuspide, vulnus habet.
 Hic teneros Matrum rapit inter brachia natos;
 Aut cunas, rumulum, cæde recente facit.
 Hic pueros, alibi configit arundo puellas:
 Hic juvenes, illic funerat illa senes.
 Strataque jam nullo discrimine funera miscet,
 Militis atque Ducis corpora mixta jacent.
 Nec micat aut atâ tibi, Crœse cadaver arenâ,
 Pulcrum aut tuus est, pulchra Rebecca, cinis.
 Aspice, quid cineres sit Caesaris inter & Iriæ
 Omnibus en colore est unus, & unus odor.
 Quid juvat his igitur tantum confidere rebus,
 Seu lethi imperio vita soluta foret.
 Stat sua cuique dies depleto ferrea fuso,
 Seriùs, aut citiùs quemlibet urna vocat.
 Cogimur huc omnes, huc summus & infimus ordo,
 Ibimus, emenso tempore quisque suo.
 Ac tum si vacuas animus simuliret in auras,
 Ut vapor in nebulas extenuandus abit!
 Morsque foret, nostræ quoque meta novissima vitæ,
 Mors simul amborum corporis atque animi!
 Quàm bona mors esset posituris morte dolores,
 Quos nova post vitam, vitæve morsve daret.
 Quilibet extremam lætus properaret ad horam,
 Et puto, vivendi vix superesset amor.
 Sed dolor, heu! non est mors ultima linea rerum;
 Non necat hic animum, qui cremat ossa rogos.
 At postquam è terris anima exhalata recessit,
 Iudicis extemplo sistitur ante pedes.
 Ille sedet, justumque & inexorabile Numen,
 Flammaque sunt, oculi. flammaque fulva caput.
 Illa (tremens, metuensque oculos attollere Coelo,)
 Dura catenatâ vincula mente gerit.
 Ille sinus animi fibrasque introspicit omnes,
 Quodque latet tacitum nocte favente nefas.
 Illa scelus, convicta suum pudibunda fateretur,
 Nec videt, effugio, quem petat, esse locum.

Ille simul Judex, testis simul, & simul actor,
 Comperti statuit criminis esse ream;
 Illa memor, nullis hanc flecti questibus aulam,
 Heu! frustra effusis se sepelit lacrymis.
 O! quis tunc animæ sensus, quæ cura relicta?
 Nullus ubi pro se, jure patronus agit!
 Nempe vocat montes & inhospita culmina, cautes;
 Antraque, queis trepidum condant operata caput.
 O Anima! ô Judex! ô non placabilis urna!
 Quis secum hæc meminit, nec citò dirigit?
 Sed nondum hoc tanti clauduntur sine dolores;
 Altera adhuc restant, vitaque, morsque super;
 Vita perennanti quæ sæcula protrahet ævo,
 Mors longa extremum non habitura diem.
 Ah quibus! ah quantis laniabitur hæc tormentis
 O quibus! ô quantis affluet illa bonis!
 Illa suas pascit divino nectare mentes;
 Hæc miscet liquidâ pocula plena pice.
 Illa Chely Angelicâ vel gutture carmina fundit,
 Hæc gemit horrendis exululata sonis.
 Illa agit æternas, cœlo plaudente, choreas;
 Hæc salit ad colubros, sæva Magæra, tuos.
 Illa nec æstivis, gelidis nec aduritur astris;
 Hæc furit immitis igne geluq; vadi.
 Illa per ætherios agit otia mollia campos;
 Hæc agit æterni triste laboris opus.
 Illa dolorum experts, mala nulla, neo aspera sentit;
 Hæc patitur, dirum quidquid Avernus habet.
 O felix opibus, felix tot vita triumphis!
 O gravis, ô tantis mors metuenda malis!
 Vel tua, vel tua nos dubio manet alea jactu,
 Alea, non aliâ projicienda vice.
 Ah subeant vestri geminæ sic pectora curæ,
 Ut semel alterius fors obeunda cadet;



*Defecit in dolore vita mea, & anni me
in gemitibus. Psal. 30. v. 12.*

*An non est meritò ingemiscendum, quod
sumus in regione aliena, & in colo-
niam procul à patria positam aman-
dati? S. Chrysoft. hom. in Psalm II5.*

XV.

HOc erat ergo meis dominans Natalibus aëstrum,
Ut mihi lux faustâ nulla rediret ave!
Quam levis optati me temporis aura fefellit?
Dum toties repeto; Crastinus albus erit.
Nec tamen albus adhuc mihi crastinus ille reluxit;
Quin, qui præterit proximus, ater erat.
Credideram alternos vitæ succedere casus,
Inque vices latis cedere mœsta locum.
Utque ferenato detergis nubila cœlo,
Cum revehis clarum Cynthie pure diem;
Utque maris reparas fugitivos, Cynthia, fluctus,
Cum tingis res fluo littora sicca salo;
Sic ego, venturi non felix temporis augur,
Omnia, pro votis rebaritura meis.
At mea, quàm dispar, quandoque severior illis,
Quas dat nupta viro tristitia est lachrymis!
Conjuge defuncto, bis denis mensibus uxor
Sola domi queritur conjugis orba, necem.
Post decimum finitur lugubria ponere mensera,
Et peplum niveâ vertere triste togâ.
Quis mihi transactus semel est sine luctibus annus?
Quis vacuus mensis? quis sine nube dies?
Nulla meis lex dat finemve, modumve, querelis;
Sed parit assiduus se, velut Hydra, dolor.
Et planctu & lacrymis gemit, atq; absumitur omnis,
Ipseque pars minima est vita caduca sui.
Sæpe quidem rabidis sunt æquora turbida ventis,
Sed brevis est, quoties magna procella fuit.

Quasi.

LIBER PRIMUS. 51

Quasque rapit sylvis brumæ inclementia frondes,
 Compensant viridi tempora verna coma.
 Et Notus obscuris quoties tegit æthera nimbis,
 Latior innubi mox redit ore dies.
 Ast mihi perpetuos contexunt funera luctus,
 Demp̃ta nec est ullo synthesis atra die.
 Mœstaque nec festo cessavit tibia cornu;
 Pectusebur; pugni, plectrâ; querela, fides:
 Hâc cytharâ soles; hoc transigo pectine noctes;
 His fidibus vitæ tempora fallo meæ.
 O quoties victo suspiria pectore rupi,
 Cum cuperem tacito mergere verba sinu!
 O quoties, lux quanta fuit, fuit acta quærelis.
 Lunaque quanta fuit, planctibus acta fuit?
 Ne gemerem, memini, toties monuistis amici,
 Multaque ne gemerem, credite, facta mihi.
 Libera lætitix suavis frena remitti,
 Illicò lætitix libera frena dedi.
 Ast ubi singultum compescere risibus opro,
 Risibus, heu, gemitus obstrepuere meis!
 Sæpe, volens placidas somno traducere noctes,
 Perpetuo vigiles obruor imbre genas.
 Dumque diu nimium violentos comprimo fletus,
 Heu, mare perruptis effluit aggeribus!
 Flumina, vos testes; vos, nota cubilia sylvæ;
 Vosque cavæ valles; conscia vosque juga;
 Vos testes, quoties suspiria vincere tentans,
 Victa, reluctanti murmura corde dedi.
 Quin etiam auditis permota ululatibus Echo;
 Quæstibus audita est aggemuisse meis.
 Tunc ego, tunc illa, alternis dedimus lamenta,
 Flevimus inque vices, planximus inque vices.
 Ut Pandionix sibi dant responsa sorores,
 Cum casum, thalami labe queruntur Itym.
 Et sedet hinc Progne ramo miserabile plotans,
 Et sedet inde suum flens Philomela nefas.
 Alteraque alterius sequitur suspiria questu,
 Admissum lacrymans, utraque crimen avis.

Talis & Alcyone cum naufraga vela maritū
Ne quicquam scopulis littoribusque canit,
Aut viduus, viridi nemoris sedet arbore turtur,
Comparis æterno murmure fata gemens.
Sic mihi fatidicæ nerunt quoque flamina Divæ,
Iret ut optato fidere nulla dies,
Utque adimant nullos, lamenta perennia, luctus,
At cesset causa deficiente, dolor.
Sed fuit ut primæ gemitus, vox prima loquelæ;
Sit gemitus vitæ vox quoque summa meæ.



LIBER SECUNDUS

VOTA

ANIMÆ

SANCTÆ.



*Concupivit anima mea desiderare iusti-
ficationes tuas. Ps. 118. v. 20.*

*Alide Domine concupiscentiam meam
dulcedine tuâ , quam abscondisti ti-
mentibus te , ut concupiscam te con-
cupiscentiis sempiternis; ne vanis il-
lectus & deceptus interior gustus po-
nat amarum dulce, & dulce amarum.*

S. Augustin. solil. cap. 12.

I.

Coelestem dubitans terrenumque inter amorem,
Nescio, quo statuam sub duce signa sequi.
Hic sub imperium vocat, hic ad pileam; pugnant
Diffimili nimium conditione duces.
Hinc vocor, hinc revocor rursusque invitor utrimq; ,
Non secus ac refluxo quassa carina salo.
Ambiguum faciunt Amor hic, Amor ille, duellum,
Impediuntque suo sistere vota loco.
Sit satis, ah! tandem mala tot fastidia passa,
Et sinar ad portus spem revocare suos!
O Deus! aut nullo caleat mihi pectus ab igne,
Aut solo caleat legis amore tuæ!
Non nego; quod lubeat, magna est optare voluptas;
Et modo posse volo dicere; nolo modò!
Frena nihil patitur minus, atque libido vovendi ,
Nec se lege sinunt libera vota premi.
Ut vagus exultem, lorisque, lupisque solutus,
Quoslibet in pastus currere gestit equus:
Aut stabulo ruit & viridi mox sternitur herba.
Deposito nimium bucula lata iugo.
Ast ubi mox revocat consueta ad aratra colonus,
Excutit ille lupos, illa recusat onus.
Scilicet expetitur libertas una vovendi,
Quæ satis est, quamvis utilitate vacet.
Sic Phaeton, patriæ ruiturus ab axe quadrigæ,
Appetis ignotos flectere rector equos.

Sic quoque non solitis dum niteris altius alis
 Icare, subjectis labere merfus aquis.
 Quam variâ superûm lassas prece tundimus aures;
 Calitibus puto nos sæpe movere jocum.
 Ille vovet nuptam, nuptæ vovet ille sepulchrum;
 Hic sobolem nasci postulat, ille mori.
 Ille patri mortem, Patri rogat ille salutem;
 Hic fieri juvenis supplicat, ille senex.
 Vix, puto, consentit centum de millibus unus;
 Quin aliquis voto dissidet ipse suo.
 Denique, quid Superos oret, pars maxima nescit,
 Tam nova quisque sibi vota, precesque facit.
 Sic ubi jam gravidæ stimulant fastidia Matres,
 Obscenam satiant fercia pudenda famem;
 Scilicet expetitur modò calx, modò creta palato;
 Et modo, quæ stomacho displicere, placent.
 Quid desideris ultra tot inanibus uror?
 Quid jaculor nullo vota que, spesque seopo?
 Este procul gemitus, procul anxia turba, timores;
 Solicitæque preces vota que, spesque procul.
 O Deus! aut nullo caleat mihi pectus ab igne,
 Aut solo caleat legis amore tuæ.





Vindam dirigantur viae meae ad custodiendas justificationes tuas! Ps. 118. v. 5.

O Domine, qui es lux, qui es via, veritas,
 & vita, in quo non sunt tenebra, error,
 vanitas, neque mors. Dic verbum Do-
 mine; fiat lux, ut videam lucem, & vi-
 tem tenebras: videam viam, & vitem
 invium: videam veritatem, & vitem
 vanitatem: videam vitam, & vitem
 mortem. S. Augustin. solil. c. 4.

II.

Quo ferar, in tanto deprensa errore viarum,
 Sectum ubi vario tramite fallit iter?
 Hæc abit in dextram, tenet altera sæmita laevam,
 Illa tumet clivis, vallibus ista jacet.
 Hæc faciles aditus, aditus habet illa malignos,
 Et quos illa tegit detegit illa dolos.
 Quoque vel hæc tendat, vel quo se porrigat illa,
 Exitus implexo sine videre ventæ.
 Non ita, quæ partes via se findebat in ambas,
 Herculis ambiguum fecit cunctis iter.
 Nec totidem refinis Meander floctitur undis,
 Ipse suis quamvis obviis erret aquis.
 Nec labyrinthi tanta est fallacia recti,
 Curva iter variis flexibus antra tegat.
 Hæc! graviora meos cohibent discrimina gressus;
 In geminâ dubiam parte pericla premunt.
 Non ego quæ mutua divortia mille viarum;
 (Solutus Dædaleâ, qui fuit æde labor)
 Sed præter varios curvis ambagibus orbes,
 Nox etiam cæcas celat opaca vias;
 Nullaque se presso monstrant vestigia signo
 Quâ populus trito calle, notavit iter.
 Et licet explorem prætensis obviam palmis,
 Et vitem obstantes, tubera, dura petras.

Vix

Vix fatis inceptos ausim producere cursus,
Sed retinent timidum noxq; dolusque gradum.
Lassus ut ignota cum fors regione viator
Opprimitur nebula præcipit ante diem;
Nullaque jam toto collucet sidera Coelo,
Nec prope sunt ullæ, rustica tecta, casæ;
Nullaque signato callem notat orbita sulco,
Ulla nec humano semita tui a pede?
Nec scit an in sylvas, an eat ruiturus in undas,
Longius inceptam si paret ire viam;
Tum validis mutos compellat vocibus agros,
Si quis aberranti, pia fiet arator opem.
Utque vel è stabulis, racisique quis audiat antris,
Ingeminat longos, terque quaterque sonos.
Omnis at in surdas clamor volat irritus auras,
Nullaque Pastoris verba remissa, sonant.
O quis in his tendat mihi stamina fida periclis?
Quis Deus, in tantâ, sit mihi nocte Pharos?
Isacidas quondam per inhospita regna vagantes,
Insolitas docuit clara columna vias:
Siella comes monuit Nabathæos lumine reges,
Parvaque Bethlemiæ duxit in antra domus.
Quin recreant trepidos fratrum duo sidera, nautas;
Tu quoque mi gemini Castoris ede facem,
Gnos sis aberrantem revocavit Thesea filo,
Sestæque Leandro fixit amica facem.
Ecce ego sum Theseus, vice tu mihi sis Ariadnea,
Cumque ero Leander sis vice Sestiados.
Aspicias ut multi vaga turba per avia currant,
Et suus huc, illuc, quemlibet error agat?
Hic cadit ignota præceps Regione viarum,
Ille vago cæcum tramite versat iter;
Hic celerat cursus, hic passu deside lentat;
Sæpius ille suos ferrique, refertque gradus:
Hic diversus abit; lateri comes ille propinquat;
Hic comitis ductu fallitur ille suo;
Perpetuos aliquis vestigia flectit in orbes;
Alter in obliquas volvitur usque vias:

Hic ratus ad certam cursu se tendere metam;
 Decepto reperit limina prima pede;
 Denique in errorem facto ruit agmine vulgus,
 Quodque tenere decet, vix tenet ullus iter.
 O utinam, recto tendat mea semita ductu,
 Nec fraus decipiat tramitis ulla gradum!
 Qualis at excusso fugit irrevocabilis arcu,
 Dum volat ad certum missa sagitta locum;
 Talis inoffenso festinet limite cursus,
 Quâ tua nempe monent tendere iussa, viâ.
 Esto igitur, mea lux, quoties jaculabere, nervus;
 Quemque petes jaculis, lux tua sancta, scopus;
 Quâque scopum cupies certus tetigisse sagittâ,
 Illa ego sim digitis lecta sagitta tuis.





*Perfice gressus meos in semitis tuis : ut
non moveantur vestigia mea. Psal. 16. v. 5.*

*Quis inter tot passiones huius corporis ;
inter tantas illecebras huius sæculi,
tutum atque intemeratum servare
potest vestigium? Ambros. De fugâ
Sæculi cap. I.*

III.

ERgo caduca gradum toties mihi tibia fallit,
Sternet & in plana pes vitiosus humo?
Aspice, qui Coelis hominum vestigia spectas,
Firmaque fac pressio stet mea planta solo.
Instruit implumes pennata Ciconia pullos,
Et docet aërias præpes inire vias.
Exemplo volucrem sequitur modò filia Matrem,
Tutaque jam peragit, quod metuebat, iter.
Provocat expansis sobolem Jovis armiger alis,
Et jubet insuetas sollicitare plagas.
Mox præit, & pleno se jactat in aëra lapsu,
Remigio soboles subsequiturque patrem.
Dum primùm ignotas tentat puer inscius undas,
Corporis indoctum subere fulcit onus;
Mox opis oblitus, flumen sine cortice tranat,
Flumen in experto sæpè sed ore bibit:
Sapiùs at doctis ubi plauserit æquora palmis,
Ducit in immenso brachia tuto salo.
Aspice, qui Coelis hominum vestigia spectas,
Aspice quâ nobis arte levetur iter:
Sustineor fragili puerilia membra curuli,
Quaque vehunt socias, ipsa propello rotas.
Nempè tripes baculi sic stipite nititur ætas,
Quique senem vectat, à sene fertur equus.
Nec tamen ambiguis malè decipiare querelis;
De pedibus, tecum, nulla querela meis.
Ne vitio planta; vitio neque crura laborant,
Saxa per & salebras tibia nostra salit.

Non

Non ego pennipedi dubitem certare Camillæ,
Isse per intactas quæ pede fertur, aquas.
Quod queror est animi vitium lacrymabile nostri,
Qui quibus incedat languidus est pedibus.
Heu! jacet afflictis affectibus omnibus æger,
Hei! quibus incessit, nempe fuere pedes.
Si quod iter, quamvis breve sit, virtutis eundum est.
Mens mihi sit minimæ lassæ labore viæ;
Crura forent fragilis veluti tu Nyle, papyrus,
Quæque ruit motâ canna palustris aquâ.
Rarus at immodicus quandoque resuscitat ardor,
Et pede fulmineo stringere cogit iter:
Sed bene vix coeptum, currenti extinguitur ardor,
Lampadis ut magno flammula parva Noto.
Ne tamen ignavis videar segnescere plantis,
Promoveo tardos pigra subinde gradus.
Ast mea tunc, caveam, quisquam vestigia servet,
Ne puter immodicis ebria facta scyphis:
Scilicet in partes ita tibia claudicat ambas,
Semipedis claudi pes ut hiulcat iter:
Nunc volo, nunc nolo, nunc astuo nunc languesco,
Nunc supet ut rigido mens religata gelu.
Impatiens igitur, coepti sine fruge laboris,
Sæpe viæ medio, lassæ retento gradum.
Sed neque, qua languens statione resistere tento,
Instabilem valeo figere firma pedem.
Auferor adverso velut incita puppis ab æstu,
Quam neque vis remi, nec sua vela juvant;
Damnaque sunt iterum vano redimenda recurso,
Irritus æterno sic redit cæbe labor.
Nempe catenati, sic publica corpora, servi
Circumeunt toties pendula recta mola.
It mola perque suos rapitur circumvaga gyros,
Sed perit his, quicquid conficit illa viæ.
Heu? quid agam? neque sueta vehi, neque currere.
Nec pedibus minimas utilis ire vias! (docta,
Magnum iter est Cœlo; magnis huc passibus itas
Quid faciet lentis nostra quadriga rotis?

Tu spacia ingenti perlaberis ardua saltu,
 Vastaque tergemini crura gigantis habes.
 Eo um passu, Hesperumque amplectere mundum,
 Sub femur ut Rhodius vela colossus agit:
 Ast testudineo reptat mihi tibia gressu.
 Aut chelis referor, Cancer adunce, tuis.
 Quid positas igitur sperem contingere metas,
 Quæ metas refugo perdita sector equo?
 O Deus! ambiguos trepidantis perface gressus,
 Vincat & applausis nostra quadriga rotis.





*Confige timore tuo carnes meas, à judiciis
enim tuis timui. Psal. 118. v. 120.*

Prudenter sagittari, & impugnari salubriter postulat sanctus, cum dicit in oratione: Confige timore tuo carnes meas. Optima Timor iste sagitta, qui conficit, & interficit carnis desideria, ut spiritus saluus sit. Bernard. serm. 29.

IV.

Littera prima rudi quondam inculcata juventa,
 Ferrur ab antiquis, Numinis esse Timor,
 Certa que non aliâ Sapientia discitur arte,
 Si quâ fides verbis, Nate, Davide, tuis.
 Hoc quoque nostra fuit formata pueritia ludo,
 Docta que fideas mens trepidare minas.
 Semper at, heu! tantis stupuit mens cœca tenebris,
 Ut neque, quod toties audit, Alpha sciat.
 Tristibus Orbili plectenda ignavia sceptris,
 Post malè tot positos, nil didicisse, dies.
 Et pueri ferulis lægues Elementa docentur,
 Quæ levis assequitur sedulitate labor;
 Aspiciunt nigras Cadmi bis terve puellas,
 Aspectalque vocant nomine quamque suo.
 Et licet atrato sit par color omnibus ore,
 Signa tamen faciem propria quamque notant,
 Cur ego, quod teneris Infantia combibit annis,
 Discere non etiam tempore posse putem?
 Plurima sunt, nullo penitus milite magistro,
 Qui ante nequeat arte iuvante, Timor?
 Ah pudet! en timeo, quæ contempsisse decebat,
 Non timeo, iustos quæ meruere metus.
 Flagitium minimo timeo committere teste,
 Non timeo facinus teste patrare Deo.
 Ne corpus perimant, metuo de nocte latrones,
 Nil metuens Animæ certa pericla mea.

Nempe

Nempe fugit pictæ sic passer imagine larvæ,
Illita cui visco virga timenda fuit.
Sic tremit aspectæ cervus formidine pennæ,
Nec tremit obstantes agmina rauca canes;
Sic quoque Marmariæ trepidat leo terror arenæ,
Et cadit in tenfas territus igne plagas.
Heu! premit humanas furor hic caligine mentes,
Fulgetras metuunt, fulmina nulla pavent.
Subjicitur pedibus nigri metus omnis Averni,
Creduntur stygii fabula ficta foci.
Scilicet, abjecto leve fit, scelus omne timore,
Sed gravis insequitur pœna Timore scelus.
Flagitiis demum incipiunt trepidare peractis,
Ante scelus nullus pectora terror habet.
Tum pavor heu madidis mentem sudoribus angit,
Et læsi ante oculos Numinis ira redit.
Tum subitus strato vigiles Timor excutit artus,
Propria tum vacuos terret imago thoros.
Si strepitum moti dederit mus stramine læti,
Creditor è sylvis exiluisse leo.
Nocte levis quassa si murmuret arbore ventus,
Horrescant rigida, fronde fonante, comæ,
Quid faciant, subitis si fulminet ignibus æther?
Aut sonet æthereo grandior axe fragor?
Pectora cœlesti stupeant percussa tumultu,
Et flamma metuant dissiliente peti.
Tunc terrent auræ, tunc terrent scilicet umbræ,
Augurioque notant omnia signa necem.
Quin etiam nemorum nocturna silentia terrent,
Ipsaque se fontem mens furiata timet.
En! quantum miseris pœnæ mens conscia donat?
Ipse in sese animus verbera tortor agit.
Heu! quoties stygii turbato in Cæsare, manes;
Pharsalici quoties emicuiſtis agri!
Sæve Patris vindex, furiis agitaris, Oreste,
Umbra trucidatæ viva Parentis erat.
Mœste colubriferæ Pentheu laniaris Erynni,
Vindicat hoc lætos verberare Deos.

Nulla

Nulla reos animos agitat mage dira Tyrannis;
Quàm testem assiduè pectore ferre suum.

O Deus! ô confige tuo mihi corda timore,
Ne peccem, furor hâc cuspidenoster eget.

Utilis ante scelus Timor est, qui frena gubernet;
Qui timeat, admissio crimine, sero timeat.





*Averte oculos meos ne videant vanita-
tem. Psalm. 118. v. 37.*

*Væ cæcis oculis, qui te non vident, sol illu-
minans cælum & terram, væ caliganti-
bus oculis, qui te videre non possunt! Væ
avertentibus oculis, ut non videant ve-
ritatem! Væ non avertentibus, ut vi-
deant vanitatem! Augustinus solil. 4.*

V.

Pervigilant geminæ celso mihi vertice stellæ,
Quæis est perpetuis muntus in excubiis.
Nec tamen errantes neque possum dicere fixas.
Sed meritò duplex utraque nomen habet.
Errat ab officio vaga, sæpius utraque jussio,
Utraque docta suum fixa tenere locum.
Moribus ambæ agiles, fixæ stationibus ambæ,
Quod genus hoc stellas Oedipus esse putet?
Vos oculi; vos, conspicua duo lumina frontis,
Sidera vosestis quæ mihi bina micant.
Vos quibus in celsâ statio data pervigil arce,
Excubat ut summâ lucida flamma Pharo.
Aut qualis speculâ servans spectator ab altâ,
Quæque propinqua videt; quæque remota videt.
Non tamen ut trepidis qui lucent navibus igne,
Vos mihi tam fidâ lampade fertis opem;
Flamma regit nautas, dum flammam teda ministrat,
Aut flammam retrahant, quæ poluere manus;
Vos (velut excussis rapidus ruit axis habenis,
Frenaque qui rupit durior oris equus)
Quæ lubet indomitum differtis in avia cursum,
Jam nullâ Domini lora regente manu.
O oculi! scopuli titulo meliore vocandi!
Heu! quibus allisæ tot periere rates.
Diva peregrinas virgo visura puellas;
Mater, depositâ virginitate redit,

LIBER SECUNDUS. 71

Rex videt Uriaden nitido semel amne lavantem,
 Illa Cupidineas vibrat ab amne faces.
 Pulcra Duci Assyrio dum comit Juditha formam,
 Assyrium truncat Juditha compta Ducem.
 Fortè senes niveam semel aspexere Susannam,
 Ambo senes oculis interiere suis.
 Non tot ad infames dura Acrocerania, cautes
 Hypotadæ laceras contudit ira rates.
 Non tot in expletis fera faucibus unda Maleæ,
 Scyllaque veliferas hausit avara trabes.
 Quis pia nunc igitur non laudet foedera Jobi,
 Quæ cum luminibus sanxerat ille suis?
 O oculi! ô quanto vos tutius illa revulsit,
 Democriti propriis dextera magna cavis!
 Quam benè Christiadam quoq; nobile, Lucia no-
 Extudit intrepidâ lumina bina manu! (men,
 O oculi! ô scopuli! crudelia barbara saxa!
 Saxa quibus magnæ tot cecidere Animæ!
 Quàm malè commissio geritis pro munere curam:
 Ad mala quos toties sensimus esse Duces!
 Scilicet hac vobis capitis custodia lege,
 Præcipuaque arcis credita cura fuit:
 Ut rectos hominum vultus, sublimiaque ora
 Digna Polo brutâ deprimeretis humo.
 Quin potius Superis mentes attollitis oris,
 Hæcque super terras, Oceanumque super.
 Stellarumque super mundique volubilis orbes,
 Denique quicquid habet lunaque, solque super?
 Illius ô oculi! spectacula pulchra theatri,
 Materies vestris lusibus apta foret.
 Putre sed æternis coenum præponitis Astris;
 Omnis & in terras pronior ivit amor.
 Quid faciam? abruptis oculi regnatis habenis,
 Jam fienum indociles imperiumque pati.
 Obde Deus piceas oculis erronibus umbras,
 Aut super injectâ lumina claudè manu.



Fiat cor meum immaculatum in justificationibus tuis , ut non confundar !
 Psal. 118. v. 80.

*O maculae fœdæ, & turpes! quid tam diu
hæretis? abite, discedite, & ne præsu-
mite ampliùs oculos Dilecti mei offen-
dere. Hugo De S. Victore, in Arrha
Anima.*


VI.

SI tibi me gratam facie fore, sponse, putarem,
Nulla mihi prior hoc cura labore foret.
Primaque de nitidis cautela coloribus esset,
Altera, deformes ore fugare notas.
Nullaque deficerent medicandis vultibus arma,
Multæ sed omnigenas, pixis haberet aquas.
Multaque compositus celaret capsâ colores,
Quæque novant vetulam picta venena cutem;
Lanaque purpurei madefacta rubedine fuci,
Cretaque montanas vincere nata nives.
Et nitri rubra spuma, & pinguis poppæana,
Quæque cutis maculas, Halcyonæa, necant.
Denique quicquid id est; quo tingitis ora, puellæ,
Ah nimium formæ gens studiosa tuæ;
Tunc quoque corrigerem speculo censore lituras,
Ore nec in toto menda notanda foret.
Sique supercilii pilus unus abesset ab arcu,
Unicusecce pilus, vociferarer, abest.
Si color inficeret vitiatos decolor orbes,
Luminibus color hic, vociferarer obest.
Si nimis adductam convolveret area frontem,
Quæ mihi ruga cutem, vociferarer, arat?
Neinpe vel exiguo metuum te lædere navo,
Ulla foret formæ si tibi cura meæ,
Unaque, quæ tumidum faceret ferrucula clivum,
Hæc foret offensæ causâ purata tuæ,
Atque ita de minimis audirer dicere mendis,
Displicet hæc sponso fortè litura meo.

D

Nostro

Nostro igitur reliquus si quis decor abforet ori,
 Eximeret vitium factus ab arte decor.
 Casariamque alto struerent tabulata capillo,
 Staret & in volucris plurima gemma comâ.
 Aure duplex gemini pretium penderet Elenchi,
 Iret Erythraeus colla per alba lapis.
 Tumque ego sic faciem rutilos ita compta capillos,
 Auderem ternas vincere quarta Deas.
 Sed memini; neque te facies, neque forma laceſcit,
 Stes capit hac cæcos invidiosa procos;
 Qui, quid ament inter phaleras tot sæpe requirunt
 Quas ubi iustuleris, pars quota Virgo sui est?
 Fallitur infido prope; turba levissima, fūco;
 Præter & has phaleras vix quod ametur, habent.
 Equabat niveos par VVilgefortis olores
 Nota nimis formæ nomine virgo suæ.
 Fiat ut Androgynos setosis hispida malis;
 Barba, rogat, teneras, vestiât hirta genas.
 Lucia sydereis ceu fax, lucebat ocellis,
 Cunctorumque oculis, Lucia, fidus erat.
 Ne male luceret; mea lux, extinguere, dixit;
 Fodit & impactâ lumen utrumque manu.
 Læſerat egregio multos Euphemia vultu,
 Fecerat & roseis vulnera multa labris;
 Ut fieret mutilo fœdoque inamabilis ore,
 Abſcidit ense duas, bina labella rotas.
 Maxima de facie verus præconia rumor,
 Deque tuis dederat Andragesima genis:
 Non poteras veram falli convincere famam;
 Quod poteras, facta est per tua vota, brevis.
 Sponse peregrina non carperis igne figuræ,
 Nec bene crispata falleris arte cornæ:
 Cor tibi labe carens, tibi cor sine crimine, cordi est,
 Obstet & ut facies, cor tibi, sponse, placet.
 Quatinam mihi cor nullis infame lituris,
 Flagitii purum suspitione vaect?
 Tum secuta tui mihi mens gestiret amoris,
 Nec mea deſiceret conficius ora pudor.




*Veni dilecte mi, egrediamur in agrum ,
commoremur in villis. Cant. 7.v.11.*

*Quid agis? quamdiu te tectorum umbra
premunt? quamdiu fumosarum urbium
carcer includit? Crede mihi, nescio, quid
plus lucis adspicio, libet sarcinâ corpo-
ris abjectâ ad purum aetheris evolare
fulgorem. Hieronym. Ep. I. ad Heliod.*

VII.

JAm satis urbanas, mea lux habitavimus ædes,
Quia semel in virides exspatiamur agros?
Tuta quidem validi circumdant oppida muri,
Portaque ferratis non caret ulla seris.
Est tamen in patulis, quid nescio, turius hortis,
Quod nulquam in clausâ moenibus urbis habes.
Magnificis turgent urbana palatia tectis,
Multus & hic celsâ cuspide surgit apex.
Nescio, quid melius tamen illa mapalia spirent,
Rustica quæ tenui stramine canna tegit. [agri,
Quid dubitas, mea lux, quin, quàm procul urbibus
Tam procul agrestium distet ab urbe quies?
Fabula cantatur vaturn notissima lusu,
Ad bene fallendas fabula ficta vias:
Et facit ad rerum, modò quas tractavimus, usum;
Si libet, auditu decipiemus iter.
Rusticus urbanum testomus paupere murem,
Fertur & appositis detinuisse cibus.
Musque epulas muris ridens urbanus agrestis,
Hæc tua si mensa est, sat mihi ruris, ait.
Mox vice conversâ, mus Rusticus ivit in urbem,
Urbico in hospitium mure vocante suum.
Magnaque cum tanto minor esset mensa paratæ:
Ut sonuere fores mensa relicta fuit;
Et prope deprenso convivâ expalluit hospes,
Turbatiquæ suum vix reperere cavum.
Rusticus alt animo sensim cum voce recepto,
Corripuit celerem masculus urbe fugam.

Et procul è clivis oculos ad mœnia torquens;
 Quàm meus hic præstat mœnibus, inquit, ager!
 Jam satis urbanas, mea lux habitavimus ædes.
 Urbe volant utrepius Rus contra alta quies.
 Si memores (subear tibi pars lautissima vulgi)
 Quisque sub urbanum rus propè civis habet;
 Cumque suam assiduè commendet quilibet urbem.
 Re tamen ipsa magis rura, placere docent.
 Quin, quorum imperiis urbesq; arcesque reguntur,
 Anxia securo pectora rure levant;
 Et magis hic puri libertas aurea Cœli,
 Quam laqueata domi marmore testâ placent.
 Nec quæ centeno sinuat se porticus arcu,
 Lenit ut ambiguos parvula villa, metus:
 Jam satis urbanas, mea lux, habitavimus ædes,
 Quin semel in villis degimus, aut in agris?
 Est mihi fontanis circumdata villula rivis,
 Villula quâ nusquam celsior ulla viret.
 Seu cœli ingento, seu fertilis indole terræ,
 Aptaque vicini commoditate loci.
 Huc mea lux paucis tantum si veneris horis,
 Oblitus patriæ protinus urbis eris.
 Tumq; ego, ceu tacitâ turtur mœditatus in umbrâ,
 Libera colloquiis, Sponse, vacabo tuis.
 Et procul à populis procul urbibus atque tumultu
 Optata roties, sola quiete fruar.
 Audiet hic nullus, quæ mutua verba loquemur,
 Nostraque qui turbet otia, nullus erit.
 Quique notet nostros, nemo metuendus, amores,
 Tetricus hic nullum jus sibi Censor habet.
 Tunc mihi tu promes secretis plurima fibris,
 Quæque juvent animum verba cupita meum.
 Tunc ego sim quanta dicam tibi, saucia flamma,
 Quæque licet similes, dicta placere, scio.
 Oseret optati micet hæc mihi sideris aura;
 Quàm fortunato lux erit illa die!
 Jam satis urbanas, mea lux habitavimus ædes,
 Nostra sit exiguo tempore villa domus.



*Trabe me post te, curremus in odorem un-
guentorum tuorum. Cant. I, v. 3.*

Tenax est funiculus amor ; amor affectuose trahit , cui est idipsum alloqui, quod est allicere: nihil amoris tenacius vinculo, nihil trahentius. Gilb. in Cant. hom. 12.

VIII.


Aspicis ut jaceant strati sine viribus artus,
 Nec sim qualis eram, sola sed umbra mei?
 Vix traho pertalæ fastidia tetrica vitæ,
 Ipsaque sunt oneri languida membra sibi.
Lassa jacet capitis nimio sub pondere cervix,
 Sarcina suntque manus sarcina suntque pedes.
Assidueque novam quærunt jactata quietem,
 Nec scio quo tandem fessa locare situ.
Surgere nunc meditor, nunc lassa recumbere strato,
 Nunc nixum cubito sustinuisse caput.
Nunc lubet inverso, nunc ore cubare supino,
 Nunc aliud lateri substituisse latus.
Cumque tori cunctas peragravi languida partes,
 Quilibet ex æquo displicet usque locus.
Heu! quid agâ? gravis ipla mihi, languensq; jacensq;
 Teque volens cursu non tamen apta, sequi.
An fugis? & mediis morientem deseris agris!
 Nec mora tanta datur cum comes ire quecam.
Æger ita in Libycis, à milite miles arenis,
 Deseritur subitæ cùm data signa fugæ;
Intriviis genitrix ita projicit impia natum,
 Quem lactare pudor, pauperiesve vetat.
Tende manum, nostrique pius miserere doloris;
 Tende manum, refugo vel pede siste gradum.
Troica Dardanius cum Pergama cingeret ignis,
 Quisque senem rapuit filius igne patrem.
Trans mare defessam fert nata Ciconia matrem,
 Sustinet hinnulei Cerva natantis onus.

Tu solam ignotis, fugitive, relinquis in arvis,
 Nec finis hoc humeris ponderis esse tuis?
 Quamquam ego, vel fieri tibi sarcina tanta recusens,
 Si modo vel leviter traxeris, ipsa sequar.
 Et sequar, & curram, rapiarque simillima vento,
 Languida funesto quæ modo strata solo.
 Nec quibus invitam cogas, opus ense, vel armis;
 Sponte nec injecto, libera fune sequar.
 Traxit ad impulla querulos testudinis ictus,
 Cum sylvis Geticas Thrax Cytharista feras;
 Traxit, & attronitæ sylvaque, feraque stupebant;
 Sic fide, sic filo, se potuisse trahi.
 Non ego Byssonii moveat testudina Vatis,
 Nec trahar Aonia voce sonante lyra.
 Quemque sui rapiunt, sensus, sua quemq; voluptas,
 Se finit hic oculis auribus ille capi.
 Non ergo luminibus, non auribus otia venor;
 Noster Achæmenii languor odoris eget.
 Lux mea, rorilegis halat tibi spica capillis,
 Manat odorata Palladis umbre caput.
 Uda Palæstino fragrant tibi tempora nardo,
 Myrthaque de madidis stillat odora labris.
 Efflat Orontæi tibi graminis halitus auras,
 Verbaque quot loqueris, tot jacies ore rosas.
 Albaque Panchæo cervix tibi sudat olivo,
 Assyrioque humeros rore perungit Onix.
 Et manus Ambrosiis pluit utraque roscida guttis,
 Et digiti Libycæ germina messis olent.
 Denique quicquid olent conchis unguenta Sabæis,
 Balsama quicquid olent hoc meus halat Amon.
 Nec solum Assytiis quæ sudant balsama ramis,
 Nataque odori fero thura Sabæa solo:
 Fragrat Orontæis hic spica suavior herbis,
 Guttaque Panchæis nobilior lachrymis.
 Nempe tuo qualis Basilissa pudica cubili,
 Qualis odor thalamo, Cæcilia casta, tuo;
 Aut qualis, cum Dorotheæ pennatus Ephebus
 Attulit hybernas germina verna rosas;

LIBER SECUNDUS.

81

Aut nafarenigenæ qualis cum Virginis ædem
Sparſit Jeſæi floris anhelus odor;
Denique Divorum qualis cum gemmea ſtillant
Indigetum liquidis amphitheatra crôcis.
O ſemel has liceat mihi ducere naribus auras!
Quæ modo languebam, ſana repentè ſequar.
Multaque currentem ſociarum turba ſubibit,
Vt glomerat ſocios, uncta columba greges.





*Quis mihi det te, fratrem meum, sugen-
tem ubera matris meae, ut inveniam te
foris, & deosculer te, & jam nemo me
despiciat? Cant. 8. v. 1.*

*Ignoravi, quod tam suavis, ô bone Jesu,
esset tuus amplexus, tam honestus at-
tactus tuus, tam deliciosus convictus
tuus. Cum enim te amavero, munda
sum; cum accepero, virgo sum. Bona-
vent. soliloq. c. I.*

IX.

QUIS cumulet patrias tanto mihi stemmate ceras?
Frater ut ad fratres annumerete meos!
Non tamen hoc facio pro stirpis imagine votum;
Nulla mihi augendi sanguinis ambitio est.
Stirpe licet nostra sanguis tibi vilior esset,
Optarem, fratrem te tamen esse meum.
Non pubente quidem vernantem flore juventæ,
Prima cui roseas vestiat umbra genas:
Sed puerum, toto qui nondum vixerit anno,
Lactis adhuc mater quem mea pascit ope.
Quique ego, quas suxi, parvo trahat ore papillas,
Insideatque illos, quos ego saepe, sinus.
Hoc ego vel simili cupiam te corpore fratrem,
Si fueris major, non ego te cupiam.
Quin igitur nostris, mea vita renascere sacclis,
Ut videam cunas pusio parve, tuas?
Et nisi fallor, habent pueri quid amabile mores,
Quoque carent juvenes, virque senexq; carent.
Utque suam quævis laudem sibi vendicet ætas,
Ille tamen pueros scilicet ornat amor.
An dubitas alias puerili pusio vultu.
Ipse Deum domitor, parvulus esset, Amor?
Non nisi, quod reliquis magis hæc sit amabilis ætas,
Nullaque sit, tantum quæ, quod ametur habet.
Hæc quoque, cur voveam puerum Te causa coegit,
Crediderim, puero quod mage posse frui.
Quin igitur nostris, mea vita renascere sacclis,
Ut videam cunas, parve puella, tuas?

Tu mea, ceu nato, quoties daret ubera Mater
 Parve, Tui toties copia prompta foret.
 Prompta foret noctuque, diuque, domique, forisq;
 Et sine sollicito copia multa metu.
 Quin igitur nostis, mea vita, renascere sacris,
 Osculer ut cunas parve puellæ tuas.
 Casta, soror parvo quæ porrigit oscula fratri,
 Oscula derisor carpere nemo potest.
 Et licet illa frequens spectaverit oscula testis,
 Illa tamen testis carpere nemo potest.
 Et licet inceptras stiterint hæc oscula voces,
 Semper habent iustas oscula casta moras.
 O bona, quæ nostris faveant ita Numina votis,
 Teque velint fratrem sic semel esse meum!
 Nascere parve puer, fraterque admitte vocari,
 Omnia te Mundi vota, precesque petunt.
 Quid præ lætitiâ facerem tibi, parvule frater?
 Ah! præ lætitiâ, quid tibi non facerem?
 O quoties veritis furtim deprenderet horis,
 Pervigil ad cunas nocte stetit tuas?
 Quot tibi servitis soror obsequiosa, studerem,
 Forte vel officiis facta molesta meis.
 Nempe dato quoties depelleret ubere mater,
 Depulsum geminis exciperem manibus;
 Aut quoties tepidâ, gestare juberet in umbra,
 Gestatere ulnis sarcina grata meis.
 Aut quoties blando dare languida lumina somno,
 Somniferis caneret vox tibi nostra modis,
 Ipsaque cum digitos cunis adhiberet agendis,
 Illicet hoc à me præmeretur opus.
 Mox ubi te nostræ concederet auxilia curæ,
 Discedensque mihi diceret, esto vigil:
 Excubias, soli prope Te mihi, parve, relinquitis.
 Quam facerem votis libera frena meis!
 Continuo, tacite, velo de fronte reducto,
 Explerem aspectu lumina nostra tuo.
 Inque tuo, nimis hærens obtutibus, ore.
 Uterer oblatis commoditate loci;

LIBER SECUNDUS.

85

Excito subjicerem capiti, collaque sinistram;
 Apprimeretque meo Te mea dextra sinu.
 Et tibi, vix taetis furarer basia labris,
 Basia sic somno non nocitura tuo.
 Quin igitur, nostris, mea vita, renascere sacris;
 Ut semel optatas suaviter ore genas?
 Mox ubi languenti sensim tibi crederet atas,
 Primaque discenti verba docenda forent;
 Discenti cuperem fieri tibi, parve, Magistra,
 Basiaque, truncatis verba praeire sonis:
 Cumque gerit alterius nolles modo grandior ulnis,
 Aulus arundineo currere solus equo.
 Instruerem stabili vestigia figere gressu,
 Membraque constanti fixa locare pede.
 Tumq; molesto aliquod si offenderet objice saxum,
 Tutus in extensas exciperere manus.
 Quin tua saepe velim falli vestigia lapsu,
 Lapsus ut amplexu sustineare meo.
 Nec tanti pretium peterem mihi grande laboris,
 Suaviolo pretium solveris omne tuo.





*In lectulo meo per noctes quæsiui, quem
diligat anima mea; quæsiui illum, &
non inveni. Cant. 3. v. 1.*

*Dilectum in lectulo quarimus, quando in
 presentis vite aliquantula requie Re-
 demptoris nostri desiderio suspiramus.
 Per noctem quarimus, quia, etsi jam in
 illo mens vigilat, tamen adhuc caligat.
 Gregorius hom. 19. in Ezech.*

X.

Casta canant nostræ suspiria, vota que Musæ :
 Nullaque de thalamis vox Hymenæe tuis.
 Ut sua corporibus, sic mentibus est quoque flamma,
 Et prope deterior corpora flamma coquit.
 Intus in accensis qui mentibus æstuat ignis.
 Delicias liquidi solus amoris habet.
 O! quanto his, Animæ, facibus melioribus ardent?
 Oscula, quam certa dantque feruntque fide!
 Quam placidis castas complexibus itur in ulnas?
 Quam sanctæ sociant mutua vincula manus?
 Et suus hic etiam totus est genialis amor,
 Quæque maritali fœgera nexa face;
 Casta Cupidinæ sed fœdera nescia tedæ,
 Nec, nisi quem cupiat Vesta subire torum.
 Sed neque cygnæis hic turgent culcitra plumis;
 Fartaque Amycla o vellere fulcra tument.
 Quo duo tam casti thalamo sociantur amantes,
 Lectus olorinas non habet ille nives.
 Lectulus auspiciis tantorum stratus amorum
 Mens est lætitiæ pace quieta lux.
 Lectule, pax animæ; cœlestis lectulæ tedæ,
 Pronube sidereis lectule caste toris!
 Tu Sponsi atq; Animæ thalamus secretus amanti,
 Solus es o tantas dignus habere faces!
 Hoc ego consuevi, meditans, traducere noctes,
 Cum requiem pulso cura sopore negat.
 Hoc meus ille, meos rapuit qui primus amores,
 Est solitus vigili secubuisse toro.
 Et mihi tunc imas urit fax Dia medullas,
 Inque vicem flammis uritur ille meis.

Tunc desideris querimur sine voce loquentes,
 Mutaque plus verbis lacryma vocis habet.
 At nova quæ subiti fit, nescio, causa recessus;
 Subvereor vitio sit data causa meo.
 Nam mihi jam spatium plus vilis abesse diurno,
 Et secus, atque solet nocte fuisse foris.
 Hæcne signa forent mutati forsitan amoris?
 Aut illum melior lectulus alter habet?
 Heu mihi quam miserisca nox fuit acta querelis,
 Quæ sine te vidua nox fuit acta domo.
 Jam prope constiterat medio vaga Cynthia cœlo,
 Altaque sopierat lumina lassæ quies;
 Cum mihi visa tori pulsa vox dicere sponda,
 Surge, parat thalamo sponsus abire tuus.
 Suscitor, & piceos oculis detergeo somnos,
 Impositum cubito sustineoque caput.
 Et desolatam implens ululatibus ædes;
 Sollicita, dormis lux mea? voce roge.
 Hei mihi! responsum nullum dedit ille roganti,
 Fugerat è thalamis transfuga nempe meis.
 Pronus accenso reperi vestigia lychno,
 Quæ cuperem nunquam visa fuisse mihi.
 Dic meus, exclamo, quæ fugit, lectule sponsus?
 Perfide dic meus heu! lectule sponsus ubi es?
 Et vagor & toto velut amens erro cubili,
 Ut tua te vidua luxit, Alexi domo.
 Quos ego tunc animo leni effervere tumultus,
 Cygnæus fuerat Pax cui fida torus!
 Quæ mentem subito insanæ vertere procellæ,
 Insolitam dubus pandere lina Notis!
 Quam sterili jacuit damnatum pectus arena;
 Dia cui æthereis vena scatebat aquis!
 Jam gravidus labor est oculos attollere cœlo,
 Oraque divina solvere laude labor.
 Jam neque sacra valent prisce in certamina vires,
 Quæ modo lusus erant prælia facta dolor.
 Et mihi tunc imas urit fax Dia medullas,
 Inque vicem flammis uritur ille meis.

Scilicet

Scilicet optata dum felix iterer aura.
 Aurea molliculus Pax mihi lectus erat.
 Tunc, ut inexpertis Tiro temerarius armis,
 (Omnia qui lingua prælia victor agit)
 Optabam rabidis caput objectare Tyrannis,
 Aut animam pulcra fundere posse nece:
 Tunc & Apolloniæ mihi credita flamma, rosetum;
 Tunc rota Costiadæ Virginis, esse trochus:
 Visaque sunt Agathæ gemini, duo vulnera, torques,
 Blandaque Blandinæ, Tauræ, putatus ovis;
 Denique barbarici laniena infanda macelli,
 Totaque carnificum visa theatra, locus.
 Nempe erat in calidis tam fervida flamma medullis;
 Aurea cum placidus Pax mihi lectus erat.
 At simul ac sponso calor hic abeunte recessit;
 Frigidior Scythico mens mihi facta gelu est.
 Sic nova, quas Zephyris spirantibus educat æstas,
 Decoquit immeritas una pruina rosas.
 Lampada sic tenui Pallas quam nutrit olivo,
 Extingui tremuli bucca soluta Noti.
 Ah! male te placido quæsi sponse cubili;
 Qui Crucis in thalamo repperiendus eras.
 Pax mihi lectus erat, Tibi Crux erat aspera lectus,
 Hoc te debueram quærere, sponse toro.
 Lux mea, jam quota Te quærendo perdit nox est,
 Sed quæsi, ubi non inveniendus eras.

* † *

Sargant



*Surgam; & circuibo civitatem; per vi-
cos & plateas quaram, quem diligit
anima mea: quæsiui illum, & non in-
veni. Cant. 3. v. 2.*

Non in foro, non in plateis Christus: Christus enim pax; in foro lites: Christus iustitia est in foro iniquitas, &c. fugiamus ergo forum, fugiamus plateas. Ambros. lib. 3. de Virg.

XI.

Tandem, serò licet, meus est mihi cognitus error,

Si bene quæsissem sponse repertus eras.

Credideram, placido somnos te carpere lecto.

Commodus, at video, non fuit ille torus.

Quid faciam? cœpte pergā dare membra quieti?

Et sine te somnus lumina nostra teget?

Ah! sine te nequeam solito dare membra sopori!

Aut ullā, sine tē, sponse, quiete, frui.

Non si somniferis inviter lymphā susurris,

Lymphā cavernoso præcipitata jugo;

Aut nemorum blandisagitata cacumina ventis,

Multaque quæ sylvis garrula cantat avis.

Aut Heliconiadum, Parnassia turba, Dearum;

Aut pater auratæ Delius ipse lyra.

Nectua discutiant mihi, Somne, papavera curas,

Humida nec virga tempora testā tuā.

Noxiā nec vigilem quæ sopiit herba Draconem,

Fistula quæque oculos condidit, Arge, tuos.

Vix ubi composui luctantia lumina somno,

Rumpitur indomito cœpta dolore quies.

Et nullam accipiunt oculique aut pectora noctem.

Quin mihi, nox etiam creditur una decem.

Fingit & assiduè de te mihi somnia Morpheus.

Nec fugis ex oculis flebilis umbra meis.

Cur toties igitur somni mihi nocte petuntur,

Si mihi nulla venit nocte, petita quies?

Eripiat stratis, mediamque vagata per urbem,

Quo sors aut ratio me volet ire, ferar.

Et circumspiciens, nūm forte quis angulus abdat.
 Quæram, quem propriâ diligo plus animâ.
 Quæram porticibus, quæram stabulisque, casisque,
 Perque semel trita: ibo, redibo, vias.
 Nec male perspecta fallet specus ulla latebræ,
 Nec quem transiero, circulus ullus erit.
 Qualis odora canis vestigia pressa ferarum
 Mersâ nare legens, lustra, rubosque subit.
 Aut qualis siculas Ops errabunda per urbes,
 Aspicias an flores perditâ Nata legat;
 Ruraque piniferis vestigans avia tedis
 Persephonem stygiis optat adire vadis.
 Aut potius Solymis qualis vaga Magdala campis
 (Cum flebat Domini marmor inane sui)
 Saxa per alta rudisque ruit furiata per agros,
 Qua dolor ancipitem, qua rapiebat amor.
 Omnibus una locis aderat comes omnibus una,
 Una super Domini funere multa rogans.
 Attica sic viduo volucris gemit anxia nido,
 Luctu sonisque nemus personat oanne modis.
 Et circum, supraque volans, nunc ardua summo
 Vertice, nunc ima pendula fronte sedet;
 Et raptam sobolem, raptotis & aucupis artes
 Heu! consanguineo nunciat orba regi.
 Haud aliter cunctis lustravi compita vicis,
 Non tamen est ullo præda reperta loco.
 Infames vici loca detestanda plateæ,
 Decepto tot es compita tria pedes!
 Amissum in thalamis foris hic reperire, putabam,
 sed male quæsitus, perditus usque latet.



*Num, quem diligit anima mea vidistis?
Paululum, cum pertransissem eos, inve-
ni, quem diligit anima mea, tenui eum,
nec dimittam, Cant. 3. v. 2. 3.*

*Tantò instantius inventum tenui, quantò
tardius, quem querebam, inveni. Beda
in 3. cap. Cant.*

XII.

Restat adhuc tota locus ullus omissus in urbe ?
Aut regio nostro non peragrata pede ?
Flaminiferis cunctæ facibus luxere plateæ,
Nullaque vel minimæ compita spreta viæ.
Hei mihi! quos vicos, quæ non loca tristis obivi?
Urbe etiam in tanta defuit urbe mihi.
Sed, quid in hos frustra juvat incubuisse labores,
Si sponsum semper quæro, nec invenio ?
Ergo domum lacrymans, vestigia retro ferebam,
Quique rogaretur nemo viator erat.
Cum propior portis à mœnibus aufero gressum,
Et vigilas portas occupat ecce cohors :
Ac prior, hîc dixi, quem diligo forte latebit ;
Et subito, vigiles reppererint, nec rogo.
Illi cum tacito convertere lumina rîu,
Verbaque dentatis reddere falsa jocis.
Et quidam, quisnam ille tuus, quem diligis ignis ?
Absque suo nosci nomine posse putas ?
Parcite, respondi, tam rusticus est mihi candor,
Scire omnes rebar quis meus esset amor.
Nec mage vel Pyladis notum, vel nomen Orestis,
Neve tuum, Thysbe, Pirame, neve tuum :
Vosque etiam, quamvis, quem diligo, scire negetis,
Scire nec ignotum posse latere, puto.
Obsecro, dic igitur Custodia pervigil urbis,
Num meus hac vobis tendere vilis amor ?
Ille meus propria quem plus ego diligo vita,
Qui quoque me vita plus amat ipse sua.
Dicite, quando abiit? quant illo tempore mansit?
Quaque prehensurum se simulavit iter?

Hæc

Hac it aut illac? dextra vel forte sinistra?

Solus erat? sociis an comitatus erat?

Excubiæ falsis iterum risere cachinnis;

At mihi falsa meas obruit unda genas.

Transferam; sponsi neque spes super ulla vivendi,

Menique erat in damnimersa dolore sui:

En subito, dum cuncta animo tristissima volvo,

Nullaque quam tantæ, vota minora tpei;

Ille meus, totâ toties qua situs in urbe,

Jam non quasitus constitit ante oculos.

Exilii, mistoque metu perterrita, gaudens

Vix potui propriis credere luminibus.

Et, Tene aspicio, mea lux, mea vita? volentem

Dicere, vox hærens faucibus impediit.

Qualis ubi viso conjux inopina marito,

(Quem mendax tulerat rumor obisse diem)

Obstupet ac visa veluti percellitur umbra,

Optantemque loqui pallida facta fugit.

Nec nisi jam noto reductis fidentior ore,

Audet in amplexus conjugis ire sui:

Tumque veretur adhuc, ne te male credula fallat,

Inque fidem levior decipiatur amor:

Sic ego dum trepido rediere in pectore vires,

Teque iterum ante oculos sponse, reviso meos;

Subdubitans, speransque, timensque, & amore fatif-
cens,

Tunc es quem video, clamo, vel umbra tui?

Ah sponse! ah non es! non es, quem diligo non es!

Imo es, quid dubito? numquid es? haud dubito.

O mea lux, video, te nunc video mea vita;

Nil ultra dubito, lux mea, te video.

Agnoscesque tui vocem præsentis & ora,

Involo in amplexus, sponse reperte tuos.

Jamque ego te teneo, neque per vaga compita quæ-
ram,

Ludibrium, vigili nocte futura gregi:

O mea si geminis mutantur brachia vinculis,

Atque manus manicis, compedibusque pedes!

Quam

Quàm te complicitis, mea lux amplecterer vulnis!
Arctius amplexu, vitis & ulme, tuo.

Arctius angui pedum manibus, Pedibusque hederarum,

Quæis obit annosas herba marita domos.

Sed neque te nostri lassent mea vita, lacerti,

Sæpe nec errantes per tua colla manus :

Longa Tui subeat mea lux absentia mentem,

Nec nisi pensari tempore posse putes.

Ah cito tam longi quereris compendia damni!

Vix ego jam cœpi, tu satur, ecce fugis.

Non ita discedes, non tam cito liber abibis ;

Nam nisi pugnando viceris, effugies.



Mibi



*Mihi autem adherere Deo bonum est,
ponere in Domino Deo spem meam.
Psalm. 72. vers. 28.*

E

Quam

XIV.

Quam mea per varios vita est exercita casus,
 Ut pila, percussu pulsa, repulsa manus.
 Munera belligeri primum placuere Gradiui,
 Armaque, spe laudis, sanguinolenta tuli.
 Arma dabant animos, & erat spes omnis in armis,
 Ceu foret hæc votis meta, futura meis,
 Sæpe vigil terricas traduxi cantibus horas,
 Et custos speculæ tædia longa tuli.
 Nec semel admonitu fraus hostica pro dita nostro est
 Dum signum toties, ore, vel ære dedi.
 Addidici septis fossam producere castris,
 Et sude præfixas impedisse vias.
 Quin etiam subitæ faciem componere pugnae,
 Et trepidis animos addere, voce, globis.
 Denique non tenuit belli quis certius artes,
 Militis auxilio seu ducis esset opus.
 Ah! quoties Libycas pressit pes lassus arenas,
 Et cecidit madidis sudor in ora comis.
 Collaque magnanimis tinxit fumantia pulvis;
 Nec tamen unda, sitim quæ recrearet, erat.
 Ah! quoties gelidos fluviorum innavimus alveos,
 Ære gravante humeros, ære gravante caput!
 Oraque prensatos retinebant mordicus enses,
 Nando per obstantes cum veheremur aquas.
 Bellantem tenuit jam tot me Mars pater annis,
 Principioque pedes sine merebar eques;
 Quoque teger, decimâ fuit ictus arundine thorax,
 Læsaque sunt totidem castis & umbo locis.
 Lethifero cecidit sonipes mihi tertius ictu.
 Crista quater, galeæ culpide, rapta fuit.
 Quin animam præceps in aperta pericula misi,
 Dum nimis hostili dextera cæde calet.
 Nulla tamen nostro tunc sunt data vulnera tergo,
 Omne sed adverso pectore vulnus erat.
 Nempe gradum tenui contra ferrumque facesque,
 Telaque præcipiti grandine plura tuli.

Perque

LIBER SECUNDUS.

Præque meo factos gladio spatiabar acervos,
 Imposito subigens corpora strata pede.
 Quis putet, hoc tanis caput insuperabile bellis,
 Non etiam bellis vota tulisse suis?
 Heu mihi! post partas proprio tot sanguine lauros,
 Post tot ad infernos funera missa lacus;
 Post toties meritas gladio victore coronas,
 Post tot fixa tuo signa, Gradiva, tholo:
 Una tot egregios delevit culpa triumphos,
 Nec fuit ulla super nominis umbra mei:
 Et gravis in pœnam me diruit ære Tribunus,
 Jussit & incincto turpiter ire sago.
 Gloria quin odiis popularibus obruta vertit,
 Sic cecidit tanto Marte petitus honos.
 O utinam potius pro te Deus arma tulissem!
 Non ita cassa suis laudibus arma forent.
 Te super, intrepida melius spe, vota locantur,
 Ut fundat trepidas anchora fida rates.
 Ergo suum Odrysiæ positum suspendimus ensem,
 Æraque sunt curvæ jussæ valere tubæ.
 Tum, lucra, tum vigiles, lucto arrisere tabernæ,
 Unaque Mercurio cura litasse fuit.
 Tum pipet & lanas Lydo reparavimus auro,
 Veximus & gravidâ grana, merumque trabe.
 Nostraque Barbaricos tetigerunt lintea portus,
 Et sinus investâ vix sine merce fuit.
 Scilicet è minima magnum recogere quæstum,
 Maximus hâc studii parte triumphus erat.
 Creverat agestis jam densa pecunia nummis,
 Nec domus immensas arcta tenebat opes.
 Classis & ambustis onerata redibat ab Indis,
 Sed periit, patris proxima clavis aquis.
 Plurimus implebat tabulas mihi debitor ambas,
 Credita perjurus debitor esse negat.
 Ergo velut liquidis sal crescit, & interit undis,
 Ut crevistis opes, sic periistis opes.
 O quanto placidos tranquillius exigit annos,
 Quineque lucra cupit, qui neque bella movet!

Dives Athlantiade, tua linquo negotia dixi,
 Nulla mihi vestra merce redempta quies.
 Quid facerem toties frustrantibus omnia votis.
 Marte negante decus, Mercurioque fidem.
 Regis in ignotam subrepfi nobilis aulam;
 Magnaque mox Regi fama relata mei est.
 Et vocor, & videor, placidoque arrideor ore:
 Dum loquor, & ptonâ Principis aure fruor.
 Nescio, quid fuerit, quod Rex ita cœpit amare;
 Non fuit hoc meriti, sed mage sortis opus.
 Sed fuerit virtus, seu fors, seu Regius error;
 Maximus exiguo tempore crevit amor.
 Sæpè diem nocti conjunximus, inque loquendo,
 Non fuerat visus præcipitasse dies.
 Sæpe domi tacitas usu traduximus horas,
 Unaque sæpe foris mensa duobus erat.
 Non ita Sejanum Latia favor extulit Aulæ;
 Clitus Alexandro non ita carus erat.
 Commodus haud tantû potuit tribuisse Cleandro,
 Aut Constantini plus amor Ablavio.
 Jamque sua fateor, favor hic, novitare placebat,
 (ut prope non solita res novitate placent)
 Aulaque felicem, felicem turba vocabat,
 Quod mihi tanta Ducis gratia parta foret.
 Vah! nimis infidis subnixa potentia sceptris,
 Quæ minimo sortis turbine versa ruit!
 Ecce, minax tetricos cœpit Rex ducere vultus,
 Nec ramentum est vitio gratia laxa meo.
 Hei mihi! cœptus amor subitam se vertit in iram,
 Hostis & è patrio cogor abire solo.
 Et veteres auxi casu, nova fabula fastos;
 Fabula sic elegis triste canenda meis.
 Arcadii Eutropius, Stilico, redi vivus Honori,
 Et Constantini Caesaris Ablavius,
 Clitus Alexandri, Tiberi Sejanus imago,
 Heu nimis historiarum vera fuere mear!
 Deus! ô quanto tranquillius, exigit ævum,
 Qui locat in sceptris vota quæ spesque tuist!



*Sub umbrâ illius, quem desideraveram,
sedi. Cant. 2, v. 3,*

*Umbra fit ex corpore & luce ; &
est itinerantium refrigerium ab aestu ,
& protectio à tempestate. Arbor vita ,
scilicet malus est sancta Crux: fructus e-
jus Christus, umbra tutela, vel refrige-
rium humani generis. Honor. Apud
Delr. in c. 2. Cant.*

XIV.

Forsiter ignoras longum meditabar in oras,
Et bona jam cœptæ pars erat astæ viæ.
Utque solet lassus metam spectare viator ,
Credebam spatiis pauca deesse meis.
Ut cœpi reliquos metiri provida passus,
Najus erat medio quod superabat, iter.
Hei nihil tum refugæ occiderunt corpore vires,
Totque nimis durus millia visa labor.
Ergo oculos cœlo miserâ cum voce tetendi,
Ferret an hic aliquis, voce vocatus opem :
Et mihi quis dixi, dabit hæc sub æstibus umbram ?
Solis ab infesto verberor igne caput.
Aspice, sub plantis quam ferveat arida tellus,
Siccaque semiuustos urat arena pedes.
O nemora! ô rigæ, frondosa cacumina sylvæ!
O latebræ! ô fontes! arborea que domus !
O utinam, virides pandat mihi populus alas,
Aut caput hoc mali fronde cœmante tegar !
Audiit ille meas solitus lenire querelas.
Cujus erat toties umbra petita mihi.
Et scio quo properas scio, quas ait, arripis oras;
Et scio, quam toties anxia poscis opem :
Cœlestis Solymæ longinquam tendis in urbem,
Quamque agis in terris, huc tibi, vita via est.
Jamque gravat longi te tanta molestia cursus,
Et cuperes mali fronde vivente tegi.

Ecce

Ecce, tuis venio sperata laboribus umbra,

Quamque voves placido tegmine malus ero.

Aspicias hærentes funesta ex arbore palmas,

Quosque fodit geminos cuspis acuta pedes?

Aspicias innumero laniatum vulnere corpus?

Aspicias? heu! vix est corporis umbra mei.

Hæc tibi quasitam fessæ dabit umbra quietem

Portus, & in duris, hæc tibi Malus erit.

Dixerat, & vires subito rediere jacenti,

Tanta loquente Deo, visque vigorque fuit.

Tunc ego suspiciens, in sponsum lumina fixi:

Hei mihi suspensus de Cruce sponus erat!

Et qualis, sponse, inquam, hæc est, quam tristis i-
mago?

Hæccine erit capiti Malus aprica meo?

Hæc ego sanguineâ languens residebo sub umbrâ:

Tu, crucis infami stipite fixus eris?

O mala Malus! & infelix, quæ te manus unquam,

Fixit humo! manus hæc, cade cruenta fuit.

Attamen hæc latos Malus jacit ardua ramos,

Utque cubem, placidos umbra dat apta toros;

Umbra dat apta toros, sed non tamen apta sopori,

Ah! magis hæc lacrymas Malus & umbra petunt.

O bona Malus! & ô felix, quæ te manus unquam,

Fixit humo! hanc fidus jam decet esse manum.

Ah! video, cui te similem, mi sponse, vocabo;

Sæpe mihi umbriferæ munere functe domus.

Qualis onusta rubris latè sua brachia pomis;

Spargit, & apta siti munera Malus habet;

Exsuperatque suas numerosâ fruge sorores,

Una nemus lassis, hospitibusque penus.

Talis es æstivis mihi, sponse, caloribus umbra;

Lymphaque, dum sitio, dum fameoque, cibus.

O quoties ego te! quoties, mi sponse, vocavi,

Ut semel illa meum conderet umbra caput!

Hic ego si liceat dixi gemebunda sedebo;

Ut sedet amisso mœsta columba viro.

Et modo purpurei concreto sanguine crines,

Et modo materies, labra, doloris erunt.

Nunc oculi ante oculos, nunc frons, nunc pendula
cervix,

Nunc os, nunc atro barba cruore madens.

O quoties latus hoc, lacrymansque, gemensque vi-
debo

Ne videam, lacrymis impediarque meis !

Multa tamen dabit hoc unum mihi vulnera vulnus,

Saucia dum geminos labar ad usque pedes.

Tuncque iterum amplexu lignum lacrymabile strin-
gens,

Subscribam hæc plantis verba suprema tuis :

In duo, qui causam præbent sibi mortis Amantes ;

Mergitur hæc lacrymis, ignibus ille perit.





*Quomodo cantabimus canticum Domini
in terrâ alienâ? Psalm. 130. v. 4.*

*Utinam possem talia dicere, qualia hym-
nidici Angelorum Chori! ô quam liben-
ter me in tuis laudibus totum effunde-
rem! Augustin. Medit. c. 35.*

X V.

Quid toties cantus iterare jubetis amici?
Seu lubeat digitis, seu juvet ore loqui?
Latine cantus poscunt, animique quietem,
Turbida cum mens est, os digitique dolent.
Quin magis cantandum, cum mens jacet agra mo-
netis,
Tuncque opus esse lyrâ, tuncque opus esse chely.
Nempe suo nimium nemersa dolore laboret,
Aut intenta suis, sit nimis ipsa malis.
Quid quod opem cetræ promittitis usque medellæ?
Vestra nec exemplo dicta probante carent:
Dicitis hanc causam, cur lassus navita cantet,
Solicitat celeri cum fieta lenta manu.
Quique gregem virides pascendum ducit in agros,
Non, nisi me nimium sit mora longa; canit.
Et canit, ut fallat fastidia longa viator,
Miles & ut cantet, noxque laborque facit.
Non ego, quod faciunt miles nauta atque viator,
Quodque facit pastor, damno rebellis opus.
Adde, quod & Dominæ jam dudum assueta quere-
lis,
Ad solitos gemitus plus mea lingua valet;
Vixque retentanti jam carmina prisca subibant;
Musica quin etiam res mihi visa nova est.
Utque timet longo veniens e carcere Solem;
Sic mea latinam lingua modosque timet.
Ad numeros quoties fuit impetus ire relictos,
At solitam digitis sollicitare chelym;

Aut

Aut docto querulas impellere pedine chordas,

Aut mollem articulis increpuisse lyram ;

Aut leve ceratis modulari carmen avenis,

Aut voci liquidas associare fides.

Heu! toties lachrymæ sunt, me tentante, profusa,

Et lacrymis, digiti, voxque retenta fuit.

Mox luctata iterum cantu deducere vocem,

Et querulâ digitos attenuasse lyrâ.

Nequicquam adversis sensi me tendere musis,

Ulla nec est nostra barbitos ista manu.

Interea longa jam desuetudine pigra

Artem dedidicit voxque manusque suam.

Nec si nunc studium gravitatis inane retentem,

Mollescant studio tristitia fata meo.

Esto, sciam levibus tamen addere carmina nervis,

Aptaque mutandis sit mihi lingua sonis ;

Et vincam Aonias digitis aut gutture Divas,

Et mea sit melior, Marsia, Canna tuâ ;

Panaque multiforem cogam submittere buxum,

Et superem Thresia stamina docta lyræ ;

Questibus, an cantu videor debere teneri,

Maxima cui flendi copia semper adest ?

Ah! bene, ne cantem, mihi per mala plurima cau-
tum est ;

Vertit & in morem jam mihi pene dolor.

Nec locus, ut cantem, patitur, neque tempora pro-
sunt ;

Utque locus finat, aut tempora, mœror obest.

Quid? vultis patria procul à tellure jacentem,

Extremo patrios orbe sonare modos ?

Parcite, fortunæ nimis exulis ista repugnant :

Non est conveniens cantibus ille locus.

Exul & à patrio tam longe distita Coelo,

Impellam patriæ dulcia fila lyræ ?

Parcite tam miserum fortunæ vulnus habenti ;

Cantandi externo nulla libido solæ est.

Tristitia stabilibus manant mihi lumina rivis,

Et videor festam posse ferire chelym ?

Semper in obtutu vigilat mens fixa malorum,
 Et cythara videor posse, vel ore loqui ?
 Heu ? nimis insistent praesenti pectora fato,
 Et numquam exilii sensus acerbus abest.
 Si jubeat quisquam his Amphiona vivere terris,
 Aonio nunquam peccine tangat ebur.
 Respectu Euridicen propero cum perdidit Orpheus;
 Illicet artificis obriguere manus;
 Et manibus cecidit leve cum testudine plectrum,
 Fractaque sunt casu garrula fila suo.
 Quid mihi non una fatorum clade sepultæ
 Praecipitis, toties ungue ciere fides ?
 Dum circumspiciens; ubi sim, te Patria spectro;
 Heu ! cadit aspectu inens labefacta tuo.
 Cum semel, ô sperata diu, tibi Patria reddar,
 Tunc ego voce canam, tunc ego mente canam.



LIBER TERTIUS
SUSPIRIA
ANIMÆ
AMANTIS.



Adjuro vos, filia Hierusalem, si inveneritis Dilectum meum, ut nuncietis ei : quia amore langueo. Cant. 5. v. 8.


Annunciate, quia amore langueo, præ
magno faciei ejus videnda desiderio; vi-
tæ ædium patior, & vix præsentis exi-
lii moras sustineo. Rupertus in Cant.

I.

COElestes animæ, Solymæ cœlestis alumna,
 Quæ teritis niveæ carula templa pede;
 Vos ego, vos numquam violando carmine testor,
 (Si meus est vobis forte repertus amor)
 Dicite, quod cœcâ sic ejus langueo flammâ,
 Languet ut Assyrio flosculus ustus agro.
 Nempe suas nuper cum spargeret ille sagittas,
 Delituit propriis mistus arundinibus:
 Et summa trifidi præfixus cuspidè teli,
 Cor mihi, ceu Parthi, canna redunca fidit.
 Ah quibus! ah quantis dum pectus moribus arsit!
 Non furit Æthneo laxior igne rogos.
 Nunc igitur cupidus de me si plura rogabit,
 (Namque solent cupidi multa rogare proci)
 Dicite, languentis quæ sit mea visâ figura;
 Pluraque languentem non potuisse loqui:
 Si roget an lento mihi febris inæstuet igne?
 Dicite, quod nullo febris ab igne coquar.
 Si roget; an mortis propior sim visâ periclo!
 Dicite, quæ vobis ore tacente, loquar.
 Dicite nulla meis vos reddere nuncia verbis,
 Sed fatis tantum reddere verba mei.
 Si lubeat nostros tamen illi noscere vultus,
 Nec grave sit vobis dicere, qualis eram:
 Hac, precor aut simili, tum me depingite forma,
 Quæ sciat & morbi quæ sit origo mei.
 Dicite, quod jaceam tenebris ex sanguis obortis,
 Succiduo in nudum corpore lapsa solum.

Sint

Sintque hebetes oculi, media ceu morte natantes,
 Inque sinu jaceat languida facta manus :
 Nec rosa picta genis, neque viva corallia labris,
 Venaque vix quamvis pollice tacta, micet:
 Jamque diu nullo constet me vivere signo,
 Quam quod anhelanti pectore sæpe gemam.
 Quodque mihi certam non possum fingere causam,
 Cur toties nullo læsa dolore quear.
 Non possim, nisi fors gemitu se prodere cogat.
 Qui gemitum toties pectore rupit Amor:
 Hæc re or, hæc nostri fuit unica causa doloris,
 Et quid amans esset nescii, amanisque sui,
 Hoc fuit, hoc toties me suspirare coegit,
 Per gremium injustæ cum flueretis aquæ.
 Hoc fuit, ut, quamvis toties aliena loquenti,
 Illius assidue nomen in ore foret.
 Ergo meis, oro, Dilecto hæc dicite verbis !
 Illius immodica quod cremor ægra face :
 Dicite; quod lento sic torreo Illius igne,
 Ut rosa cælesti torrida facta cane.
 Dicite, quod longa sic ejus langueo flammâ,
 Ut languet sicca lilia cana comâ.
 Dicite, quodque mei causa unica sit languoris,
 (Qui simul est mortis causa futurus) Amor.





*Fulcite me floribus, stipate me malis; quia
amore languero. Cant. 2. v. 5.*

*Bonus certè languor, cum infirmitas hæc
non sit ad mortem, sed ad vitam; ut
glorificetur Deus per eam. Cum ardor,
febrisve ista non sit ab igne consumen-
te, sed ab igne potiùs perficiente. Gis-
lerius in c. 2. Cant.*

II.

O Amor! ô quantis torres mihi viscera flammis?
O Amor! ô animi blande Tyranne mei!
O Amor! ah tantos quis pectore comprimat ignes!
Parce, vel in pavidos dissoluor cineres.
Parce Amor, ô toties repetitis parce sagittis!
In nova, pars animi, vulnera, nulla vacat.
Parce Amor & nocuæ procul abijce tela pharetræ,
Proxima, quam jacies, figet arundo necem.
Ah perii! neque nota mihi suspiria duco,
Quæ sonat, ignoto vox ab amore sonat.
Scilicet arcanos penitus grassatus in artus,
Jam mea, victor ovans, regna subegit Amor.
Me miseram! tantos nemo miserabitur ignes;
Nemo vel è terris, nemo vel è superis?
Tuque meus (tanti causa unica qui tormenti es)
Tu meus, hæc sicco lumine cernis Amor?
Nos saltem Ætherii Cœlo properate coloni,
Vos quibus à simili mens calet ista face.
Ferte rosas, date mala, & odoræ Chlорidis herbas,
Quicquid & Alcinous, Floraque quicquid habet.
Ferte rosas, date mala ardentibus obvia flammis,
Mittor in malis est amor, inque rosis.
Ferte rosas manibus calathis effundite mala.
Fors erit hinc nostris certa medela malis.
Sed quid ago? quid posco rosas? quid postulo mala?
Est dolus in malis, est dolus inque rosis;

For-

Forſan Amor falſi tegitur velamine mali,
Aut ſua ſpiniferis occulit arma roſis.
Perjuro ſimplex malo deluſa Cydippe eſt,
Et venus armata cuspide læſa roſa.
Nolo tuas, Cytheræ roſas, tua mala Cydippe,
Neſcيا perfidiæ mala, roſasque volo.
Quales Dorotheæ ſuperis tulit ales ab hortis,
Canaque quas ſtupuit bruma rubere roſas.
Quale Tibi Elyſiis venit Luduina viretis,
Angelico carptum pollice liliolum,
Has mihi poſco roſas, hæc mala, hæc lilia, poſco,
Neſcيا perfidiæ lilia, mala, roſas.
His mihi vernantem viridi ſuper aggere lectum.
Piſtaque puniceis ſterntiæ fulcra crocis.
Fiſcinaque è lento fiat pulvinus hibifco,
Fiſcina, quàm viridi farciat herba toro.
Jungite vimineis collecta liguſtra quaſſilis,
Et pluat in laxos lutea Calthafinus.
Junceaque egrègiis onerate caniſtra Hyacinthis,
Miſceat & calices Bellis amoena ſuos:
Spicaque, Narcifſusque, & apex ſtellatus Amelli,
Pulcraque cæruleis cum Cyanis Anemon,
Et Nymphaæ marina, immortalesque Amaranthi,
Iridis, & Viola multi coloris opes.
Junctaque Smilacibus Pæonia regia parvis,
Cunſtaque quæ Pæſto divite ſerta virent.
Addite deceptas Arabo de cortice frondes,
Et Myrrhum, & Daphnen, Cæcropiumq; Thymū.
Serpillumq; Chamæmelumq; Aloenq; Ciperumq;
Et Nardum & Tymbram, Cynnamon & Caſiam,
Et Coſtum & Staſten, & olentis germen Amomi,
Et Cilicum tota ſternite meſſe ſolum.
Sternite, & hoc animæ quidquid ſuper exſpirandum
Roſcidulis finite, elanguat in ſolis. (eſt,
Tunc ego ſic moriens componam leniter artus,
Ut Roſa deciduas ungue reſecta comas.
Aut moritura graves inclinant Lilia culmos,
Quæque halant, animas gramina meſſa ſuas.

Dile-



*Dilectus meus mihi, & ego illi, qui pasci-
tur inter lilia, donec aspiret dies, & in-
clinentur umbra. Cant. 2. v. 16.*

LIBER TERTIUS. 117

Tu ergo qui hæc audis vel legis, cura habere lilia penes te, si vis habere hunc habitatorem liliorum habitantem in te.

Bernard. serm. 71. in Cant.

III.

FELICES animæ, populus genialis Amantum,
 Quas amor irruptâ nectit utrimque fide!
 Non ego præ vestrâ fortunam optavero Regum;
 Non puto Coelicolum vos ego sorte frui.
 Sed neque jam Siculi mirer nova vota Tyranni,
 Optantis, Pythiæ tertius esse comes.
Ecquis enim fossis medius neget esse duobus,
Quos sibi tam facto foedere junxit Amor?
 Aurea conditio, quoties redamantur amantes,
 Reddit & alternas mutua flamma vices.
 Hâc ego me toties optavi lege beatam,
 Ad sua cum trepidam signa vocaret Amor.
 O! quoties dixi, si quando cogar amare.
 Non, nisi qui pariter me redamârit, amem!
 Audiit optantem volucrum Deus ales Amorum,
 Et quid ait, dubitas? ut redameris, ama,
 Vicino extimui præsentis Numine Divi,
 Attonuitque meum vox inopina! caput.
Ecquid inexpertam puer, inquam, perfide castis,
Auspiciisque jubes ara merere tuis?
 Sæpè quidem juveni mihi narravere sodales,
 Gaudia quanta suis polliceatur Amor.
 Sæpius at contra monuit me sedula nutrix,
 Cum veherer gerulæ sarcina parva sinu.
 Vota nimis reputa peligni oracula vatis,
 Quæ cecinit castis ingeminanda choris:
 "Quot lepores in Atho, quot apes pascuntur in Hybla,
 "Carula quot baccas Palladis arbor habet;
 "Littore quot conchæ, tot sunt in amore dolores,
 "Res est solliciti plena timoris Amor,

Serm.

Semper enim miseros timor ille flagellat amantes,
 Ne fors non redamet, quem tamen alter amat
 Fida vel alternis si sint rata fœdera vinculis,
 Tum gravis, ut consent fœdera, cura subit.
 Curre per historias; quotus, heu! securus amavit?
 Hunc brevis, hunc fictus ludificavit amor.
 Quâ Paris Oenone sine vivere posse negabat,
 Oenonen potuit deseruisse Paris.
 Dilecti Hypryphile non mansit Jasonis uxor,
 Non mansit reducis, sicut euntis erat.
 Thesea crudelem quoties Ariadne vocavit,
 Navigio numerum quæsta deesse suum?
 Quin etiam levibus monstras, Puer improbe pen-
 nis,
 Quàm citò succedat quàm citò cedat amor.
 Ite igitur, levibusque animas modò credite flammis,
 Cum sua non aliter sceptrâ Cupido gerat.
 "Et levis est multoque suis ventosior alis,
 "Gaudiaque ambiguâ datque negatque fide.
 Tum pudor audaces tinxit tibi perfide, malas,
 Teque levem celeri factus es esse fugâ.
 Tuncque ego, Cyprigenæ detestâ fraude, trium-
 phans,
 Instabilem jussi læta valere Deum.
 Et tibi Deus Amor [dixi] tibi fœdere jungar,
 Et tuus ignis ego; tu meus ignis eris.
 Donec ab aereis labentur montibus umbræ,
 Et reducem fugient umbraque, noxque diem.
 O liquidæ Ambrosiæ! ô Divini nectaris haustus!
 O amor! ô quanti pocula mellis habes!
 Quid totis Te! Deus amor, sit amare medullis,
 Expertus nisi sit, dicere nemo potest.
 Quid verò sit amare, iterumque abs te redamari,
 Sit licet expertus, dicere nemo potest;
 Omnibus hisque etiam supereminet illa voluptas,
 Fidus hic æternum quod sibi constet amor.
 O Amor! ô mea dulcedo! mea vita, meum mel!
 Aut melli geminum si quid Hymettus habet!

LIBER TERTIUS.

119

O amor ! ô quoties, ô quæ mihi gaudia misces,
Dum quod amans redamer, dum , quod amere,
subit!

Dumque iterum æternos recolo fore fœdere nexus

O amor ! ô quantis, gestio lætitiis !

Non habet hic miseros Amor, ut levis ille timores ;

Affluit hic lætis, ingemit ille malis.

Pascitur in riguis, ubi candent lilia campis,

Et sua virgineos ducit in arva greges.

Scilicet æthereum decet hic flos purus Amorem,

Et benè tam castas pascit hic hortus oves,



Ego



Ego Dilecto meo, & ad me conversio eius.
Cant. 7. v. 10.

*Cor meum per multa dispergitur, & huc
illucque querit, ubi quiescere possit, &
nihil invenit, quod ei sufficiat, donec
ad ipsum redeat. Bernard. Medit. c. 9.*

IV.

Mœsta cupressiferi nemoris spatiabar in umbra,
Tristitiam lacrymis compositura meis,
Jamque sinum tepidis submerserat imbris unda.
Consideramque meis poene subacta malis.
Fors Chelys ex humeris pendebat eburnea nostris,
Mœstitiæ quondam certa medela chelys.
Obruta tristitia, frondente sub arbore sedi,
Associans querulis talia verba modis:
Ergo mei vidui, sine lusu ibitis anni?
Nullus & in nostro carmine vivet amor?
Ah! precor, eveniant hæc hostibus omnia nostris,
Et procul his, flammæ tam bona tela cadant!
Vivere se juret, non hunc ego vivere credam,
Qui trahit hoc vacuos frigidus igne dies.
Unicus est homini, vivendi fructus, amare;
Solutus amans, Vixi; dicere jure potest.
Qualis in ima, suo desidit pondere tellus,
Et subit aerias ardua flamma vias;
Nos ita fax animi, violento cogit amore,
Abripimurque omnes impete quisque suo.
Me quoque nativa stimulari sentio flammâ,
Visque adhibet tacitas, nescio quanta faces.
Quo meus ergo suos Amore ejaculabitur ignes?
(Primæ namque nostri calor erunt)
Aut erat humanæ fumata Cupidine tedæ;
Cognata Angelicis, stirpsque sororque thetis?

Aut mea mortales venient in colla lacerti,
 Quæ sum immortalis sponsa creata Deo?
 Ah! super hæc hiemes, nostri rapiuntur amores,
 Terra parem thalamis non habet ista meis.
 Nympha puellarum pulcherrima Romulearum
 Agnes, Ausonio sponsa petita proco;
 Absit, ait, juvenis mea ne tibi fœdera speres,
 Jam mea cœlestis fœdera sponsus habet.
 Sic nostra ætherios ambit quoque fax Hymenæos,
 Inde petendus erit, qui mihi sponsus erit.
 Hunc ego, non alium, solum hunc ego diligo spōsum,
 Nemo potest uno tempore amare duos:
 Illius ante oculos mihi semper oberrat imago,
 Ante oculos quamvis longius absit adest.
 Et loquor absenti monientis omnibus, absens,
 Absentisque sonos illius aure bibo.
 Sic ubi magnetis vim ferrea linea sensit,
 Semper ad agnati vertitur alta poli.
 Et sua Sydonius patet hinc Cynosura carinis,
 Servat & hinc Helicen cymba pelasga suam.
 Sic læsi lequeris studiosa pedissequa Phœbi
 Dilectam Clytie, flos modò facta, facem:
 Bisque, die quovis, verſo jubar ore salutans,
 Manè precaris Ave, sero precare Vale.
 Obvia fraternos ita spectas Cynthia vultus,
 Et reparat vultus ignibus ille tuos.
 Sponse ego sum Clytie, Tu sol: ego Cynthia, Phœbū
 Qualibet obverso persequor ore meum.
 Es mihi sponse, Helyce, Cynosuraque duplicis Arcti,
 Quo trahis, huc oculis ad tua signa volo.
 Quid mirum, alterno si respondemus amori?
 Magnetem sequitur linea tacta suum.





Anima mea liquefacta est, ut Dilectus locutus est. Cant. 5. v. 6.

*Quid est hoc, quod sentio? quis est ignis,
qui calefacit cor meum? quæ est lux, quæ
irradiat cor meum? ô ignis, qui semper
ardet, & nunquam extingueris, accen-
de me. Angustin. soliloq. c. 34.*

V.

TE semel ut cursim tantum mea vita, viderem,
Quot juga quot sylvar, quot loca visa mihi!
Ut semel audirem tantum, mea vita loquentem,
Ah! quot inaccessis rura petita viis!
Ærui montes, metuendaque culmina, rupes,
Saxaque Solivagis vix adeunda feris.
Nec tamen, ecce, tui data spes fuit ulla videndi;
Vixque vel alloqui spes fuit ulla tui.
O! quoties dixi; quæ te, mea vita, latebræ,
Quæ cava, quæ terræ, quæ nigra lustra regunt?
Sed neque lustra meum, neque rus solata dolorem,
Respondet lacrymis sylva nec ulla meis.
Fors semel ignotos, me duxerat error in agros,
Solut ubi ante oculos campus, & error erant.
Metior hic oculis Cœlos, clamoribus agros;
Sed neque vox Cœlis, nec data vox ab agris.
Inde deerranti vallis se monstrat opaca;
Vociferor, nullus fit mihi valle sonus.
Ecce, cava densum, procul haud à valle, viretum,
Adjacet; æstivo textilis umbra gregi:
Hic erit, hic forsan, dixi mea vita, latebit;
Heu dolor! ut vidi, nulla latebra fuit.
Ergo amens tandem, lacrymansq; ad littora curro,
Littora, quæ refluis Nereæ rundis aquis.
Hic Pharos ingenti se tollit inardua clivo,
Unde suum ratibus navita capiat iter.
Scando Pharon. totoq; oculos circumfero ponto,
Et quanta possum littora voce voco.

Littora, littora, vos cautes, vosque æquoris undæ,
 An latet æquoreis lux mea merfa vadis ?
 Vix prior attrigerat resonantia littora clamor,
 Cum citò littoribus vox geminata redit.]
 Ambigo, num scopulis fallax responderit Echo,
 Et nimium prona luserit aure fidem ;
 Tristibus ergo iterum cava littora pulso querelis ;
 Littoribus que iterum vox repetita redit.]
 Vox redit, & Vox nota redit tua vox, mea vita,
 Et mihi voce tua, reddita vita fuit.
 Ibam semè animis, subito ad tua verba revixi,
 Ne penitus morerer, vox satis una fuit.
 Scilicet ora loquens quoties cœlestia solvis,
 Magnum aliquid verbis fulminis instar inest.
 Ignivomæ non quale nucis, testudine clausum,
 Efflabas Syriæ fraudibus Euna, Dex.
 Qualesed in comites Eimauria rura petentes,
 Sparsisti stygiis Dux redivive plagis;
 Frigida cum subitis arserunt pectora flammis,
 Pectora colloquio, lux mea, tacta tuo.
 Hinc mihi succensis caluit quoq; flamma medullis,
 Itaque cœlesti vocis ab igne fui.
 Et licet Oceano gelidis licet undique saxis,
 Undique cæruleis obsita cingar aquis;
 Intus agunt flammæ sic liquor ab ignibus intus,
 Liquebitur ut lento pinea teda foco.
 O utinam, mea vita, animam liquamur in unam,
 Unaque vita duos jungat Amorque duos !

* *

*



*Quid enim mihi est in cœlo , & à te quid
volui super terram? Psalm. 72. v. 25.*

Quidquid Coeli ambitu continetur, inferius ab anima humana est, quæ facta est, ut summum bonum superius possideret, cuius possessione beata fieret.
Augustin. solil. c. 20.

VI.

Quid coelo, mea lux, terræ, marisve requiram?
 Nec cœlum sine te, terra, nec unda placet.
 Non equidem ignoro, quæ, quantaq; gaudia Cœlum,
 Terraque quas fundat, undaque condat opes.
 Sed sine te, mea lux, mala sunt, quæcunq; vel æther,
 Vel tellus gremio, vel tegit unda salo.
 O Cœlum! ô tellus! ô cærule marmora ponti!
 O tria deliciis regna superba suis!
 Delicias cumulus vestras licet aggerat unus,
 Non sint delicia, si meus absit amor.
 Sæpe tulit fateor, vaga per divortia mentem,
 Hinc thetis, hinc tellus, arduus inde Polus.
 Sed totum injectis mundum si metiar ulnis:
 Non tamen hæc ulnis par erit ulna meis.
 Mens aliquando fuit gravidam recludere terram,
 Æraque divitibus vellere fulva cavis;
 Aurumque argentumque, nitentis germina venæ,
 Quæque metallifero nutrit arena sinu.
 Ferro igitur magnæ Matris suffodimus alvum,
 Totaque Telluris gaza coacta fuit:
 Quid juvat? aggestas licet aurum fregerit areas,
 Non tamen est animo nausea pulsâ meo.
 Ergo sub æquoreos rapuit me cura penates,
 Quâ subit Eoas Indus adustus aquas.
 Quicquid & auris suis gemmarum nascitur undis
 Carpere sub liquido gurgite fervor erat.
 Et pressum rotis conchylibus edere rorem,
 Rideret patulis purpurea si qua labris.

Hei mihi ! tam vario lectis ex æquore gemmīs,
 Littoribus totidem fluminis atque maris.
 Tot cyanos tot chrysolites tot jaspidas inter,
 Nulla mea potuit gemma sat esse siti.
 Quid facerem, votis, terraque marique negatis?
 Sidereos, dixi, vota subire lares.
 Vasa igitur superi circumvaga machina mundi,
 Templaque luciferis fulgida lampadibus.
 Obsupui stabili currentes ordine flammās,
 Astraque perpetuos ducere nexa choros :
 Inter at indigenas tot Olympi pensilis ignes,
 Flamma capax animæ non fuit ulla mea.
 Nempe ita cum totum requievit in *Hercule Cœlum*,
 Non illi requies sidera, ponduserant.
 Ah ! piget è terris Cœli convexa tueri,
 Jam super alta feror nubila, terra vale.
 Jam cuncta ex oculis, turreſque urbeſque recedunt,
 Jam coit in minimam pendula terra pilam :
 Jam luna, ſoliſque Joviſque ſupervehor orbeſ,
 Et ſeptena premens ſidera, calco pede.
 Jamque pavimentum ſtellarum illuſtre pyropiſ,
 Sub pede deſpicitur, quod modo culmen erat :
 Altaque jam cingunt flammantis moenia mundi,
 Et propior cœli regia rota patet.
 Quin properant volucres, pennata examina cives,
 Et ſociant variis verba fideſque modis.
 Saltanteſque obeunt pedibus plaudentibus orbem,
 Lataque ceu feſto perſonat Aula die.
 O cœlum ! ô cœlum ! ô fulgentia lumina ſtellar !
 O, niſi ſidereis, atria digna choris !
 O vulcres animæ, rutili reſpublica Regni,
 O chelys Angelitiſ aſſocianda modis !
 O ubi ſum ? prope facta ſui immemor, exciderat mœæ
 Sed redit ut ſponſum ſenſit abeſſe ſuum.
 Aſtra valete, valete Poli, Volucresque valete ;
 Nihil mihi vobiſcum eſt, ſi meus abſit amor.
 Jam video, mihi quid terraque, poloque petendum,
 Si meus abſit amor, Tetra, Poluſque vale.

Magnanimas juvenis lacrymas Pellæ dedisti,
 Nulla tibi domito terra quod orbe foret :
 Quid mihi, millenos si fregero viribus orbes?
 Non satis est votis gloria tanta meis
 Ah! minus est animo quicquid sola diffusa terrarum,
 Astriferæque obeunt mœnia vasta plagæ.
 Quod neq; terra capit, neque regna liquentia ponti,
 Non hominumque lares non aviumque domus;
 Quod neque siderei claudunt amplexibus orbes,
 Id voto spes est, resque petita meo.
 Hactenus, heu fateor vacuas dum pendimus auras,
 Semper ab implexa mens male lusa suo est !
 Tu mihihi Terra, Deus; mihi te Mare, tu mihi Cœli,
 Denique cuncta mihi es: Te sine, cuncta nihil,





*Heu mihi quia incolatus meus prolonga-
tus est ! habitavi cum habitantibus Ce-
dar, multum incola fuit Anima mea.
Psalm. 119. v. 5.*

*Sunt duo tortores anima, non simul tor-
quentes; sed cruciatu alternantes. Ho-
rum duorum tortorum nomina sunt
Timor & Dolor. Quando tibi bene es,
times, quando male es, doles. Augusti-
nus serm. 43. De Verbis Domini.*

VII.

AN peragit solitis Phœbi rota cursibus annum?
Syderumque suo tempore finit iter?
Credideram fractis currum consistere loris,
Tempora tam lentis ire videntur equis.
Hei mihi! decretos jam dudum explevimus annos,
Nec tamen è vitâ cedere, Parca jubet.
Cur mea tam longo ducuntur stamina filo?
Debueras Lachesis deproperasse colum.
Ecquid in his adeo delectet vivere terris?
Quidve quod invitet, tristis hic orbis habet?
Qualibet ah! simili mihi mors minus aspera vita est,
Si genus hoc mortis vita vocanda fuit.
Nempe gradu stabili mihi hîc immobile constat,
Cuncta sed assidua mobilitate fluunt.
Mane dies oritur Phœbeo splendidus auro,
Squalidus emoritur nocte premente, dies.
Nox lubit Astrorum rutilis comitata choreis,
Nox iterum Cœlo, sole fugante, fugit.
Nunc Zephyro gremium tellus spirante recludit,
Nunc claudit gelidos, flante Aquilone, sinus.
Nunc canet nivibus, nunc spargitur alba pruinis,
Nunc tepidi foliis veris amicta viret.
Mollia jam liquidas pandunt freta navibus undas,
Jam tener inclusas unda gelata rates.
Nunc agitant tumido venti fera prœlia Ponto,
Nunc stagnat placidis carula Tethys aquis.

Humidus effusus nunc liquitur imbris æther,
 Nunc aqueâ nitidus stat sine nube Polus.
 Nunc fragor horrifono Cœlum quatit omne ta-
 multu;
 Nunc fidet, & superas pax tenet alta plagas.
 Denique (quæ reliquos superant incommoda casus)
 Mœsta ferè in mediis vita trahenda feris.
 Quæque domus hominum, magè sunt spelæa ferarû,
 Quique homines, hominum nil nisi nomen habet.
 Scilicet insidia, fraudesque, delique triumphant,
 Nec, nisi quod rigido, jus datur ente, viget.
 Exulat hinc Pietas terrisque Astrea recessit,
 Fæque relegatum sub pedibusque jacet.
 Adde loci faciem, locus est inamabilis, & quo
 Libera vix risu solvere corda queas.
 Martius, heu! sævis ardet furor undique bellis?
 Nec numerat plures altera terra neces.
 Hostibus in mediis, inter gladiosque, facesque,
 Hæc peris arma manu, qua feris arva manu.
 Quis venit in tantis tolerare laboribus annos,
 Sortis & assiduis istibus esset copus?
 Hei mihi! decretos, jam dudum explevimus annos,
 Tempora cur fati sunt ita lenta mei?
 Tempora cum numero (numero quæ sæpius exul)
 Jure graves damnat nostra querela moras:
 Nec scio, quæ cœcas hebetent obliviam mentes,
 Omnia queis longi sunt sua vota, dies:
 Crediderim, misera nescire pericula vitæ,
 Nec quàm sit gravis hic conditio loci.
 Nam bona fiderei si nossent maxima mundi,
 Arceri patriâ se quererentur humo.
 Sed procul absentes cœlestia gaudia fallunt,
 Raraque de Cœlo nuncia rumor habet.
 Hei mihi! quam procul his distas, mea patria, terris!
 Quàm procul à Cœli finibus, exul agor?
 Exulibus quondam tellus fuit ultima Tybur;
 Me profugam fatis ultimus orbis habet,

Et nondum infaustas colui satis incola sedes,
 Squallentes tenebris, tristitiriâque domos:
 Sexta Ceres caesis quoties procumbit aristis,
 Servus ab Hebræo pilea sumit hero:
 Cur ego non etiam servili emancipor agro?
 Et rudis immunem verberare virga facit?
 Cur patriæ fines, portusque relinquere cogor;
 Nec sinor ætherios exul adire lares?
 Deserit externas peregrina Ciconia sedes,
 Inque suas revolat per mare vecta domos.
 Nuncia veris avis, nidos quoque mutat hirundo,
 Cum redit ad notos Bistonis ales agros.
 Urbe relegatus patriis Antistius oris,
 Redditus, exilii fine favente, fuit.
 Hei mihi! cognatis curexul ab arceor astris?
 Nec sinor illa meo tangere regna pede?
 Lux mea, rumpe moras, latus his habitavimus oris,
 Aut quo non potui corpore, mente ferar.





*Infelix ego homo ! quis me liberabit de
corpore mortis hujus ? Ad Rom. 7.
vers. 24.*

Quomodo vivit anima, operta mortis involucro? Ambros. Serm. 22. in Ps. 118.

VIII.

INfelix! ubi nunc bona tot. quæ perdita plango,
 Sed frustra planctu non revocando meo?
 Tot bona! quid repetis dolor? ah! meminisse nocebit:
 Amiffa cruciant, dum memorantur, opes.
 Utilius veteris fortunæ nescius esses,
 Cum mala fors fato deteriore premit.
 Passim hominum satyra est, decepti noxa parentis,
 Stultitiæ solus scilicet ille reus.
 Adam, Adam simplex; Adam, Adam uxorius audit
 Pluribus aut totidem vapulat Eva probris.
 Non ego sic sed, si gemitus finit edere vocem,
 Pars, fateor, mundi in crimine magna fui.
 Te quoque, cui primos studium damnare parentes,
 Peccati memorem convenit esse tui.
 Cum vitæ & mortis non felix alea jacta est,
 Collusor proavi dilapidantis eras.
 Credito Posteritas. Adam vos estis & Eva,
 Et vestræ pomum corripuere manus.
 Hinc nudi, gens pellicea dignissima zona,
 Et pudor & dolor, & Numinis ira sumus.
 Non querar acceptæ tot publica vulnera cladis,
 Materies elegis sum satis apta meis
 Ordior à cunis; hic mecum lacryma nata est;
 Hic docuit vitæ syllaba prima, queri.
 Mensis erat Majus, mensis gratissimus orbi,
 Sed, mea si reputem fata December erat.
 Septima lux ibat, quæ si suprema fuisset,
 In cineres issset muta quærela meos.
 Cum tandem post lactam uteri, horribilesque ulula-
 Progenies cervæ parturientis eram.

[tus,

O Ma

O Mater! scio, tunc Mater, nova facta Rebecca es,
 Tunc serus subiit virginitatis amor.
 Diriguit nutrix, pallens pater ora retorfit,
 Et eunæ in lævum procubuere latus.
 Horror, & horror erat, vox omnibus, omnibus una,
 Heu puer! heu quantis gignitur ille malis!
 Atræ dies. Ægyptiacâ dignissima nocte,
 Quâ de me licuit dicere: Natus homo est.
 Atræ dies! neque Titan neque Cynthia nox,
 Nec statura qui Cœli tempore Janus agit.
 Illa dies abeat, Gratias orsura Kalendas,
 Nullus eam cupiat mensis habere suam.
 Si redeat, redeat piceis frontem obsita nimbis;
 Et gelidam densâ grandine tunsâ caput.
 Tum tonitru & fulmen funesto ad verberet igne,
 Et sibi sic hostem noverit esse Deum.
 Sentio jam, quod fatidici plorastis amici;
 Mentitur veste clemens nulla mea.
 Tanti ante hæc soboles; lacrymis assuevimus indè,
 Indè, oculos raro deseruere meos. (chusque
 Nam postquam posita est prætexa, nuceque tra-
 Et bulla ad patrios victima facta lares.
 Tunc ego, quæ melius nescirem, discere cœpi:
 Primus erat, sortem plangere posse dolor.
 Ut vix posse datum est, sæpe oblectata fuit mens,
 Naturæ impatiens sub pede colla premi.
 Surgere sæpè adnixa, suoque irrumpere Cœlo,
 Nec potetat pigrâ tollere corpus humo.
 Tum vibrans oculos, oculos tristi imbre natantes,
 Ah superi! dixit [cætera fletus erant)
 Et rursum ah! ah! [sed per luctu sonos singultus
 Ipse sibi obstitens non finit ire dolor)
 Sic puto Rex fremuit, dum crescere cornua sensit,
 Qui bosex homine est, de bove factus homo.
 O Deus, ô superi, patientia vincitur! ô quis,
 Qui me mortali corpore solvat, erit?
 O quis erit? nostris qui cantet in auribus istud
 Quod voveo toties, illicet, & quis erit?

Ille, necaturum mihi mergat in ilia ferrum,
Pocula Theſſalico miſceat, ille favo.
Nec liquido plumbo, nec avaro terreor unco,
Mors miſeræ quâvis conditione placet.
Æratos gemitu doceam mugire juvencos,
Suppoſito quamvis excruciaſſa rogo.
Aut etiam jubeat (quanquam pudor iſta voveris)
Inter Ulyſſeos exululare lupos.
O Deus, ô ſuperi patientia vincitur! ô quis!
Qui me mortali corpore ſolvat, erit?
Parce Deus, ne crudelem vox impia jaſſet,
In furias quando præcipitata ruit.
Hic propè barbaries poterit clementia dici,
Ad pœnas veniat ſi ſtupefaſta meas.
Corpora corporibus conjunxit mortua vivis,
Ille heminem quem vix dicere fama poteſt.
Me vivum cruciat (magis hoc ferale) cadaver;
Nec, quæ diſſidium finiat, hora venit.





*Coarctor è duobus , desiderium habens
dissolvi, & esse cum Christo. Ad Phi-
lip. I. v. 23.*

Quousque hic erimus affixi? adherescimus terra, tamquam vixerimus, in cœno volutamus: corpus de terrâ nobis Deus contulit, ut ipsum & in cœlum revehamus, non ut animam per ipsum ad terram detrahamus. Chrysost. Hom. 55. ad Pop. Antiach.

IX.

Quid faciam gemini flammata cupidine voti?
 Ante feram terras? ante feramne Polum?
 Terra tenet, Cœlum revocat, lis magna moratur.
 Jamque volentem animum pondere membra
 premunt.
 Sed procul illecebræ semel impete rumpere nodum
 Præstat, & è vinclis eripuisse pedes.
 Pergite festinæ persolvere stamina Divæ,
 Nec Letho clausæ sint veniente fores.
 Aspice lux, quando luxentur brachia nisu,
 Utque fere à membris distrahar ipsa meis.
 Distrahar, ut mediam tibi me conjungere possim,
 Unaque sit saltem pars tibi nexa mei.
 Non finis: & rides nil proficientia vota,
 Quodque negas toties, vis tamen usque peti.
 Et peto, quod renuis, geminatque exporrigo palmas,
 Et tibi, quas nequeo nectere, tendo manus.
 Sæpe mihi de te mendacia dulcia fingo,
 Vincula ceu positâ compe de fracta forent:
 Et dico, meus hic, pendique, & prendere certat,
 Meque, sed ut video, dissimulanter amat.
 Tam bona credulitas erat haud indigna favore,
 Debueratque meos expedisse pedes.
 Si tamen implicitam pedicis, cupis usque teneri,
 Hic ego conatu deficiente cadam.

Ast redit, & velut allabens sese ingerit ultro,
Spemque iterum nutu sollicitante facit.

Surgam, supremumque amplexibus obvia curram,
Collaque furtiva fraude negata petam.

Quam propè! quam prope sum! vestis pars ultima
tacta est;

Jam puto vicinâ prendere posse manu,
O Amor! ô dolor! affectum deludis hiantem,
Decipit amplexus mobilis aura meos!

Et licet aut digitis tribus aut vix quatuor absis,
Semotus medio crederis orbe mihi:

Nempe Pater Pelopis sic poma fugacia caprat,
Poma datam toties fallere docta fidem.

Dummodo prona arbos patulo super incubat ori,
Osque iterum, fructu decipiente fugit.

Ludrica res Amor est, fallique & fallere gaudet,
Sed fraus supplicio non caret illa suo.

Decep'i quo te: mento crucientur amantes,
Exemplo poterit discere quisque meo:

Quisque alium ludit (sed ratum est ista fateri)
Ipse suo patitur vulnera facta dolo.

Nescieram, mea lux istis te fraudibus uti;
Sed nimis expertam jam sua poena docet.

Ut canis indomitâ jactans cervice catenas,
A populo solvi prættereunte rogat;

(Ni faciat, querulis ululans latratibus auras,
In sua convertit vincula dente furit]

Si queror, & supplex toties ad vota recurro,
Ut præstes, quam me poscere cernis, opem.

At postquam implacido vertisti lumina vultu,
Nec placuit pedibus demere vincla meis.

Clamavi ô truculentum, & inexorabile pondus!
Quin etiam dicta est sæpe catena nocens.

Hanc trahat Autolicus trahat hanc furiatus Orestes,
Aut qui tardipedes vertit in antra boves.

Sentiat hanc Scyrica damnatus rupe Prometheus;
Aut Scinis, aut seclerum qui feritate prior.

LIBER TERTIUS.

141

Scilicet à nimio venit hæc dementia luctu,
Error & hic, sese quo tueatur, habet.
Compeditus facile est sævoque ignoscere ferro,
Durior at vinclis, qui ligat illa suis.
O ubi littorea vinciam qui rupe puellam,
Bellerephon volucris rettulit ales equo?
En ego barbaricæ constringor mole catenæ,
Servus ut à rigido transfuga victus hero.
Et quoties patrias assurgere nitor in auras,
Deprimor hospitii pondere victa mei.
Nempe ita dat pueris captus ludibria passer
Dum fugit, & revocant fila reducta fugam.
Et licet è domini cœnetæve, bibatve labellis,
Mavelit in sylvas liber abire suas:
Sic quamvis nitida pastæ bene corde palumbes,
Anteferant cavæ rusque, nemusque suæ.
O mea si lacrymis mollescere vincula possent!
Dudum essent lacrymis mollia facta meis.
Lux mea, tende manus; contra tibi tendo catenas,
Has nisi, qui vinxit solvere nemo potest.





*Educ de custodia animam meam, ad con-
fitendum nomini tuo? Psalm. 141. v. 8.*

Carcere homo circumdatur, quia plerumque & virtutem profectibus ad alta exurgere nititur, & tamen carnis suæ corruptione præpeditur. S. Gregorius c.17. in c.7. Job.

X.

Libera, quæ potuit spatioso ludere Cœlo,
 Cernis, ut angusto carcere clausa premar.
 Heu dolor! ut miseras me lux effudit in auras,
 Ipsa loco caveæ membra fuere meæ.
 Pes compes, manicæque manus, nervique catenæ,
 Ossaque cancellis nexa catasta suis.
 Quo mihi cognati nativa repagula claustri,
 Damner ut hospitii carcere vincta mei?
 Siccine, more Chelys brevibus tegar abdita conchis,
 Regia cui Cœli vix satis ampla domus?
 O! quoties quæsitæ fugæ fuit ansa pudendæ?
 In votis quoties restis & unda fuit?
 Sæpe quidem rapto felix Lucretia ferro,
 Fausta que combibito Portia dicta foco est.
 Visa nec Assyriæ tristis mihi sica puellæ,
 Heu! nimis in geminas prodiga sica neces?
 Sed negat hæc animis Numen solatia captis,
 Nec sinit hâc victos fata præire via.
 Ergo Syracosis malim jacuisse cavernis,
 Aut, Danaes rigida delituisse serâ.
 Nec verear curvi Græcæ volumina septi,
 Unde citam rapuit Dædalus ala fugam.
 Profugus immeriti damnet pia claustra rigoris,
 Quæ sibi sollicitam non renuere fugam.
 Si mihi sideris pateat vel rimula testis,
 Non querar immites ætheris esse fores.
 Donec at hæc captam retinent ergastula mentem,
 Mens nequit agnati templa subire poli,

Quia

Quin sueta imperiis jacet hinc captiva voluntas,
 Nec bona quæ vellet, vincula velle sinunt.
 Euge semel nostra, mea lux, succede catastræ,
 Quantula sit nobis experiere, domus.
 Si tamen insidia, vel a hena repagula terrent,
 Fac pateat demptâ janua laxa sera.
 Captivum gemitu fertur revocasse Magistrum,
 Oblitus cavæ psittacus ipse suæ.
 Eja graves relera, nove Jan Patulcie, vectes;
 Non erit hæc dextræ gratia prima tuæ.
 Angelico, memini, patefactas impete portas,
 Claustraque suffractis dissiluisse seris;
 Cum stupuit lapsas manibus, pedibusque catenas,
 Vixque Petrus patulas credidit esse fores.
 Nullus obit nostris obses vadimonia vinclis?
 Liberat Herculeæ Thesea nullus ope?
 O! ubi nunc Minis fidiissima turba maritis
 Vincula pro captis ausa subire viris?
 Aut qui Vandalicis obses ergastula nervis,
 Ipse sui capitis iussit abire lytro?
 Lux mea, pende fores. Inamœnaque claustra resolve,
 Et sine sidereas ætheris ire vias.
 Aut spectanda tuo vis ducar præda triumpho,
 Ut Scythicus cavæ pompa Tyrannus erat?
 En manus, en digiti rimis hiscentibus extant,
 Cur ego non digitos tota manumque sequor?
 Qua caput, hac reliquæ subrepat cauda colubræ
 Cur mihi serpentis lubrica pellis abest?
 Coris obit tones volucris captiva fenestras,
 Et notat, an tacitæ rima sit ulla fugæ;
 Næraque sollicitans furtivo vimina rostro,
 Nativitas nemorum tendat adire domos.
 O Catharis, niveique polo comes agminis, Agnes;
 O casta Ursulidum, Sophiadumque cohors!
 Ves ego, dimidium vestri modo nobile restor,
 (Dimidium vestri quod sibi junxit amor)
 Pandite ferratos ergastula barbara, postes,
 Inferat ut vestris dimidiata choris.

LIBER TERTIUS.

145

Dimidium felix, vinculis socialibus exors,
 Cui licet in plenas, jam caluisse faces!
 Lux mea, tam durum residet tibi pectore ferrum.
 Ut neque captivæ commoveare prece?
 Non, sed nostræ Tu maxima causa querelæ es;
 Spectat enim laudes ista querela tuas;
 Non bene conveniunt rigidis tua carmina clathris,
 Quis queat in cavea cantibus esse locus?
 Libera quæ cantat vernis avis Attica sylvis,
 Capta filet, solitos nec ciet ore modos.
 Eja age pande fores, inamœnaque claustra resolve,
 Et sine fidereas ætheris ire vias.
 Aut tua si cupidam præconia dicere temnis,
 Invidus in laudes efficiere tuas.





*Quemadmodum desiderat cervus ad
fontes aquarum, ita desiderat anima
mea ad te, Deus. Psalm. 41. v. 2.*

LIBER TERTIUS. 147

*Salutaris nimirum aqua , quæ noxiam
hujus mundi sitim, & vitiorum ardo-
rem prorsus extinguit , sordes omnes
peccatorum eluit , anima nostra ter-
ram cœlesti imbre irrorat, atque fœ-
cundat ; & ad solum Deum anhelò
spiritu mentem humanam sitientem
reddit. Cyrill. l. 5. in Joan. c. 10.*

XI.

SCire cupis mea lux, quibus intus amoribus arat ?
Quantaque flamma tui pectora nostra coquat ?
Nec satis extulero sitientis imagine prati,
Aut violæ, nimio quæ jacet ulla die.
Nec satis æstiferæ depinxero fulmine stellæ,
Cum canis ardenti sidere torret humum.
Ah ! quam pulvereæ Libyes patiuntur arenæ,
Æstuat hæc, nostro siccior ore, sitis.
Siccior Icario quam dum canis imminet astro,
Aut violæ tosto flos cadit ustus agro.
Vis dicam, mea lux, quàm te meus ardor anhelat ?
Cervus ut irrigui fontis anhelat aquas.
Nempe venenifero passus serpente medullas,
Cervus agit totis haurita venena fibris ;
Aut humeros tincti trajectus arundine teli,
Carpitur infesta viscera tacta lue.
Ille furit pectusque citatus anhelitus urget,
Cæcæque per sylvas saucius antra petit.
Antra petit fugiens salientibus humida lymphis,
Ut sua fontano guttura rore lavet.
Hic rivi scatebris fumantia temperat ora,
Pellit & amnè sitim, pellit & amnè lueni.
Haud aliter scelerni mihi mens temerata veneno,
Tela venenata combibit uncta manu.

Et modo combibitum populatur pectora virus,
 Ardet & in tacito noxia flamma sinu.
 Nempe graves, animi sunt toxica vindicis, iræ,
 Et tua quæ jaculas tela, venena, Venus.
 Quæque gravant nimio spumantia pocula Baccho,
 Pocula, quæ diro gramine pota necant.
 Aspicias ut tumido turgescunt pectora fastu?
 Pectoribus fastus virus inane tumet.
 Quo sitiens igitur peterem de flumine lymham,
 Cum mea tam varium viscera virus edit?
 Ah! nisi te nullo sitis hæc placatur ab haustu,
 Tu potes hanc solus fonte domare sitim.
 Scis etenim, mea lux, quam te meus ardor anhelet,
 Cervus ut irrigui fontis anhelat aquas.
 Cervus odorisequi fugitivus ab ore Molossi,
 In laqueos nullo sæpe sequente ruit:
 Tum densam aspiciens venanturn hinc indè coronâ,
 Tela super, saltu corpora fertur, agens.
 Exoritur clamorque canum, strepitusq; sequentum,
 Ille fugit, tergo cornua celsa locans;
 Ambiguusque pavet, ne sit comprehensus, & ipsa
 Quæ jam præterit tela, canesque timet.
 Respectansque metu, per saxa per avia currit,
 Igneus atque illi spiritus ore micat.
 Gutturaque ardenti flagrant arentia lingua,
 Quæque sitim relevet, quarit anhelus aquam.
 Tum fontis mediis venas rimatus arenis,
 Fontano rabidam mergit in amne sitim;
 Et bibit, & potis large se proluit undis;
 Haurit & exhausto robur opemque lacu.
 Sic ego tartareis cingor, mea vita sagittis,
 Ægraque flammata torreo ora siti.
 Hinc puer Idalius, premit hinc ad retia Bacchus,
 Et multa ancipitem trudit uterque cane.
 Sublimis levis hinc suspendit Gloria casses,
 Hinc tumidus pedicis fallere tentat Honor.
 Inde cohors magnis sociorum hortatibus instat,
 Et docet exemplo crimina quisque suo.

Hei mihi! quot circum venabula stricta minantur!

Ceu fera, cum cincto clausa tenetur agro.

Mille vias repetens, infraque, supraque pererro,

Si qua mea pateant hospita lustra fugæ.

Tum mihi per siccas sitis æstuat ignea venas,

Et sensim vapidas decoquit igne fibras.

Fontis inops igitur ad flumina quæque recurro,

Flamma sed hæc nullo flumine ficta fugit,

Sic cadit obscænos miles defessus in haustus,

Sic licet infami turbida lymphâ luto.

Sperabam effossis æstum compescere rivis,

Æstus at infusæ gurgitæ crevit aquæ.

Qualis in amne levem sectatur faucibus undam

Tantalus, & fallit, quam dedit unda, fidem.

Mobilibusque inhiat deluso gutture lymphis,

Semper aquæ locuples, semper egenus aquæ.

Scilicet haud similis calor hic extinguitur haustu,

Nec domat hanc coeni turbida lymphâ sitim.

Cœlestes animus sitit insatiabilis undas,

Cervus ut irrigui fontis anhelat aquas.

Ite igitur pigro torpentia flumina stagno,


Non bibit è vili gurgite nostra sitis.

Ite graves stygiis serpentibus, ite lacunæ,

Noxia Tartareis flumina passa vadis:

Ite sitit superi dias mens fluminis undas,

Cervus ut irrigui fontis anhelat aquas.





*Quando veniam , & apparebo ante fa-
ciem Dei? Psalm. 41. v. 3.*


*Si invenis melius, quam videre faciem
Dei, illuc te præpara. Væ tali amorì
tuo, si vel suspicaris aliquid pulchrius,
quam est ille, à quo est omne pul-
chrum, quod te teneat, ne illum cogi-
tare merearis. S. August. In Psalm. 43.*

XII.

AH! quoties; mea lux, mihi seria verba dedisti?
Nulla secuta tamen seria verba fides.
Euge brevi venies, toties dixisse, recordor;
Adde fidem verbis, dic semel, Euge veni.
Heu mihi! quam longæ sunt expectantibus horæ?
Plus ævi spatium creditur una dies.
Jam, mea lux lapsi menses, tot aguntur & anni.
Spemque facis toties, spem tamen usque negas.
Quid miseram spatiis tam lentis ferreus uris?
Et toties, parvo hîc tempore, dicis eris.
Jam lacerant falsis me publica compita sannis,
Et tuus ille Deus, dic, ubi? quisque rogat.
Quando igitur veniam? quando tibi libera sistar?
Quando adstabo, oculis obvia facta tuis?
Aspicias ut misero consumat squallida luctu?
Quâ careo facies hæc mihi damna facit.
O facies animi crudele mei, tormentum!
Unica quæ præsens esse in edela potes.
O quando! facies toto spectabilis orbe,
Quando tuo dabitur lumine posse frui?
Scilicet ut gravis est terris absentia Phœbi,
Squallet & obscurus, sole latente, dies;
Nec color est hortis, nec amoenis gratia sylvis,
Jamque silent homines jamque siletis aves:
Mox ubi purpureo roseum caput extulit ore,
Lata micat radiis, luce nitente, dies;

Et suus est horris color, & sua gratia sylvis,
 Jamque strepunt homines jamq; loquuntur aves:
 Sic ego te viso, moriens, mea vita resurgo;
 Vivaque non viso protinus emorior.
 Sapè jubes alio me pascere lumina vultu,
 Multiæque conspectu corpora pulcra refers.
 Aspice prata, inquis, formosos aspice flores;
 Picta mei multum prata coloris habent.
 Aspice caruleo palantes æthere stellas;
 Hæ quoque de nostro lumine lumen habent.
 Aspice & humanis præstantia corpora formis;
 Est meus humano multus in ore decor.
 Siccine Lux nostris sperasti illudere votis,
 Fallaque supposito vendere frustra vitro?
 Non ego pelliceor mortalis imagine formæ,
 Ah mea fax facies est, mea vita, tua!
 Illa ô digna Deo facies! graves ille suavi
 Mixtus in ore timor parque timoris, amor.
 Illa supercilii majestas dia, cadentium,
 Cœlituum prono quam colit ore tremor.
 Nam quæ pars tanti ledet ulla in fronte decoris,
 Lux mea, quanta tua fronte, genisque sedet?
 Ah! neque, si faciem coeat decor omnis in unam,
 Tanta sit nilius gratia, quanta tua!
 Lux mea splendidior quanta supereminet astris
 Lucifer & quanto Cynthia Lucifero;
 Ipsaque quanto iterum superatur Cynthia Phœbo,
 Tanto formosis omnibus ore præis.
 De tribus id melius narrabit testibus unus,
 Qui tibi tum comites vertice Thabor erant;
 Cum testata Deum facies tibi flammea luxit,
 Cinxit & auratas fax radiata comas!
 Nempe aliquis tantæ captus dulcedine lucis,
 Et nimio formæ saucius igne tuæ;
 Immemor & patriæ, oblitusque sui que suorumque
 Optabat stabilis figere monte lares.
 Nec tamen augustum qualis, quantusque videri,
 Cœlitibus solitus viderat ille Deum.

Viderat aërios abhorrere vultibus ignes,
 Ut solet accenso candida mica foco.
 Viderat ardenti rutilantem vertice flammam,
 Quale laceffitum Solerefulget ebur.
 Viderat, ut placidis Lucina videris in undis,
 Cum tuus in nitidis fluctuat ardor aquis;
 Aut qualis pelago Cœli vibratur imago,
 Unda repercussum tremit igne poli.
 Quid dicturus erat, tota si luce coruscas
 Vidisset, circum tempora bina, faces?
 Quid si oculos? quid si faciem sine nube micantem?
 Quodque polo facies lumen utroque jacet?
 Quando erit ille dies, mea lux, rex ille dierum,
 Numinis Ambrosio cum sinar ore frui!
 Sæpe quidem vestros specto sub imagine vultus,
 Cum vultus obeunt spica, merumque tuos.
 Magna equidem fateor, tamen imperfecta voluptas,
 Pro facie, faciem nube regente frui:
 At mihi mens alio stimolata cupidine flagrat,
 Ardet & innubes læta videre genas.
 Quando erit ergo dies, cum te, sine nube videbo?
 Impedient faciem vela nec ulla tuam?
 Solaque, quæ fueras animo libata voluptas,
 Tandem oculis etiam percipere meis?
 Illa dies, fausto si quando affullerit astro,
 Juro, erit his oculis carior illa dies.





*Quis dabit mihi pennas, sicut columba, &
volabo, & requiescam? Psal. 54. v. 7.*

*Volare non potest, nisi quod purum, leve,
atque subtile est, cuius nec sinceritas
intemperantiâ retardatur, nec ala-
critas, vel velocitas mole gravatur.
Ambros. serm. 70.*

XIII.

Magne opifex rerum, generis mortalis origo,
Corpora nostra tua sunt fabricata manu.
Si tamen adversis liceat contendere verbis,
Quos habeant navos corpora nostra, querar.
In tria jus homini vastissima regna dedisti;
In maria in terras ætheriasque domus:
Tanta sed ut justis tria regna gubernet habenis,
Non quantum hæc possit machina robur habet?
Parce, parum timide temeraria verba loquenti,
Plus operi vitii, quam reputetur, ineit.
Morus abesse homini, fertur, doluisse fenestram,
Cætera tam nitida membra probasse domus:
Sed fueritne foris, fueritne foraminis usus,
Lis erit arbitrio, Mæmæ, secunda tuo.
Officit humana, me iudice, turpius adi,
Nulla quod obsequi in squamma vel ala ferat.
Non quod opus squammis, ut terra regatur & alis:
Imperium terræ squamma nec ala iuvat.
Sed simul ætherias homo cum moderetur habentis,
Et simul æquorea carula sceptrâ plagâ;
Quâ nisi sint pinna, tumidas reget arte procellas?
Quâ nisi sint penna, nubila lege premet?
Ut volet, æria volucris petir ardua, penna;
Piscis ut æquoraret, squammea pinna facit.
Sed neque pinna vices homini, neque penna mini-
strat,
Et simul hic fluctus & simul astra reget?
Nec pelago piscis, neque nubibus imperat ales,
Cur opus his, penna, remigloque fuit?

Sulcet ingenii minus orbis & artis haberet,
 Nil streperet pennis stridula musca suis.
 Nec stabili geminus penderet cardine mundus,
 Bina nisi querulas ala moveret apes.
 Qui d, quod & in triplici, volucrum vilissime, regno,
 Principis instar, iter Mergæ natator, agas:
 Et modo gramineâ pedes expatieris in herba;
 Mox avis; alta petas; mox freta Nauta feces.
 Quin potius triplicis cessit tibi regia mundi,
 Per tria qui pennis hospita regna volas?
 Aut tria si fuerint hominis loca credita curæ;
 Cur homini triplici non licet ire via?
 Carulus æquorei Nereus pater ipse profundi,
 Non nisi squammigeris currere fertur equis;
 Juppiter aerium qui flectere fingitur orbem,
 Ætheris, ipse vehens alite; carpit iter.
 Nec levitas hominem celeri fert plumea penna;
 Nec liquidas pinna remige findit aquas.
 Et flectet geminum justis sine viribus orbem,
 Æthere factus avis, factus in anime ratis?
 Ut tamen nudifragæ careat moderamine pinnae,
 (Plurima cum pinnis corpora cassa natant)
 At sine præpetibus nulli patet ardua pennis,
 Quæ pater aligero Regia sola gregi:
 © I liceat vacuas mihi tollere corpus in auras,
 Atque fidereæ visere regna plagæ!
 Aspice, quos inter jaceat mea patria mores,
 Indignus patriæ nomen habere locus.
 Aspice nec quod anem volucres mirabere pennas,
 Me gravior quàm quæ Perseæ causa movet.
 Pegaseis utinam rapiar super æthera plantis,
 Aut moveat volucres Perseos ala pedes!
 Aut agiles humeris aptes mihi Dædale, ceras
 Icaris quamvis fabula labar aquis!
 Aut lapsas agitem pennato pectore plumas;
 Quas vulsit vario picta columba sinu!
 Astra columbinis meditabor protinus alis,
 Et ferar ante tuam Juppiter ales avem.

O stultæ volucres gens nata palustribus ulnis,
 Sueta cavernosos turba natata lacus!
 Non ego si vestras mihi Dædalus applicet alas,
 Littora, vel scopulos imaque sexa legam.
 Non ego flumineæ volitem levis accola ripæ,
 Aut mea percussas penna flagellet aquas.
 Non mea torpentes circumvolet ala paludes,
 Ut propior segnes radit hirundo lacus.
 Non mea, ceu mœstis Ceyx dum plangitur undis,
 Humida vicino se lavet ala freto.
 Persequar ætherium sublimior ales Olympum,
 Altaque mox solitis nisibus astra petam.
 O quondam felix hominum modo turba volucrum,
 Quos amor in celeres iraque vertit aves:
 Cur mea non capiunt agiles quoque brachia plumas,
 Induit aut motas hispida penna manus?
 Quot ludunt liquidis examina plumea campis,
 Aligeroquesecant nubila celsa pede;
 Si mihi Nile tuo plumescant brachia fato,
 Crurave Scyllæis vestiatur hirta comis,
 Si levis Aonio fierem certamine pica,
 Aut Cytheræa, tua verterer ales ave;
 O! mea si tangant aliquod suspiria Numen,
 Mutet, ut in pennas, casta columba, tuas!
 Scilicet advectâ ceu Chaonias ales oliuæ
 Repperiit notæ testâ Noea ratis;
 Protinus aligeris raperet super æthera velis,
 Nostra nec has iterum viseret ala plagas.

* *

*



*Quam dilecta tabernacula tua, Domine
virtutum! concupiscit. & deficit anima
mea in atria Domini. Psalm. 83. v. 3.*

O Anima! quid dicere valeo, cum futurum gaudium adspicio? jam pœnè præ admiratione deficio, quia gaudium erit intus, & extra subtus, & supra; circum & circa. Bonavent. soliloq. c. 4.

XIV.

O Qui fidereas ducis fortissime turmas,
 Qui cingunt decies millea mille latus!
 Quàm tua Regifico radiant Prætoria luxu!
 Mens stupet, & tantæ languet amore domus.
 Moenia Tænariorum defendunt marmore muros,
 Limina sunt parius portaque celsa lapis.
 Vestibulo rutilant adamantum lumine valvæ,
 Amplaque magnificus culmina splendor habet.
 Fulgurat excelsas fulvum laquearibus aurum,
 Et camera aurata cedrina fulta trabe.
 Tectum augustum ingens gemmisq; auroq; superbū;
 Quale putes ipsum posse decere Deum.
 Stratus humi calcatur onyx, vitreique plateas,
 Stellarum fundant marmora fulva globi.
 Jam sua temperies placido mitissima Cœlo est;
 Qualis ubi vernis aura tepet Zephyris;
 Nec glacialis hiems tremulo pede pulsat Olympum,
 Istæ nec hiberna grandine tecta sonant;
 Nec pallent visæ moritura sole pruinae,
 Nec stant marmoreo flumina vincta gelu;
 Nec coquit æstivi Cererem juba sæva Leonis,
 Solstitii medius nec furit igne dies.
 Nec viridis foliis sanguis fœtore recedit,
 Nec tostus nimio sole fatiscit ager.
 Perpetuum ver astra colant, fugiuntque caloremque
 Inter Cœlicolæ tempora veris agunt.
 Qui fidereas habitas Rex maxime, sedes,
 Quam tua præ terris invidiosa domus!

Quin

Quin absunt gelidi brumæ intractabilis imbres,
 Quique rigat madidos imbrifer hœdus agros;
 Æoliæque silent animæ tranquilla per alta,
 Quasque nec venti murmure spica tremit.
 Stat placidus positus Aquilonum flatibus æther,
 Servat & æternus longa serena tenor.
 Sed neq; flammantes liquido lavat æquore currus,
 Nec subit occiduas Sol fugitivus aquas.
 Nec premit æstra dies, neque Sol fugat æthere stellas,
 Nec premitur lassus nocte fugante dies.
 Nulla polos tacitis nox obruit atra tenebris,
 Nigraque subducto somnia sole vocat.
 Exulat æthereis longe nox horrida terris,
 Et nitet æterno lumine clara dies:
 Clara dies, jucunda dies, septemplique Phœbi
 Fulmineam nostri lampada luce premens.
 O qui fidereas habitas Rex maxime, sedes,
 Quam tua præ terris invidiosa domus!
 Solicitæ procul hinc posuere cubilia curæ,
 Et metus, & tristi luridus ore dolor;
 Et caput atrato luctus velatus amictu
 Lessus & impexis nœnia mœsta comis.
 Et labor & toto gemitus proscriptus Olympo,
 Et lis, & rabidi jurgia rauca fori,
 Rixæque, invidiæque, cruentaque sanguine! bella,
 Monstraque quæ secum plurima bella trahunt.
 Pauperies, febrisque famesque, sitisque, luesque,
 Quæque sequi solitæ Martia castra neces.
 Hic clausæ Bello portæ & sine militis armis,
 Otia Coelicolæ mollia pacis agunt.
 Non galeæ, non scuta micant non classica clangunt,
 Mitescunt positæ aurea sæcla tubis.
 Tabificique absunt examina pallida, morbi,
 Quæque cohors lætho prævia sternit iter.
 Quin etiam Letho interdictum mœnibus urbis,
 Nec quicquam in Superum corpora juris habet,
 Latitiæ data cura domus, quæ sedula ætæ
 Elysi longe unibus arcet agri.

Instruit

Instruit auratis convivium Regia mensis.

Quas recreant festis gaudia sancta jocis.

Non, quia Cœlicolæ dapibus jejunia solvant,

Aut ullus Superum proluat ore liquor.

Absque epulis hic omnis amor compressus edendi,

Omnis & absque meri munere pulsa sitis.

Non istis temerant Superi convivium mensis,

Aut Regio similes suggerit illa dapes.

Elysium sine carne epulas Bacchoque ministrat,

Cœlicolumque venit nullus in ora cibus.

Cœlestes onerant incognita fercula lances,

Quales nemo Hominum contigit ore cibos.

Ambrosiæ, Superos hilarat, quis nescio, succus,

Dius & ætherio nectare potus alit;

Sicque super strato ætherum discumbitur ostro,

Gaudet & auratis gens epulata toris.

Gaudet & Angelicos placidis bibit auribus hym-
nos.

Et salit & rutilam sub pede plaudit humum.

O qui sidereas habitas Rex maxime sedes,

Quot tua deliciis affluit illa domus!

Jam flagrat & studio nimis inflammata videndi

Mens desiderio deficit ægra suo.





*Fuge, Dilecte mi, & assimulare caprea ,
hinnuloque cervorum super montes a-
romatum. Cant.8.v.14.*

*Hortatur (Anima) ut fugiat sponsus, quia
jam sequi potest etiam ipsa terrena fi-
gientem. Ambros. De bon. Mort. c. 5.*

XV.

O Cuius aspectu, mea lux te proripe nostro ;
Ardeo, nec tantas mens capit ista faces.
O mala, quæ dudum timui tibi dicere verba!
Quam mea Lux, mallem dicere posse, mane.
Non etenim tua me præsentia tempore lassat,
Ah! sine te gravis est qualibet hora mihi.
Sed prohibent nimis incendia dulcia flammis,
Vel fuge, vel nocuam, Lux mea, conde facem.
Hæc mihi Tu, fateor, si iussu aliquando dedisses ,
Exanimis misero lapsa dolore forem.
Parce jubet savis Amor ignibus, haud ego mando,
Stare velim totos in mea vota dies:
Si possem, cuperem non persuadere, quod horreo,
Si potes, invitas aure repelle preces.
Ergo mane, mea lux monitis neque flectere nostris:
Nec, precor, audieris, quæ modo iussu dedi.
Trans mare præcipientes rapiant verba irrita Cauri ,
Non mea sed stolidi verba fuere metus.
At prohibet rapidus fibras qui pascitur ardor.
Æstuo, nec tantas mens capit ista faces.
Ergo fuge, & celeres pedibus præverte capellas,
Antevola cervos, antevola hinnuleos.
Sed fuge respiciens tamquam discedere nolles,
Ut qui spectari, dum fugit, ante cupit.
Dius in Ephremi cum pectore ferveret ignis;
Non ego par flammæ quin fugis inquit, Amor?
Ille triumphato clarus Xaverius Indo,
Saucius ætheriâ pectora sæpe face ;
Cœlestis quoties ardebat arundinis ignis,
An satis est, satis est! dicere suetus erat.

Cum

Cum flagrat Juvenis sceptri laus magna Poloni,
 Corda rigat gelidis Stanesilaus aquis.
 Quid mea pectoribus compono pectora tantis?
 Non ego sum toti, lux mea par pharetræ.
 Carpe fugam, pedibusque leves præverte capellas,
 Ante vola cervos, antevola hinnuleos.
 En juga vicino coelos tangentia clivo,
 Thoris ubi, madido cortice gutta tumet;
 Cedrus ubi, Laurusque; & copia plurima Myrthæ,
 Mixtaque puniceis Cynnama lata crocis.
 Huc fuge pennigeris super alta cacumina plantis,
 Sed tua Mons Amanæ Libanæ sive tua?
 Alta super juvenum fastigia Seraphicorum.
 Cherubicosque apices Astraque summa super.
 Scilicet insoliti non sunt his montibus ignes,
 Pectora quos imis vallibus ista timent.
 Una potest flammare meas scintilla medullas,
 Non ego par totas lux mea ferre faces.
 Carpe fugam, pedibusque leves præverte capellæ,
 Antevola cervos, antevola hinnuleos.
 Sic tamen ut fugiens oculis huc sæpe recurras,
 Longius aspectu neve vagere meo.
 Qualis at oppositum spectat soror aurea Phœbum,
 Cum plus de radiis, quo magis distat, habet,
 Parce, suas vires, mea lux vitiumque fatenti,
 Nec tecum possum vivere, nec sine te.
 Ardeo si properas, rigeo si fugeris; hei mi!
 Et procul & præsens, igne geluque nocet!
 Quid facies, mea lux sine te non esse valenti?
 Fac caleam toro non tamen igne cremor.
 Ergo fuge, alipedesque celer præverte capellas,
 Antevola cervos, antevola hinnuleos.
 Interea viridem fabricabor arundine cannam,
 Et referet laudes fistula facta tuas.
 Post ubi vox longo modulamine fassa silebit,
 Ore silente novum dextra capeffet opus.
 Arboribusque meos solusque inculpet amores;
 Amorumque uno cortice nomen erit.

Scripta-

LIBER TERTIUS.

165

Scriptaque prateriens ne noscat signa viator ,
Littera confutum nomen utrumque teget.
Post opus hoc; reliquæ si quæ super hora diei,
Illa mihi in somnos hora quietis erit.
Sic tamen, ut vestri sit mixtus imagine somnus,
Et mihi stes clausos pervigil ante oculos ,
Dum loquor, en tacitis gliscunt incendia flammis,
Ocyusingratam lux mea carpe fugam.
Carpe fugam, veluti cuperes tamen ante videri,
Utque brevis redeas, non Tibi dico Vale.

F I N I S.



UNI-

UNIVERSO

GENERI

HUMANO

AD

TERROREM,

AD

SALUTEM.

I. LESSUS

Mortualis.

MATTHÆI

II. CRISIS,

feu Tribunal
ultimum.

Raderi.

III. ÆTERNA

Inferorum Su-
plicitia.

IV. ÆTERNA

Beatorum
gaudia.

JOANNIS

Niesl.

ODE

ODE PRIMA.

LESSUS

MORTUALIS.

*O mors! quam amara est memoria tua homini
pacem habenti in substantiis suis. Eccl. 41,
v. 1.*

I. **O** Solis aureum jubar,
Argenteumque Lunæ!
Valete mundi lumina,
Minimumque maximumque,

Quod millies renascitur,
Quod millies senescit
Lux occidit, nox incubat;
Somnus vocat, SED ALTUS.

H. Valere turba Siderum,
Hyadesque, Pleiadesque,
Et quotquot axem pingitis
Tot ignium figuris.

Pinu Duces volantibus
Per alta terga Ponti

Lucete porro cæteris,
SUNT RUPTA VELA NOBIS.

III. Et vos vireta NAJADUM,
Pruteta, & arboreta;
Pictique Campi floribus,
Horrique VERÈ lætis;

Et lenis undæ murmura ,

Et turturum querelæ.

Valete, *Parca* vellicat,

Est danda pausa vitæ.

IV. Quaterna rerum corpora

Satu valete foeta,

Et quicquid inde nascitur

Undas supra vel intra;

Et quæ jacent, & quæ tument,

profunda, plana, celsa;

Et quicquid infra NUMEN est,

salve, valeque, CEDO.

V. Horrenda mors, tremenda mors

Telo minax & arcu,

Fatale torquet spiculum,

Nulla quod arte vites,

Ut fumus evanescimus ,

Eliminamur omnes.

Abibis hinc, fulgentibus

Non flectitur metallis.

VI. Simul fores pul saverit,

Jube valere vitam;

Amica turba deferet

Te castra deferentem,

Intrabis exclusissimus

Iter tenebricosum.

Tecum feres, quod egeris ;

Non auferes, quadrantem.

VII. Genæ rigebunt cereæ,

Fax luminum fatiscet;

Nec pectus eluctabitur,

In ore vox dehiscet;

Laudata forma concidet,

Arte-

Gelu madebis horrid)

Obsessus à Charonte

VIII. Te lectus uret anxius,

Curis cor exedetur.

Cui vita vivens dictus es,

Defunctus ipsa mors es.

Avere te, qui nullies

Jussit, jubet valere,

Postesque furtim transvolat,

Quos ante basiahat.

IX. Pestem creabis naribus,

A te fugabis omnes ;

Obsepientur ostia

Orisque nariumque ,

Foras, foras, propera foras

Catharma, pestis , horror.

Opertus altum dormies

Inter strepente nullo.

X. Propè ante mortem mortuus,

Cadaver efferere :

Lamenta erunt solatio

Uxoris ac Nepotum.

Cras lachrymæ, te condito,

Vertentur in cachinnos :

Sed tu subi scrobem, subi ;

Hæc fossa sorbet orbem.

XI. Specum jacentis incolunt

Venena, bufo, vermes :

Hos aulicos , hæc aula fert,

Hos gratus imperabis.

Tributa pendes vermibus,

Stipendiumque blattis :

Fas his erit grassarier

Per ossium medullas

N

XII.

- XII. Cognata gentis atria
 Mox finient dolorem;
 Semestre ducent lugubre,
 Vertentque mox colorem,
 Levem precata cespitem,
 Perenne te filebunt,
 Hæres talenta dividet,
 Te dividet lacertæ.
 XIII. Vertente Capri fidere,
 Pulvis cinisque fies,
 Viator ossa transiens
 Scitabitur, quis hic est?
 Hiant cavernæ luminum,
 Exenterata calva est.
 Calcata costa truditur,
 Deletus excidisti.
 XIV. IGNOTA LUX EST ULTIMA,
 Quam nullus auguratur,
 Cum Parca cædit januam,
 Est pessulus trahendus;
 Natos Avosque surripit,
 Ut fors, & atra fors fert;
 Sceptrisque Reges exuit
 Et cogit esse plebem.
 XV. Ex invidenda regia
 Pressâ fereris arcâ,
 Laqueare nares fulcient,
 Gens Christiana pensa.
 Par primus hic fit ultimis:
 Stat Croesus inter Iros,

Una tumet diecula,

Mox aura diffiat aulas.

XVI. Cui regna vectigalia,

Relinquis & Quirites?

Ebur tuum fert exulem;

Ferunt, tacentque cives.

Arces, & alta turrium

Effossa subruuntur:

Sub mole tu ludibrium

Depasceris colubris.

XVII. Mors ergo cum te mersuit

Jam nemo te requirit,

Amatus es, dum visus es,

Paroemiam revolve,

Amica tecum nomina

Morientur & regentur.

Quid heu! quid has affanias

Excordium petessis?

XVIII. Suspenso adest vestigio

Lavernionis instar:

Exire cujus aleam

Nec vi datur nec arte,

Propinat atra toxica,

Nolis, velis; bibenda,

Mors est inexorabilis,

NON CONSULIS FUTURIS?

XIX. Frons; ô cadaverosa frons

Mentita mille larvas,

Adhucne Fronti creditis?

Fallit, cavete, fallit;

Qui fidit illi perfidæ,

Post damna sero flebit,

Ditis coquere sulphure,

Tibi Venus placebit?

XX. Quid si tibi suprema lux

Hæc fulsit occidenti?

Ne lude plebs hæc omina,

Virtutis esto cultrix,

Hæc ipsa lux quot abstulit

Qui secla cogitabant?

Sol occidentes ante se

Miratur isse ad orcum.

XXI. Nonne ergo pernox, perdius

Constanter excubabis?

Ut, mors ineluctabilis

Si congredi minetur,

Interritus compareas

Promptus subire luctam.

Si morte victus occides,

Adibis astra victor.

XXII. Contemne quicquid conditum,

Amaque Conditorem,

Quod perdis hîc; ibi invenis;

Jactura nulla turbet,

Emancipa te Numini,

Curâ solutus omni:

Salvum Deus, quid ambigis?

Summa locabit arce.

XXIII. Qui primus hoc odarium

Flevitque, condiditque,

Quotidiana funera

Toto revolvit ævo;

Idemque dudum pulvis est,

Fato suo sepultus:

Sequere (vâsa collige)

Aut primus, aut secundus.

ODE SECUNDA. C R I S I S ,

Sive ultimum Tribunal.

Inixa est dies Domini magnus . juxta est & velox nimis. Vox diei Domini amara, tribulabitur ibi fortu. Dies ira dies illa, dies tribulationis & angustia, dies calamitatis & miseria . dies tenebrarum & caliginis, dies nebula & turbine, dies tuba & clangoris. Sophon. i. v. 14. 15. 6.

I. **A** Deste Mundi Præsides,

Mitræque, purpuræque,

Adeste Regum fasciæ ,

Et fascium secures ;

Adeste vivi, mortui,

Olinque nascituri ;

Carmen fero plorabile,

Audite fata Mundi.

II. Luctante mecum spiritu,

Hulca trudo verba ;

Protrusa mox resorbeo,

Reciprocante lingua :

Ruunt per ora flumina,

Æstuq; de lacrimarum

Procul, procul delitia

Mundi procul cachinni.

III. Quocunque verto lumina,

Squalore cuncta marcent,

Extincta lugent sidera ,

Et siderum choragi,

A Sole Sol defectus est,

Caretque luce Luna.

Ponti fremunt Ceraunia

Cemit, tromitque Tellus.

IV. Caudes & antra mugiunt,

Et saxa colliquefcunt:

Lambunt faces incendii

Æterna templa Cœli;

Mundi crepant fundamina,

Urbes jacent & arces:

Damnata gens mortalium

Rogo crematur uno.

V. Mœſto pavet ſilentio

Cinis ſepultus orbis

Nox alta incœret, nulla vox

Sonatve murmuratve;

Non æthra ſentit alitem,

Non rugiunt leones,

Latrator ipſe conticet,

Non mugiunt triones.

VI. Regina mortualium

Armata falce Parca

Jam funus unum duxerat

Et gentium ruinis,

Per oſſa victrix arida

Inceſſerat ſuperba,

Deamque ſe jactaverat

Deo potentioſorem.

VII. Repente clangit buccina

Sonoribus tremendis:

ARCHISTRATEGUS ætheris

Frigentiumque prætor,

Quatit potenti Numine

Tumbas, & excit umbras:

Prodite Manes, currite

Ad ultimum Tribunal.

VIII. Hic ô novum spectaculum!

Spectaculum pavendum!

Tellus movet tremoribus

Novis inusitatis,

Et parturit, quod sæculis

Tot fovit inter alvum.

Animantur ossa flamine,

Et vestiuntur artus;

IX. Sed fronte prorsus impari,

Et impari decore,

Hic monstruoso vertice,

Vultuque tortuoso;

Sed oris ille gloria

Gemmata vincit astra,

Et vincit usque septies

Fulgore solis ortum.

X. Olympus ecce panditur,

Discedit omne Cœlum;

Prætoriana proruit

Phalanx ab arce Mundi:

Millena supra millies

(Si tota castra lustres)

Putabis ex parvissimo

Censu triariorum.

XI. En primipilus Numinis

Præfert tribale signum,

Signum salutis inclitum:

A quo Deus pependit,

Elisa- cuius cornibus

Est iussa mors moriri:

Et fracta vis Plutonia,

Et capta Regna Ditis.

H 4

XII.

XII. Dictator Immortalium

Scandit tribunal arcus :

Tremore nutant sidera ;

Inæstuatque tellus

Horrore pallent tartara,

Infrague mille montes

Quærant chaos profundius ,

Ob Numinis furorem.

XIII. Sed fas abesse nemini

In Orbis hoc Theatro ;

Cœli vacant prætoria

Stipantque judicantem,

Patent hiatus inferi,

Cernuntque fulminantem :

Adfunt Adami proximi

Et ultimi Nepotes.

XIV. Hic pectorum lararia

Reclusa perleguntur ,

Et libripendes Numinis

Imis reposita mandris ;

Promunt, & arctè pensitant

Consulta, dicta, facta ,

Et iusta cunctis præmia

Laboribus reponunt.

XV. Delectus hinc decernitur

Ab impiis Piorum ,

Mittuntur alæ Cælitum,

Ut evocent Beatos !

Ruunt Tribunal Numinis

In agminum phalangas,

Sistuntque latos dexteram

Ad Præidentis oram.

XVI. Clamore montes intonant

A Supplicum querelis :

Affectat astra proximus,

Segnisque strenuusque:

Aurata plorant veliera,

Lacerna trita ridet;

Arcetur hircus contumax,

Minus leguntur agni.

XVII. O Scena lamentabilis!

O flebilis cothurnus!

Non fyra vidit tristius

Æterna Ditis umbra:

Ad Candidatos ætheris

Jubentur ire Nati;

Ad spectra Dira Cerberi

Jubentur ire Patres.

XVIII. Patres vicissim perditis

Volant ad astra Natis,

Maritus inter fidera

Hirquos stat inter Uxor,

Stat Uxor inter fidera,

Maritus inter Hirquos:

Quos lectus unus junxerat,

Disjungit acta vita.

XIX. Sic à propinquo sanguine

Sanguis fugit propinquus;

Sic frater à dulcissima

Avellitur sorore;

Nec fratris execrabilis

Luctu soror movetur.

Rident BEATI lacrymas

Post fata serò fufas.

XX. Ergo tributis classibus

Piorum & Impiorum:

H 5

Videtur

Victrix triumphat natio

Dextramque Regis ambit ,
Funesta fex, & stulta plebs ,
Sortem gemunt sinistram ;
Sublimis illa tollitur ,
Mersatur hæc profundo.

XXI. Supremus infit Arbiter

Alto fremens ab arcu ,
Mox attonantur omnia ,
Stupetque mutus Orbis.
Pavent cruenti Julii ,
Dirique Juliani :

Ipsi tremunt innoxii
Ob judicantis iras.

XXII. Sed hos amico lumine

Affatur Imperator ,
Jubetque tutos fidere
Certos beatitatis :
Monstratque cœli regiam ,
Sedesque destinatas
Infantibus, quas invidet
Infausta fors nocentum.

XXIII. Mox fulminantis impetus

Retortus in scelestos
Tonat fremente pectore
Dirumque THETA promit.

Tellus reclude viscera ,
Gentem vora nocentem ,

Abite detestabiles
In Tartari barathrum.

XXIV. Rodebat intus viscera

Fames atrox, rogabam

Micam quadra vel unicam,

Micam unicam negastis;

Vos helliones interim

Toto ore devorastis

Urbes, agros, provincias,

Ergo ITE, & ESURITE.

XXV. Nam ventribus turgentibus,

Abdomini litastis,

Codros, & iros ultimos

Ab atriis remostis;

Quidquid volat, quidquid natat

In ventre condidistis:

Ergo Phagones incliti

ABITE, & ESURITE.

XXVI. Arentibus cum faucibus

Ardens siti æstuarem,

Quis proximis è fontibus

Nostram sitim levavit?

Nec urceum, nec cirneam,

Guttamve præbuiistis.

Exarui; recedite

Cum Tantalò SITITE.

XXVII. Nam vos Bibones incliti

Tricongii nepotes

Siccastis omnes amphoras,

Cadosque, culcosque;

Noster sitivit Lazarus

Nec styriam dedistis.

Arete nunc, ardete nunc,

Totum sitite PONTUM.

XXVIII. Nudus rigebam frigore,

Gelante Capricorno;

Non lana, non me vellera,

Non lina confovebant;

Risistis ante limina

Me vestra palpitantem,

Nec texit ullus penula

Glacie poloque tectum.

XXIX. Vos interim tot firmata,

Pallæque vestiebant,

Tot Cyclades, tot institæ,

Togæ tot, & theristra,

Tot syntheses, tot gausapa,

Epomides, lacernæ;

Nunc sorte versa plangite,

Nudique palpite.

XXX. Compactus atro ergastulo

Vita periclitabar,

Quamvis forem non noxius,

Sed indigus Patroni,

Quis expedivit vinculis?

Quis solvit innocentem?

In Tartarum descendite

Et Ditis in catastram.

XXXI. Cum lectulo decumberem,

Doloribusque victus

Opem tuam reposcerem,

Opem mihi negasti,

Sic concidi, sic occidi,

Nullo levante morbum;

In lectulo nunc flammæo

Plorabis & flagrabis.

XXXII. Si vis medendi docuit

Et ferre opem nequisti,

Affatibus me dulcibus

Curare debuisti.

Sed tu jacentem ferreus

Ægrumque transisti ;

O rupe dura durior

Abi scelus, PERISTI.

XXXIII. Ignotus hospes veneram

Exclusus urbe & orbe,

Accesseram mapalia,

Et candidus pruinâ

Locum ultimum sub tegula,

Frustra tamen, petivi.

Adhucne quæris sidera,

Mox hauriendus Orco ?

XXXIV. Nonne Advenas excluseras,

Eliminaverasque ?

Quamvis rigerent frigore,

sedibus carerent,

Tu lectulo sub plumulis

Pigrum latus fovebas :

I nunc beatior s

Æternus exul aulæ.

XXXV. Et vos abite in Tartara ,

Qui simplices tribules

Avernatis tramite

Per improbas loquelas,

Strophas per atque antistrophas

Traxistis in barathrum.

Ad Cerberum descendite ,

Vestrum sit hoc minerval.

XXXVI. Tu Latro, tu Trifurcifer ,

Tu Virginum Stuprator,

Gens execrata adulteri,

Etturba turpis, omnes

Ad antra Ditis pergite

Et usq; & usq; fiete,

Purgate Mundum sordibus.

Stupris tot inquinatum.

XXXVII. Et vos profana secula,

Qui saxa, monstra, truncos;

Larvasque mille Dæmonum

Coluistis & Draconum;

Et Conditorem fiderum

Et orbis Architectum

Tempistis, hinc faceffite

Acherontici Cyclopes,

XXXIX. Hostes abite Numinis

Abite perduelles;

Tas omne damnat impios,

Recedite impiati.

Damnata conscientia

Vos urget, ite, abite,

Orcique flammæ pascite

In æviternitatem.

XXXIX. O fata funestissima!

Abitur, heu! abitur,

Et itur in voragines

Ardentium focorum!

Ætnea flant incendia

Et hauriunt nocentes

Confossa spes, occisa res,

I stulta pompa Mundi

XI. Hæc mille vates millies

Canuntque præcinuntque:

Sed quis movetur vatibus,

Oraculisque vatum?

Perinde passim vivitur,

Ceu nulla mors sequatur,

Potatur, estur, luditur,

Peritur, interitur.



ODE TERTIA.

ÆTERNA INFERORUM SUPPLICIA.

Quis poterit habitare de vobis cum Igne devorante ? quis habitabit ex vobis cum ardoribus sempiternis ? Isai 33. vers. 14.

I. **H**ate fauces TARTARI,
Æternitatis antra ;
Et vos triformis Cerberi
Rupti patete clathri ;
Monstranda MUNDO Crimina,
Et criminum patroni ;
Prodenda nox tristissima
Et noctis inquilini.

II. Quid, penna, cessas scribere ?
Tu Musa dictitare ?
Quid os abhortes dicere ?
Tu mens perambulare ?
Probroſa regna Tænari,
Proserpinæ culinas ,

Fer-

Ferri crepumque caicerem,
Furoris officinas?

III. Prodi foras ANACREON

Prodi, Poeta prodi:
Et quas ad ORCUM sustines
Non somniando pœnas,
Exempla da mortalibus,

Tuo figata nervo.
CANTARE quod si displicet,
PLORARE jam licebit.

IV. Immane pandit ostium

Telluris umbilicus,
Quod ducit in vastissimam
Cruditatis ARCEM:

Et hanc tametsi ferrei
Non clauderent labores
Esset tamen vel proprio
Sat pestulata fato.

V. Foris cubant ad singulas
Formosa monstra portas,

Quæ transeunt illic
Docent perire palpo:
CRATERA fundunt aureum,
Sed tox con refundunt:

Libas? subire cogeris
Hæc NAVIS est Charontis.

VI. Typho tumet SUPERBIA,

Librat CUPIDO tela:
LUXUS movet pomæria,
Effrons obardet IRA:
Tristatur ÆMULATIO;

Discinditur SIMULTAS,
Latatur IMMODESTIA,
MENDACIUM perorat.

VII. LIVOR ciet tyrannidem,
 EDACITAS orexin;
 VETERNUS odit indolem,
 DICACITAS Timorem;
 Stat fixa CONTUMACIA,
 VIS Legibus potitur;
 Hæ sunt nigri Piraticæ
 Custodiæ BARATHRI.

VIII. Et verò præda nescios
 ismul dedit lacertos,
 Homo simul feralibus
 Se vendidit MEGÆRIS;
 Heu! ducitur tam nobilis,
 Heu! ducitur cremanda
 IMAGO magni NUMINIS,
 Vivis cremanda flammis.

IX. Scrobs hirriente cardine
 Et hinc & hinc dehiscit,
 Factoque vix divortio
 Pestem revelat omnem,
 Tantusque tendit horridum
 Despectus in profundum,
 Ab Arctico contrarius
 Quantum recessit AXIS.

X. In hoc ter illætabili
 Omnes habent recessu
 Quos virulentus criminis
 Inebriavit haustus;
 Nec ante Regis ultimum
 Minoii Tribunal
 In se piacularibus
 Ulti fuere pœnis.

XI. Vestras filete fabulas
 Graiique, Romulique:

Sub VERITATE vivimus,

Nil fingimus Nepotes.

Non vox mihi si ferrea,

Sexcenta sint & ora,

Tanti chaos vel unicum

Sat explicem LABOREM.

XII. Hydræ sedent in limine,

Bicorporesque Scyllæ :

Cinctæque flammis undique

Dentes movent Chimæaræ,

Mortem minantur omnia

Barritus, Hostis, Arma.

Fit pugna pro FEROCIA,

CRUDELITAS triumphat.

XIII. Pars expeditis vestibus

Circumfremunt & harpis:

Pars compedes Pyracmonis

Brontæ rotant labores,

Pars æreis improvidos

Longuriis inuncant,

Pars involant, & horridis

Intro trahunt capillis.

XIV, O flebilis mortalium

Vicissitudo rerum !

Quos ante torques aurei,

Quos cinxerant Pyropi,

Quos insecuta sarmata,

Longique sunt elenchi :

Nunc Gorgones, nunc Cenchrides,

Nunc ambiunt Dracones.

XV. Armilla cedit viperæ,

Collare sunt catastræ :

Investe tergum nauticis

Occalluit Camelis;

Stant

Stant, & stupent: nec sentiunt

Quod sentiunt SCELESTI.

Obtuhiores marmore,

Ferroque crudiores.

XVI. Ethos, ubi Plutonium

Jam diripit Satelles;

Vident ubi Tyrannicam

Sub nocte Ditis AULAM;

Heu! quanta desperatio!

Quis luctus est REORUM!

Quærun't, nec usquam perviam

Fas est habere rimam.

XVII. Fundus repandam proratis

Oppandit os favillis.

Inhorret aura turbini,

Globos rotant Camini:

Altè crepant voragines:

Exæstuant abyssi,

Vacillat ÆTNA stridulis

Exsibilata furnis.

XVIII. Pro! cantus intra vortices

Euripus æstuosus

Luctatur, atque gurgitem

In gurgitem refundit!

Qua verteris sunt omnia

Pix, Sulphur, Ignis, Ira,

Vox excidit, mens deficit:

Pennam color relinquit.

XIX. Quid restitas, ô PERDITE.

Quid restitas morator?

Deoque frustra supplicas?

Et stultus astra prensas?

Nunquid vides, Trinacriam

Tibi parere FOSSAM

E fundo

E fundo ad usque sidera

Tetram volare flammam ?

XX. Subi, subi Nefarie

Contemptor æquitatis ;

Subi SCELUS; nunc irrito

Fugam paras labore;

Nil proficis; non effugis,

Jam clausa PORTA, clausa est.

CLAVEM tulerunt æquora,

Stat insoluta PORTA.

XXI. Hic ille formidabilis,

Hic est AORNUS ille ;

Quem tot Prophetæ NUMINIS

Testesque veritatis ,

Tibi frequenter Stentoris

Sunt ore comminati ;

Nunc discite, QUOSDAM fabulas

Non somnasse VATES.

XXII. Quicquid malorum SIDERA

Possunt vel excitare:

Quicquid malorum viscera

TERRÆ resuscitare;

Quicquid malorum TARTARA

Ubique congregare,

Tuis id omne, ô IMPROBE,

Cervicibus paratur.

XXIII. Æterna nox Titanii

Obvelat ore Phœbi,

Late per omnem tetrica

Caligo regnat ORCUM:

Ipsi (quod est mirabile ,

Monstroque majus omni)

Ipsi INCOLÆ nigerrimas

Mutatur hic in UMERAS.

XXII.

XXIV. Ignes quidem fumantibus

Semper crepant sub ollis:

Sed heu! micare nesciunt,

Tantum cremare norunt:

Norunt, tametsi pabulo

Non nutriantur ullo:

Quin pabulum plorabiles

Coguntur esse CIVES.

XXV. Quis ignis unquam vixerat

Funestiore taxo?

Quæ flamma scintillaverat

Tam lugubri cupressio?

Stipantur insolubiles

Struicibus struices;

Vorantur & durabili

Non pulverantur igni.

XXVI. Informis iras sufficit

Lymphaticas Enyo:

Huic Proximæ Umbræ proximas

Ferocunt in Umbras;

Se morficatim sauciant,

Et unguibus cruentant;

Rident ad ista liberis

Erinnes cachinnis.

XXVII. Quod poma capter Tantalus

Fallentibus sub undis:

Quod saxa volvat Sisyphus

Per dura terga montis:

Quod hic gemat sub vulture,

Quod ille sub dracone:

Quod insepulti cæteri;

Quantilla pars malorum est!

XXVIII. Qui CHRISTIANI vixerant,

Parumque CHRISTIANE.

Illu-

Illustre NOMEN gesserant ,

Viraque discrepabant:

Qui FONTE loti lustrico

Se reddidere cœno,

Hi sentient, hi serios

Tum sentient dolores.

XXIX. ASOTUS ille byssino

Tam splendidus paratu ;

Negaverat qui LAZARO

Micas dedit catello,

Nunc arefactis faucibus

Hiat, petitque GUTTAM

GUTTAM negavit ABRAHAM ,

SITITOR abde linguam.

XXX. Sed impeditis scilicet:

Nam quotquot hic tenentur,

Eviscerati propriis

Incommodis recrescunt ;

Toto nec est in corpore

Exempta pars dolore ;

Non vena, Fibra, Musculus,

Non Nervus, Os, Capillus,

XXXI. Nunc illa quondam LUMINA

Ardentiora flammis ,

Rotundiora conchulis,

Sereniora gemmis ;

Pro flosculis, & osculis,

Spectaculis , theatris,

Torvos vident Alastoras,

Orci Tenebriones

XXXII. AURES furor crudelium

Exasperat Leonum,

Inconditumque barbari

Tumultuantur Ursi.

Et acta jam Comedia

Chordas remisit Orpheus,

Tragoedias & Nænias

Hypersonant Choraulæ.

XXXIII. Torret voluptuarias

Pix eliquata FAUCES,

Repunt hiantem luridæ

Pergutturem lacertæ,

Venenæ sunt Embammata,

Queis farciuntur ollæ,

ARANEI Tragemata,

Queis ingemunt patellæ.

XXXIV. Cocytus execrabili

Afflat mephiti NARES:

Spirant inexplicabilem

Semesa membra pestem.

Quod Balsamum peccaverat,

Stactæque Cinamumque;

Jam Sulphurato toxiciles

Luunt sub amne MANES.

XXXV. Spondæ vices Eburnæ

Ærata præstat Incus;

Ut, quando fulgurantibus

Trahuntur è cavernis

Huc devoluti forcipes

Et malleos fatigent.

Nudi gemunt Vulcanii

Sub iectibus Cyclopes.

XXXVI. Hunc interim dum sustinent

Pulsantium furorem,

Ebulliente sulphure

Lebetes incalescunt:

Stant cacabi creberrimi,

Cucurbitæ capac es;

Re-

Resina cocta torridos

Exultat inter ignes.

XXXVII. Post illa jam tot vulnera,

Titanijs labores,

Huc inferuntur lividi,

His excoquuntur ollis

Odura conflagrantium

Fortuna mortuorum!

Dispulverati in pristinam

Coguntur ire massam.

XXXVIII. Auditis hæc ô IMPII,

Auditis hæc, & alto

Nondum tamen vos criminum

Levatis è veterno ?

Sed esse COELO pergitis

Injurijs MUNDO ?

MUNDO, rei dum vivitis,

COELOQUE, dum peritis.

XXXIX. Væ consecratis chrismate,

Væ frontibus mitratis,

Sed quotquot in re NUMINIS

Versantur oscitanter,

Et inquinatis mentibus

Audent litare COELO;

DIS ipse victimarius

Illos litabit ORCO.

XI. Væ Regibus crudelibus;

Nepotibus Draconis:

Provincias qui jungere

Provinciis laborant:

Tot Inferorum millia,

Tot gentium catervæ

Mundi nequibunt unico

Plus occupare puncto.

- XLI. Væ ZOILIS Antistitum,
 Censoribusque Regum;
 Qui frenam mordent efferi,
 Volunt subesse nulli;
 Artis premuntur vinculis
 Promethei catenis;
 Orciniano subditi
 Perenniter Tyranno.
- XLII. Væ gemmeis cervicibus,
 Lanisque muricatis;
 Pavonibus, Junonibus,
 Bullis Neronianis:
 Throno sedebunt igneo.
 Prætorii tribunal
 Circumstrepent, & vivere
 Cogent rogum Ministri.
- XLIII. Væ comptulis NARCISSULIS,
 Juvenculis comatis:
 Qui colla cincinnatuli
 Ad annulos retorquent;
 Cirricaminos nutriunt:
 Glomique turbinati:
 Assa micabunt penduli
 Semper sub aure flocci.
- XLIV. Væ sordidis absconditi
 Custodibus metalli,
 Philargyris cunctantibus
 Ex Euclione natis;
 Nec plumbeum qui proferant
 Rogantibus quadrantem,
 His incubabunt Cerberi,
 Ætariis ut illi.
- XLV. Væ Cypridis Lenonibus,
 Procis, Lupis, Cynædis:

Eniaseulatis frontibus ,
Prædonibus PUDORIS.

Fusi jacebunt horridas
Per ignium cavernas:
Molaribusque adulteræ
Saxis prementur urnæ.

XLVI. Væ furibus rapacibus ,
Et ungibus picatis,
Quos sæpe clemens audiit
Laverna supplicantes.

Non Æacum vos fallitis ,
Non Diphtheram Tonantis:
Mundo patebunt omnium
Strophæ Lavernionum.

XLVII. Væ Cœnularum Regulis,
Triariis coquorum ,
Amystidas qui ducere
Bovem vorare possunt ;
Suas in illos Cerberi
Vomet cloaca sordes ,
Plenisque Lethen congiis ,
Plenis trahent diotis.

XLVIII. Væ litium fautoribus ,
Et fraudium magistris ,
Quorum labor contendere ,
In jura vim vocare.

Diris ab infensissimis
Quondam deartuati
Totum videbunt Tartarum
Suo natate tabo.

XLIX. Væ fabulosis dogmatum
Auctoribus novorum:
Verique proditoribus ,
Apostatis nefandis ,

Ut semper istic fabricant

Novas, novasque sectas,

Sic semper illic sentient

Novas, novasque poenas.

L. Væ cernuis inanium

Cultoribus Deorum,

Bacchi, Gradivi, Mercuri,

Dialibus Camillis.

Hic esse cernunt PERFIDOS

Quos credidere DIVOS:

Hic hic tonabit JUPITER,

Hac ille Rex in Aula est.

LI. Væ centies, væ millies,

Et millies, & ultra,

Decreta quisquis judicis

Neglexetas supremi:

Est lata jam sententia;

Flagrabis, heu flagrabis.

Semperque funestissima

Flagrabis in favilla.

LII. TELLUS nequit succurrere;

COELUM recusat ire:

DEO libet te perdere,

Vult PLUTO te perire:

Damnatus es, ligatus es,

Spes omnis exulavit,

ÆTERNITAS, ÆTERNITAS,

Æternitas ligavit,



ODE QUARTA.
Æ T E R N A
B E A T O R U M
G A U D I A.

*Oculus non vidit, nec auris audiuit, nec
in cor hominis ascendit, quæ præpara-
vit DEUS iis, qui diligunt illum. I.
Cor. 2. vers. 29.*

I. Quid? ah! quid hæres arida
VIATOR inter ossa?

Compactus in teterrimum
Mortalitatis ANTRUM,
Ubi longa mors, & dura fors
Pugnantque fluctuantque:
Ubi curta res, & fera spes
Luduntque subruuntque.

II. ABJECTE! quin Olympicos
Nictu laceffis ignes!
Mentem levas ad conscia
Tui doloris ASTRA:
Ad expeditæ lucidam
FELICITATIS Aulam.

Quæ

Quæ vincit omnes omnibus

Leporibus lepores.

III. En! ut Bootes aureum

Rotet per astra currum!

Pollux eat cum Castore,

Situda Pleias imbre;

Ensemque Orion evibret,

Sagittifer sagittet;

Fundantque mille lacteam

Se lampades per ORAM.

IV. Summo propinquus cardini

Arcturus ut laboret:

Et Hesperum de Phosphoro

Præceps Diana mutet:

Ut Hercules defulminet

Hydrumque Scorpionumque;

Phryxæa pellis Colchico

Scintillet in metallo.

V. Exurge Mens; Saturniam

Tandem relinque VALLEM.

Exurge: te per climata

Mundi utriusque libra:

Trans ipsa cæli cætula

Volatilis penetra:

Qua ZONA fert eburneum

Molita pelle POSTEM.

VI. Hem! fallor; an retrogradas

Sensim relinquo terras?

Longe recedunt mœnia;

Vix ulla paret umbra.

Fugere turres, Appuli

Evanuere montes:

Nihil, nihil sunt omnia:

Vale molesta TERRA.

I 3

VII.

VII. Prô! quam libens Ô PATRIA,

Quam cerno te triumphans!

O centies! O millies!

O sæpius cupita!

Quis Phœbus, aut quis Pegafus

Sat ex h. bibit unde,

Quâ tinctus, istam prædicem

Pro dignitate FORMAM?

VIII. Jurate Cœlo CLAVIGER.

Tu pœsulum retorque:

Admitte PETRE supplicem

Astris, tibi que vatem:

QUADRATA duc per atria,

Altis superba tectis:

Da, quæ videre nesciunt,

Qui negligunt mereri.

IX. IO TRIUMPHE! sedibus

Potimur invidendis:

Fores crepant, & gemmeis

Vertuntur in columnis:

Nudata voto pervii

Hiant theatra cœli:

Admittimur. Bis dicere

Jam fas: IO TRIUMPHE!

X. Superi! quod hoc spectaculum!

Et hinc & hinc stupendum!

Nituntur AURO mœnia,

AURUMque sunt & ipsa;

Sunt AUREIque Cardines,

Sunt AUREIque postes:

AURUM platea est optimum:

Nil calco, præter AURUM.

XI. Jaspis & Crysoprasus,

Topatius, Beryllus;

Et

Et Sardonyx, & Sardius,
 Sapphirus, & Smaragdus,
 Et quidquid Indus omnibus
 Gangesque volvit undis,
 Id omne totis fontibus

Confluxit huc decoris.

XII. Faceſſe SOL, Titanios

Hæc ridet URBS caballos:

Faceſſe LUNA; cornibus

Non indiget biſulcis.

AGNUS coruſcus INCOLIS,

Qui præſidet beatis,

Hic hic perennem dividit

Bellis diem labellis.

XIII. Nunquam tenebras attulit.

Dux noctis Heſperugo:

Nunquam lucerna defuit,

Domus relucet AGNO:

Nunquam pruina ninguidos

Huc advocavit Auſtros:

Nunquam hic opaca roridam

Ploravit anra nubem.

XIV. Tot nempe SOLES aureis

Videntur in quadrigis,

Quot OPTIMATUM millia

Cœleſtium videntur;

Quot ORDINES, quot ORDINUM

Clariſſimi TRIBUNI;

Quot optimorum Civium,

Mortalium PATRONI.

XV. Salve TRIAS ſanctiſſima;

Cui debeo, quod aſto.

Salve MONAS celiſſima;

Quam millies ſaluto;

Summum ubi sub regio

Ardet Tribunal ostro:

Aeternap stremitissimus

Cui vota dico SERVUS.

XVI. Et tu beata proximam

Quæ vindicas CATHEDRAM

O VIRGO, MATER Numine!

O magna pars salutis!

Tu prompta semper indigo

Patrocinaris orbi:

Tu pessimo das optima

Numquam noverca vati.

XVII. Stant CHERUBIM, stant SERA-

Phis decentes alis,

(PHIM

Magnaue voce concrepant

Chordas, chorosque tentant

SANCTUS per astra dicitur,

Redit per astra SANCTUS:

Alterna nempe, ô Musici,

Et his placent Camœnis.

XVIII. BAPTISTA lævus accubat

Crudis satur cicadis,

Ovatque lætus, hispido

Quondam rigens echino,

Et quod Tyrannus ebriâ

CAPUT revulsit hastâ,

Nunc ille tollit omnibus

Sublimius Monarchis.

XIX. Annis sedent spectabiles

Et sanctitate PATRES,

Cum MOSE rarum posteris

Exemplar ABRAHAMUS,

Armatus in dulcissimum

Deo iubente gnatum:

Et

Et gnatus ipse patrio

Jam tutior subiectu.

XX. Cœlestibus notissimi

Oraculis PROPHETÆ.

Longo recumbunt ordine

Elatiore sede :

Volunt futuri præscias

Necdum tacere chordas :

JESSEA vox, plus Orpheo

Canora vincit omnes.

XXI. Apostolorum lumina ,

Gravissimus Senatus ;

Cœli serenant compita ,

Terris probata virtus :

Vivæ salutis BUCCINÆ

TUBÆQUE Veritatis ,

Mundi facre,perpetes,

Mundi cluent MAGISTRI.

XXII. Quid PURPURÆ clarissimæ?

Victoriæ TROPÆA?

Fortissimique MARTYRES ,

Verissimique TESTES!

Hi pila gestant;ludicras

Hi ventilant Machæras :

Hos ornât Hasta,hos Vincula ,

Crux,Tela,Saxa,Flamma.

XXIII. Et vos viri doctissimi ,

Ad LAUREAM vocati ,

Nullo rubentes sanguine

Mori tamen parati ;

ANTONII, CHRYSOSTOMI ,

IGNATII, PHILIPPI;

Vos SORTIS hujus ceteri,

Vestro estis ore digni.

I 6

XXIV.

XXIV. Vos elegantes, candidis
VIRAGINES corollis.

O BARBARÆ non barbaræ!

Veræque MARGARITÆ:

Vos mille cum SODALIBUS.

Verfu graves & ore,

AGNUM secutæ floridis

Cantatis in viretis.

XXV. DEUM bonum! quod istud est

Amœnitatis æquor?

Quod gaudium, lectissimam

Habet SODALITATEM!

In longa passim signata

Omnes simul recumbunt:

In lectulis Convivio

Omnes beantur uno

XXVI. Post hos inenarrabilem,

Videor videre turbam;

Et gente, & ortu, & nomine,

Et lingua, & ore, & arte,

Et cultu, & orbe, & ordine,

Et sorte discrepantes::

Solo pares certamine,

Palma, loco, salute

XXVII. ASSUERE, mentas censeo,

Undasque tolle mappas

Infusa ponis; fundæ

His nauseantur ollæ;

Deo fruuntur ferculo:

OPERCULUM beatum!

Eibo quis unquam paltus est

CONVIVA lautior?

XXVII. Stellata per TRICLINIA

It linteatus ipse

Ponitque CHRISTUS nobilem
MODIMPERATOR escam:

Ovantibusque cœlite

Nectar propinat auro;

Vivi fluunt perrennibus,

Siphonibus LIQUORES.

XXIX. Festæ volant; & sobriæ

Utro, citroque voces:

EVAX! INEBRIAMINI

CHARISSIMI! PERACTUM EST:

EVAX! IO! FELICITER!

BELLE! PROBE! BEATE!

CALCAMUS ASTRA! sordidi

Valete tesqua Mundi.

XXX. Hic narrat, à se perfidum

Victum esse JULIANUM

A MAXIMINO traditam

Ostentat ille PALMAM.

Hic à NERONE clarus est.

Hic COMMODUM triumphat.

Est salvus ærumnabili

Jactatus ille fato.

XXXI. Sic gestiens in Patria

Memorat duella Miles,

Sic in quiero Navita

Ridet pericla portu:

Sic dulce censet, ferreas

Quisquis tulit catenas,

Longo suum percurrere

Ludbrium cachinno.

XXXII. Opta, quod est pulcherrimum;

Jam possident BEATI:

Opta, quod est dulcissimum;

Fruantur hoc Beati.

Quicquid vel ornat corpora ,
Vel mentibus decorum est :

In hos manu largissima

Dispensat AUCTOR orbis :

XXXIII. Abstergit ipse lachrymas

Pro se DEUS profusas ;

Salsumque molli spongiâ

Proscribit ore fontem :

Quisquis solebat vitreis

Culpas lavare guttis ;

Guttas modo, illustrissimas

Videbat esse GEMMAS :

XXXIV. Pastu nihil suavius,

Salubriusque potu :

Toga nihil venustius ,

Sublimiusque sellâ ,

Verbis nihil prudentius ,

Perfectiusque factis :

Motu nihil velocius ,

Subtiliusque tactu.

XXXV. Illis pares nec Æoli,

Pares volent nec Euri ;

Nec obftet imperterriti

Moles athena muri.

Chrystallon, ut Phœbejus

Impune transit æstus ;

Sic qua meare cunque stat

Nil uspiam repugnat.

XXXVI. Non ipse contra flammeus

Audet venire Pluto :

Herbanque porgunt luridæ

Victoribus Megaræ ;

EUPIDITATES proditis

Dant sponte terga castris :

Cun-

Cunctis vocatur unice

Hic unice TRIUMPHO.

XXXVII. Æterna PAX victricibus

Coronat astra PALMIS;

Lauro virent palatia,

Grata madent OLIVA :

Croco rubent & murice,

Dulci fluuntque melle:

Odora fragrant BALSAMA.

O REGNA ter beata!

XXXVIII. Non hic cruentus lividas

spirat GRADIVUS iras,

Non hic anhela pallido

FAMES vacillat ore,

Non ulcerosa tabidi

Regna libido MORBI;

Non hic laborat Atropos,

Nec ulla fila scindit.

XXXIX. Absunt procul dicteria:

Procul NERONIS æstra,

Leges DRACONIS exulant,

Non huc rei propinquant:

Non TUCCIUS; non flebilis

Auditur hic egestas:

Nemo rogatur frigida

Mendicat in lacerna.

XL. Ad sæcla rursus AUREA,

Qua venimus, reditur:

Ignorat illa FERREA

Qui nubibus potitur.

Fugere NOCTES, candidi

Jam prodire SOLES:

Fugere PESTES, horridæ

Evanescere BRUMÆ.

XLI. Latè per omnem frondea

Æstas perennat HORTUM:

Sunt hic Rosa, sunt Lilia,

Saliunculæque bellæ:

Ligustra sunt, Anetha sunt,

Vacciniumque molle.

Hic, optimorum quicquid est

Ubique, flosculorum est.

XLII. Nullus virenti in margine

Arbusta tondet HIRCUS.

Nec turbat UNGUIS stirpium

Nivesve purpuræve:

Nec ulla Nympha noxiis.

Perdit roseta plantis:

Nec vulnerat dulcissimam

Hyblæa turba prædam.

XLIII. Quid Arborea? qui Arborum

Ætæque, verticesque?

Quid poma nobilissima?

Ficusque; amygdalæque?

Passim leguntur sportulis;

Leguntur, & supersunt;

Totusque pendet unico

Autumnus ex RACEMO;

XLIV. Et illa montis arduo

Quæ surgit umbilico

Celebre nomen optimæ

ARBOR decora VITÆ:

Pro! quanta vincit æmulas.

Lepore? Flore? Prole?

Gustatur? immortalibus

Verat perire FOMIS.

XLV. Delectat ergo immobili

VITAM ligare clavo?

Sentire nullo gaudia

Interpolata luctu ?

Ridere, quicquid flebile ?

Nullis patere telis ?

Adverte: canto Delphicis

Tibi certiora monstris.

XLVI. Sunt, qui per alta fordium

Tentant adire cœlum;

Sunt, qui rosis tantum modo,

Inambulantque plumis;

Sunt; qui venire PENSILI

Volunt ad astra curru;

Sunt, qui putant latissimam

Cuivis hiare PORTAM

XLVII. Falluntur, ah! fluitissimè

Falluntur imperiti;

ANGUSTA (Christo credite)

ANGUSTA porta cœli est.

Per Isthmum itur tutius:

Vix imò porta RIMA est.

Non imo RIMA, Lydiæ

Fallax acus FORAMEN.

XLVIII. Per hoc CAMELE, maximo

Tun' ambulare gibbo ?

Qua sæpe Sartor irritum

Jubet meare filum ?

Majoris est, O impiè

ADAMITÆ, laboris,

Cum LAUREA, sub PURPURA

Sedere cum BEATIS.

XLIX. Quid ergo segnes lubrico

Hæretis in profundo ?

Quis ASTRUM mecum scanditis,

Et gnaviter subitis ?

Octo VIAS invenimus,

VIAS canemus Octo,

Quibus pio (non fallimus):

Placebitis Tonanti.

L. Qui sponte patrimonia

Sprevere luculenta,

Duo reclines assere

Sub duriore veste:

Volaque passa frigidam

Captantque, potitantque;

Nec mente NUMMOS ambiunt,

Nec sacculos BEATI:

LI. Qui MITITATE lacteos

Subæmulantur agnos:

Iram palati ponere,

Bilemque temperare:

Et mella verba condiunt;

Felli, salique parcunt:

Nihil minantur, supplici

Nihil negans, BEATI.

LII. Qui luctuosam quæstibus

Egce sæpe Prognen,

Mœstosque nulla squalidi

Culpa tulere casus:

Vivi per ora largiter

Cum volverentur imbres:

Crebris sonarent omnia

Singultibus, BEATI.

LIII. Qui defêrunt ad sobrios

Jejuna membra somnos,

Sitire norunt, turbidi

Libare flumen Istri:

Astræa quos refrigerat

Celfo redux Olympo;

Quos

Quos æquitatis regula

Ducit Themis, BEATI.

LIV. Qui lata pandunt viscera

Cunctis amica Cordis ,

Cornuque fundunt divite,

Quicquid latet canistris :

Tum si qua vecors lividi

Peccavit ira vulgi,

Altis sepulta noctibus

Obliterant ; BEATI.

LV. Qui corde mundi foetidas

Nocentium cloacas,

Ludum, Jocum, Libidinem,

Fastum, rapacitatem,

Nec ferre, nec defendere,

Probare nec solebant.

Candente loti purius

Coagulo , BEATI.

LVI. Qui Jura PACIS clauso

Compescuere JANO,

Manuque semper AUREUM

Præ se tulere RAMUM:

Lites & arctos Litium

Funes abominati:

Qui charitatis baltheo

Cinxere se ; BEATI.

LVII. Qui Magna docti perpeti,

Adversa nulla curant;

Duri ferunt convitia,

Et fronte sunt serena.

Illapsus etsi proximam

Orbis trahat ruinam,

Pulsentque fata, & ultimis

Premant modis, BEATI:

LVIII.

LVIII. Cum dente sævo Parthici

Ferociunt leones.

Cum spumat Adriaticæ

Insana vis procellæ:

Cum sævit Auster, saxeo

Irafciturque nimbo,

O ter beati! ô omnibus

Solatiis BEATI!

LIX. Nunquam tuendo lumina

Hos hauserant lepores:

Nec aurium conchylia

Hos clauferant favores;

Humana nunquam pectora

Hos senserant amores:

Tui quid, ô mortalitas,

Qui non nequeunt labores!

LX. Hac CHRISTE vivam PATRIA,

Hoc permanebo REGNO:

Hinc nemo pellet: illicet

Torque, seca, flagella:

Hæc TERRA, sola hæc CIVITAS.

Placuit, placet, placebit.

Hic æviternus. (claudite)

Morabor INQUILINUS.

Vivere tota vita discendum est: &c., quod magis fortasse miraberis, tota vita discendum est mori. Sen. lib. de brevitate vite.

CERTAMEN POETICUM SUPER

LESSO MORTUALI, Authore Matthæo Radero , S. J.

Horrenda mors, tremenda mors ,
Telominax & arcu.
Fatale torquet spiculum,
Nulla quod arte vites.
Vt fumus evanesCIMUS,
Eliminamur omnes,
Abibis hinc fulgentibus
Non flectitur metalla.

Rudolphus Mattmannus S. J. sic transtulit.

Lethiferam intentat crudelis Parca sagittam ,
Qua juvenem abruptit stamina quaq; Senum
Et maria, & terras irato perfurit arcu,
Nec prece, nec blandis flectitur illa jocis.
Aura rupit cinerem, Mors atro funere vitam
Nec quamvis fugias ad Tanaim effugies.
Quo tibi divitiæ! quas tecum auferre negatum est,
Umbra ad Letheas ibis inanis aquas.

Jacobi

Jacobi Bidermanni S. J.

IRata volucris sagitta Parca,
 Nostros pervigil arbitratur annos,
 Laxato volat impotenter arcu,
 Nullo non docilis ferire ludo.
 Fumum dissipat Aura. Parca vita,
 Nulli parcere docta Parca vitam,
 Arvo tu licet imperes & auro:
 Ibis, quâ properabit, ibis, ibis.

Hieremiæ Drexelii. S. J.

Effera mors arcu volucrique celerrima telo,
 Tela inimica manu præcipitante vibras,
 Indomito de moris furens, sitienque cruoris
 Mirificat nullis seria bella jocis.
 Ut sumus sic vita volat dilapsa per auras,
 Ipsaque vita suæ semina mortis habet.
 Mille implacatam non placant jugera Mortem,
 Nec tu aliud, quam omnes ibimus, ibis iter.

*Simul fores pulsaverit,
 Iube valere vitam;
 Amica turba deferet
 Te membra deferentem,
 Intrabis excubissimus
 Iter tenebricosum,
 Tecum ferēs, quod egeris,
 Non auferes quadrantem.*

Nam tibi cum fati gravis imminet hora, propinqui
 Extremum ingeminant salve & Amice, vale.
 Atque abeunt. Tum tu socio desertus ab omni,
 Mortis inis, nullo te comitante, vias,
 Ignotum per iter proficisci cogeris; antè
 Non tibi tritum ullo nec duce nec comite,
 Culta tamen virtus vivo tibi fata sequetur,
 Solaque ab exequiis illa futura tua est.

Supremū ubi luxit hora fastū,
 Tunc SALVETO, perenne tunc VALETO.
 Dilapso fugis ilicet propinquo
 Certas incommitatus in tenebras
 Solus querere solus invenire
 Cæcam cogeris ambulationem:
 Quod virtutis habes, habeto: solam
 Hanc heres tibi sarcinam relinquet.

Cum tibi Persephone supremam luxerit horam,
 O salve, & morti præda litanda, vale.
 Qui te quæsierant, jam dilabuntur Amici,
 Et tuus, est nemo qui velit ire, comes.
 Audin' ? Mors pulsat solus migrabis ad umbras,
 Cæcam cogèris solus inire viam.
 In terram referes, si quid virtutis habebis,
 Nec tecum hinc aliud ferre, sineris onus.

Gena rigeunt cereæ,
 Fax luminum fatiscet.
 Nec pectus eluctabitur,
 In ore vox dehiscet;
 Laudata forma concidet;
 Arteria pavebunt;
 Gelu madebis horrido.
 Obsessus à Charonte.

Tunc surget gelidus collapsō pallor in ore,
 Atraque nox tenebris lumina victa tremet.
 Et fremet obsessum curis miserum undique pectus,
 Mutaque pro verbis inurmura lingua dabit.
 A vultuque tuæ fugiet decor ille juventæ,
 Nec peraget soliti vena tenoris iter.
 Frigidus ac toto manabit corpore sudor,
 Imaque torquebit lapsus ad ossa dolor.

Tunc toto macies sedere vultu;
 Fractis lumina tunc mori vitellis;
 Crebris pectora tunc pavere curis;

Tunc

*Tunc mala titubare verba linguae;
 Bella cedere tunc juvenia forma;
 Aegras tunc cruor impedire venas:
 Tunc sudore gelatus astuabis,
 Cum frenis dolor irruet solutis.*

*Horrida diripient rugarum nubila vultum,
 Deseret extinctus sidera bina dies.
 Latrabunt tremulo praecordia saucia luctu;
 Vocis formido plurima claudet, iter.
 Debebit belle flos deflorescere formae,
 Torpebit legni languida vena metu.
 Manabit gelidus sudor per membra tremenda,
 Ingemet occultis ipsa medulla malis.*

*Te lectus uret anxius,
 Cuius cor exedetur:
 Cui vita vivens dictus es,
 Defunctus ipsa morsus,
 Avere te qui millies
 Iussit, jubet valere,
 Postesque furtim transvolat,
 Quos ante basibat.*

*Qui nuper jucunduseras, & charus amicis,
 Natura jam illis diceris esse gravis.
 Te sine qui dudum se vivere posse negabat;
 Ille tuam, visa ceu fugit angue, domum.
 Et tua respiciens tacito pede limina, furtim,
 Praeterit, & qui sis jam quoque nosse negat,
 At te lectus habet plorantem & acerba gementem,
 Aegraque mens miseris angitur usque modis.*

*Qui te noverat ante, foveratque,
 Nunc horret, metuitque, despicitque,
 Qui diripuit perennis hospes,
 Iam notos cavet avius penates,
 Rapto limina praerit meatu.*

*Nulli nosceris amplius sodali.
Lecticam premis, ingemisque pressus;
Angit spiritus ager, angiturque.*

*Qui prius esse suum blandus, te dixit ocellum,
Ex oculis primus te movet ille suis.
Hospite quo pinguis risit tua mensa perenni,
Largum ridet adhuc ille, sed ante fores.
Cumque tuas transit solum oblique aspicit ades,
Et te cum reliquis se quoque nosse negat.
Tu tristi suprema toto suspiria fundis,
Annalis vitæ dum legis ipse tuæ.*

*Pestem creabis naribus;
A te fugabitis omnes:
Obsipientur ostia,
Orisque narumque:
Foras foras prepera foras
Catharma pestis, horror:
Opertus altum dormies
Inter strepente nullo.*

*Mox gravis extincti vitabit corporis auras,
Et propius notos stare vetabit odor.
Ora manu naresque prement, qui cominus ibunt;
Submotumque procul te ocysus esse volent.
Cede domo tandem verus & gravis incola cede,
Exterret mœstos umbra vel ipsa Lares.
Os velant oculosque tibi requiemque precantur,
Hic tibi perpetuus somnus & unus erit.*

*Halabit nocuas cadaver auras,
Et stantes odor insolens fugabit.
Sed tu nantea narumque pestis
Tota cedere publico iuberis.
EXI, jam satis est, cadaver, EXI,
Vivos mortua terret umbra vultus.
Hic altum tegeris, quiescis altum;
Surdas hic nihil excitabit aures.*

Tunc

Tunc animam exanimum spirabit corpus olentem,
 Jam pestis. quondam natibus illicium.
 Sed teget os stomachans, polcent, velamina nares,
 Atque domus dominum respuet ipsa suum.
 Exi. jam satis est, caveam tibi quære cadaver
 Exangues infert mortua larva metus.
 Hic tegere, hic longum fas est dormire soporem.
 Hic somnos poterit rumpere nemo tuos.

*Propè ante mortem mortuus
 Cadaver efferere.*

Lamenta erunt solatio

Vxoris ac nepotum :

Cras lacryma te condito

Vertentur in cachinnos.

Sed tu subi scrobem subi ;

HÆC FOSSA SORBET ORBEM.

Nec mora, cum corpus, vitæque & sanguine cassum
 Ingestâ raptim contumulatur humo.

Quid gnati, & charo conjux viduata marito ;

Solamen lacrymas triste doloris habent.

Sed brevis est hic luctus heri quæ fleverat uxor,

Cras iterum risus illa, jocosque dabit.

Tu vero obscuro tumuli concluderis antro,

Hanc fati legem nemo migrare potest.

Vix verò moriere jamque fosso

Omnes funera subruent sepulchro ;

Solamen tibi post humum parabunt

Lamentabilis uxor & nepotes

Nec totam lacryma diem madebunt,

Cras siccos iterum dabunt cachinnos.

Sed tu de jsciere, nec resistes ;

Hic nulli licet esse contumaci.

Nondum defecto frigebunt membra reponere,

Jamque patens raptim conteget ossa solum.

Supremum solamen erit cum pignora & uxor
 Manabunt laceris flumina moesta genis;
 Hæc tamen una dies siccabit flumina? cernet
 Postea jam risu lumina sicca, dies.
 Tu vero abjiceris, neque fas est velle reniti;
 Nullam à caufidico lex timet illa moram.

Specum jacenti incolune
Venena, bufo, vermes;
Hos aulicos hac aula fert,
His gratius imperabis.
Tributa pendes vermibus
Stipendiumque blattis:
Fas his erit grassariet
Per ossium medullas,

Impastæ expectant hac te sub mole colubæ,
 Plurimus & qui imo carcere bufo later.
 Illa tibi hos vernas, hos & dabit aula clientes,
 Hæc tibi in amplexus obvia turba ruet.
 Certatimque omnes rapient tua membra, tra-
 hentque

Pones gravidas vermibus ipse dapes.
 Illapsi errabunt per caulas corporis omnes,
 Utque volent dete, quodque volent statuunt.
Expectant tumulo latenter imo
Bufo, vipera sordidique vermes.
Hos vernas numerabis, hos clientes
Hos complexibus indues cupitis:
Hi carvent epulasque, cœnulasque
Nulli pocula præstinanda numis,
Labentur per & ossium medullas,
Et voto sibi consulent inempto.

In tumulo expectant vermes pleno agmine, membris
 Atque taginandi vipera, bufo tuis.
 Rosa palatinam hanc saturabunt viscera turbam,
 Quæ domino parget basia crebra suo.
 Convivas epulo mactabis dapilis istos.
 At largas redimet symbola nulla dapes;

Ossa terebrabunt, scrutabunturque medulla
Ad lubitum cunctis ista popina patet.

*Cognata gentis atria
Mox finient dolorem;
Semestre ducent lugubre
Vertentque mox colorepi,
Levem precata cespitem,
Perenne te fletibus,
Hæres talenta dividet,
Te dividunt lacerta.*

Tempore non longo, de tot tibi sanguine junctis,
Mœreant mortem vix duo tresve tuam,
Atque ex mœre suo pullas in funere vestes,
Signa sui luctus non diuturna ferent.
Manibus, ut bene sit bene sit cinerique vovebunt,
Exiguus de te postmodo rumor erit;
Diripient avidè (dum rodunt viscera vermes)
Abs te congestas alter & alter opes.

*Pauci de melioribus propinqui
Fletu funera longiore ducent:
Atræ pallia sordidata lane
Semestris feret atteretque luctus.
TELLUREM tibi tunc LEVEM vovebunt
Et nunquam memores tui redibunt,
Corrasum quoque dividunt metallum,
Dum te dividet, exedetque bustum.*

Flebitur haud longus pullatis lessus amicis,
Qui gemat è multis unus & alter erit.
Exequias ibunt attratâ in veste; videbit
Purpureas iterum septima Luna togas;
Vixque tui jam turba memor, pro more vovebit,
Nec rigidi molem cespitis ossa ferant.
Nil lacrymans hæres absomit Cœcuba, vulgus
Reptile serpentum dum tua membra trahit.
Vertente Capri fidere,
Pulvis cinisque fies,

Viator, ossa transiens
 Scitabitur, quis hic est?
 Hiant caverna luminum,
 Exenterata calva est,
 Calcata costa truditur,
 Deletus excidisti.
 Corporis at reliquum bisenis mensibus ædis,
 Est præter cineres, præter & ossa nihil.
 Usque adeo ut calvam qui pelle pilisque vacanter
 Aspiciat, possit querere, qui fuit hic?
 Aurea cælaries defluxit vertice toto,
 Luminibus vacui stant duo fronte sinus.
 Ossaque nuda jacent toto dispersa sepulchro,
 Dilapsa est etiam nominis umbra tui.
 Sic unus se ubi circummegit annus,
 Iam toto caro vanuit sepulchro;
 Ut visâ neque pelle, nec capillo,
 Possim querere CALVE, QVIS FVISTIS?
 Crisporum caput inscium & pilorum,
 Stant binis vacui finis ocellis,
 Et nudus manet osibus superstes
 Rerum desita mentio tuarum.
 Sol ubi bis senis orbem concluderit astris,
 Vix erit è toto parva quod urna feret.
 Floriduli cum carne pili fugere sepulchro,
 Ex calva ut liceat querere, TU QUIS ERAS?
 Jam vetitum cirris per frontem ludere: stellis
 Pro geminis, gemina nox sedet atra specu.
 Jam tua roduntur parasitis ossa colubris,
 Jamque tui nemo est, qui fuit ante, memos.
 IGNOTA LVX EST VLTIMA
 Quam nullus auguratur
 Cum Tarca cedit Ianuam,
 Est pessulus trahendus:
 Motos Avosque surripit,
 Ut fors, & atra sors ferat
 Sceptrisque Reges exuis,
 Et cogit esse plebem.

Est hominum nemo cui scire, aut dicere fas est,
 Aut unde, aut qua sit Mors aditura viâ,
 Ipsa inopina autem quando adstat, & ostia pulsat,
 Convulsi postes sponte, seræque cadunt.
 Abducit, seu quis vigeat, seu frigeat annis,
 Et nullum est fugiat quod Dea sæva, caput.
 Sceptra superborum non horret frangere Regnum,
 In visis subigit ferre pedemque choris.

*Fas nullis puto nunciare linguis
 Fatalem necis ingruentis horam,
 Mors nostras ubi pulsat ad tabernas,
 Obstantes reseat proterva portas,
 Canos undique ducit ac Ephæbos,
 Omnes imperat illa, nullus illam,
 Frangit sceptrâ superbiora Regum,
 Et statas jubet ingredi choreas.*

Fas nulli est tabulas arcani cernere fati;
 Et certam præsens non habet hora fidem.
 Cum mortis quatiet metuenda falarica postes.
 Mille seris firma mille cadentque seræ.
 Non frontis nebulæ, non oris purpura parcas
 Demulcent; tetricæ sunt sine fronte Deæ,
 Nil Parcæ parcunt, etiam diademata calcant,
 Ad furvos Regem cum citat urna lares.

*Ex invidenda regia
 Pressâ fereris arca;
 Laqueare naros fulcients,
 Gens Christiana pensa
 Tar primus hic sit ultimus;
 Stat Cræsus inter Iros.
 Vna tumet diecula;
 Mox anra diffiat anlas.*

Regia marmoreis non hic suffulta columnis,
 Sed datur exigua & facta sine arte casa.
 Scandere nec labor est, naso tectum incubat ipsa,
 Quæ cano, suspensa quisquis es, aure bibe.

Eximius nemo est. Jus & mos omnibus idem.

Æqualem hic sedem Crœsus & Irus habent.

Scilicet hac fini stat Regum arctata potestas:

Hoc pretium crassi nempe laboris habent.

Augusto minor urna tunc feretro

Magnas amula provocabit aulas,

Tectum naribus incubabit ipsis,

(HVC ADVERTITO CHRISTIANA PLEBES)

Majestas & in ordinem redacta

Mendicos erit inter inquilinos.

Pauci omnia finiuntur annis,

Hanc mortalia gratiam reponunt.

Sola brevem dominum comitatur fida Cupressus,

Angustum Augustos tumba tegit solium.

Curvata nares tecto incumbente premuntur,

Hæc functos (PIA PLÉBS CERNE) theatra

Plebejos inter centenos purpura squalet [manent.

Arctanturque una sceptrâ ligoque casâ.

Omnia sic hominum modico clauduntur ab ævo,

Lubrica sic Mundi fallere regna solent.

Cui regna, vestigia

Relinquit & Quirites ;

Ebur tuum fert exulem ;

Ferunt, tacentque cives,

Artes, & alta turrium

Effossa subruuntur:

Sub mole tu ludibrium,

Depascere colubria.

Quis jã dehinc populos? & quis moderabitur urbes?

Et tibi possessas dehinc quis habebit opes?

Alter habet solium, & vacua jam regnat in aula

Te reducem in lucem nemo videre velit.

Dejectæ tutres versæ cum montibus arces,

Æquaque sunt imo reddita tecta solo.

Tu pulsus regno vitaque haud nosceris ulli:

Vilis & in tumulto vermibus cæca jaces.

Cui

*Cui cives suberunt dehinc & urbes?
 Cui portoria, cui tributa pendent?
 Sublimi sedet alter in curuli,
 Tu nulla revocaberis querelâ
 Aula culmina manuumque valla
 Vna subruet amulus ruina
 Tu pulsus tumulo preméris alto,
 Vilis vermibus esca viperisque.*

*Quem nunc formidant populi cui noenia parent?
 Cui domino ante tibi, pensa tributa ferunt?
 Alter habet cellas populo claudente curules,
 Nec refodit cineres ulla querela tuos.
 Aereas moles æquataque Pergama cœlo.
 Æquat nunc imo vasta ruina solo.
 Tu saxo premeris, te vilis arena coercet,
 Vermibus est corpus rixa gulosa tuum.*

*Mors ergo cum te mœssuit,
 Læm nemo te requirit;
 Amatus & dum visus es
 Tarœniam revolve,
 Amica tecum nomina
 Morientur & regentur,
 Quid heu! quid has affanias
 Exordium petes sis?*

*Ergo cum tenuem fueris mutatus in umbram,
 Aut ubi sis? aut quid, nemo rogabit, agas?
 Nam vetus & verum est; vulgi quod dicitur ore:
 Quantum oculis animo tam procul ibit amor,
 Nomen amicitie, five est quid sanctius illo,
 Marmoridem fundi quod tegit ossa, tegit.
 Heu malè! quisquis amat fluxa hæc & inania rerum
 Talia cui sapiunt, ah! sapit ille nihil.*

*Sic cum definis interesse vivis,
 Nostri definis interesse curis;
 Quantum cesseris ore, amore cedes,
 Prasagi memorant tabella vulgi,*

*Candorem tibi quisque, quisque amorem,
 Busto subruet impudenter uno :
 Heu fluxas male deperimus umbras :
 Hac deliria sunt Amasiorum.*

*Cum sic vanueris ferali abjectus in antrum,
 Omnis erit tecum cura sepulta tui.
 Ex oculis pulsum nemo non pectore pellit,
 Notum nec vana plebs canit ore melos.
 Quid speras post fata fidem? fœdusque fidemque
 Telluri tecum defodienda ferent.
 Umbrarum, heu! magnis emimus sudoribus umbras:
 Ah! malè cui fallax sic placet umbra, sapit.*

*Suspensio adest vestigio,
 Lavernionis instar :
 Exire cujus aleam
 Nec vi datur, nec arte.
 Propinat atra toxica;
 Nolu, velu; bibenda.
 Morse est inexorabilis;
 Non consulis futuris?
 Obrepat tacita obicuras ceu latro per umbras,
 Et quo non speras tempore Parca venit.
 Nolentem pariter ducet, ducetque volentem,
 Nulla te latebræ, te fuga nulla teget.
 Spicula felle linit, sit ut immedicabile vulnus.
 Quod facit, & subito, quem ferit ille, perit:
 Nec fas est quemquam vitam impetrare precando,
 Quare in te tantâ dispice, quid sit opus.*

*Furtivo properata Parca motus
 Et passus ibi laneo propinquat;
 Rumparis licet usque & usque, & usque,
 Non avellitur illa, non fugatur.
 Leihali simul appetere telo,
 Ibi per loca nigra ductus ibis,
 Hoc nullis redimis iter querelis
 Rebus consule iam periculosus.*

Furtivis Mors premissa dolis inopina quietos
 Opprimunt & tacito clam venit illa pede.
 Sen pacem, seu bella velis, culpesve probesve,
 Te Fatum imperio fulmina missa petent.
 Vipereo medicata jacet mors spicula tabo,
 Ille perit subitâ, quem ferit illa nece.
 Ante caret Fatum, precibus nec flectitur ullis;
 Dum licet, ô! nimium damna propinqua cave.

*frons, ô cadaverosa frons
 Mentita mille larvâ,
 Adhucne fronti creditis?
 Falli cavete fallit.
 Qui fides illi perfida,
 Post damna sero fletis;
 Ditis coquere sulphure,
 Tibi Venus placabit?*

Heu spurca, innumeroq; scatens caro tabida verme,
 Multos quam es multis ludificata modis?
 Quicumque assuetâ semper tibi fallere credis,
 In fatuo nullum corpore peccus habet;
 Et miser elusum se, si tibi prabeat aures,
 Postmodo cum magno sentiet ille malo.
 Esca tegit, fixum qui guttur sauciet hamum,
 Solves de tergo, si capiare, tuo.

*O putri caro verminosa tabo,
 Quanto sacula decipi cachinno!
 Has, qui creditis, has cavete fraudes,
 Mentiri CARO dum negat fatetur;
 Fidant, qui cupiunt perire, fidant,
 Magno credulitas luetur assu.
 Servent Tartara sumptuosiores
 (Possum vilius esurire) cœnas.*

O caro chara nimis cœni tabisque cloaca!
 Quot dulci incautos fraude maligna trahis?
 Perfida quam blando velas perjurâ palpo,
 Es mendax, quoties incipis esse loquax.

Admoneo, caveat quisquis te credit amicam.

Pro facili poenas credulitate dabit.

Incolit ah! nemo Phlegethontis a symbolus ignes,

In tetrum ô miseri tenditis exitium.

Quid sibi tibi suprema lux

Hac fulsit occidenti?

Nelude plòbs hac omina,

Virtutis esto cultrix,

Hac ipsa lux quot abstulit

Qui secula cogitabant?

Sol occidente ante se

Miratur isse ad Orcum.

Forſitan[ut certi non certa eſt funeris hora]

Includet fatum lux hodierna tuum.

Hæc igitur noli levia, aut ludrica putare,

Quæ moneo, virtus una colenda tibi eſt.

Sæpe aliquis longos vitæ ſpe præcipit annos,

Sternere quem ſubito vulnere Parca parat:

Et prius Heſperiis quam Titan mergitur undis,

Illum jam ſtygia navita lintre vehit.

Forſan lux ſibi ſumma jam minatur,

Et vix deſinet illa deſineſque.

Noli ludibrium putare, noli!

Virtus cenſibus eſt emenda totis.

Eſt hic eſt puto, deſtinatus umbris,

Qui longos ſibi pollicetur annos,

Occaſum tamen ibit ante Phœbum

Imas præcipitatus in paludes.

Iſta tibi forſan rapiet lux ultima lucem,

Te forte hac ſtatuit ſternere Parca die

Non hæc trita putes falſæ ludibria linguæ,

Pandat iter virtus duxque comesque tuum:

Illum ſpe citius vivis Parca eximet, annos

Qui vitæ votis adjicit ipſe ſux.

Ille idem infernos citius rapietur in amnes,

Occiduus Phœbi quam lavet amnis equos.

Nonne ergo pernox perdis,
Constanter excubabis?
Vi mors ineluctabilis
Si congredi minetur,
Interritus compareas
Promtus subire luctam;
Si morre victus occides,
Adibis astra victor.

Quare anime, in vigili semper statione maneto,
Supremam ad luctam te facito que, pares:
Ut quocunque loco, quodcunque in tempore Pareas
Te veniat telis certa ferire suis.
Adversum tendas fingendi pectore in hostem,
Collate que ausis cominus ire pede.
Quod te si fixâ percusserit illa sagittâ,
Mortis erit pretium pulchra coronæ tue.

Nunc ergo mea vita praparas
Pernox fortiter excubato telis.
Quando mors subitis volet sagittis
In festo jugulare te duello,
Hac interrita provocatione
Fervalem potes ingredi palastram.
Tolles nobile premium corona,
Fixâ cum perimeris à sagittâ.

Quare age, mens vigila, rumpe discrimina somni,
Postulat excubias noxque diesque tuas.
Cum subito ferrum lapto Mors diriget arcu,
Excussumque tibi missile fata feret.
Tunc cave, ne titabes extrema in pulvere luctæ;
Magnanimum poscunt ista duella viram;
Præsignem referes post hæc certamina palmam;
Non timide magnum est hic cecidisse decus.

Contemne, quidquid conditum,
Amaque Conditorem;
Quid perdis hic, ibi invenis;
Lactura nulla turgat.

*Emancipa te Numini,
Cura solutus omni:
Salvum Deus quid ambigis?
Summâ locabit arce.*

*Sperne quod & tellus, quodq; unda profundit & astra
Quemque colit tellus, undaque & astra cole.
In lucro, si quid perdas hinc forte, repone:
Digna puta curis nec satis esse tuis.
Teque Deo corpusque tuum sacraque, dicaque,
Et patere, ut dete, quod videatur agat.
Crede mihi tuto tibi sic demum esse licebit,
Præsidii clypeo te teget ille sui.
Quidquid Conditor hîc & hîc omitte,
Debet Conditor hîc & hîc amari,
Damnum quodlibet autumato quantum,
Nec casus hilaris time sinistros.
Vita jus animique da Tonanti,
Et quod fecerit optimum putato;
Tunc demum (nihil ambigas) perennis,
Tutam præsidio dabit salutem.*

*O nunquam dignare tuo mortalia amore,
Unum, ut amare queas omnia, Numen ama.
Quidquid vis magno reparatum scenore perdas,
Jacturam, quod non perditur, esse puta.
Transcribas Regi Superum corpusque animumque,
Atque suo metuas Fata meo vix loco.
Illa tuam firmet, quæ cunctas, anchora cymbam,
Numen certa tibi est anchora, certa salus.*

*Qui primus hoc odarum
Flevitque condiditque,
Quotidiana funera
Toto revolvit avo,
Idemque dudum pulvis est,
Fato suo sepultus:
Sequere (vasa collige)
Aut primus aut secundus.*

Qui primus numeros ipsi distante Camœna,
 Hæc cecinit certis verba ligata modis:
 Sæpe suo is tacitus volvit sub pectore Mortem,
 Illius & demum cuspide fatus humi est.
 Nunc ut eo dignum est plebeja conditui urna,
 Multaque eum circa terra supraque tegit.
 Attu, qui legis hæc, tibi consule quid sit agendum,
 Aut cras, aut hodie tu tua fata manent.

*Primus funerei Poeta Leski ;
 Dum tristi modulatur hæc Camœnâ,
 Multo funera pensavit anno,
 Vno demique jam peremptus anno.
 Hic tandem tegitur nec invidetur,
 Terra cespitem frigido sepultus
 Tu rem cautior æstima: sequeris
 Vel primâ quoque luce vel secundâ.*

Funeris hanc primus qui planctum in carmina vertis,
 Inferias ut olor flevit & ipse suas:
 Sæpius iratæ prævidit spicula Parcæ;
 Tandem, quæ vidit tela ferenda tulit.
 Nunc habitat fovea (Nec enim meliora parantur)
 Et multa longum stertet amictus humo.
 Qui vivas, videas Morieris; at ultima non est
 Lux hodierna, time, crastina forsan erit.

LAURENTII PELLIONIS TORRENTINI. S.T.D.

Quin peregrinus abis? ignave moraris?
 Cymba suum pondus præcipitata vocat.
 Rompe moras, Peregrine vola: quid poscis? amicos?
 Et comites auri pondera sulva via?
 O te tardigradum! navi mens nescia, amici,
 Et bene sunt gaze fama, Viator abi.
 Facta, Viator abi, te te comitantur; an deslum
 Crede mihi ex mundo nulla sequentur, abi.

HEB.

HEBDOMADA
MEDITANDÆ
ÆTERNITATIS.

Magistro Divino Amore,

sive

In singulos hebdomadæ dies
distributa.

*Meditatio de igne Inferni, per ignem di-
vini amoris extinguendo; & de igne a-
moris Dei, etiam ab ipsis gehennæ igni-
bus accendendo, pro fugâ
Inferni.*

Excerpta è Mense III. divini
Amoris IO. NADASI
Soc. Jesu.

PRO DIE DOMINICO.

1. Quid me vocas, Aternitas,
Statera veritatis?
Quid me doces, Aternitas,
Magistra sanctitatis?
2. Aternus est, aternus est,
Rex ille, qui minatur.
Infernus est, infernus est
Res illa, quam minatur.
3. Aternitas, horrenda vox!
Loquarne, num tacebo?
Aternitas, heu! longa nox,
Quicquid veras, cavebo.
4. Quid desides inertis
Totos dies jocamur?
A blandulis ineptiis
Ad tartarum vocamur.
5. Quid est, quid hæc Aternitas?
Aterna poena damni.
Quid est, quid hæc Aternitas?
Aterna poena sensus.
6. Eheu! Inexplicabilis
Aterna poena damni!
Nunquamque terminabilis
Aterna poena sensus.
7. Væ cordibus torpentibus,
Gulaeque delicatae!
Licentiosis mentibus,
Carnique sordidatae!
8. O ira, vae! Libido, vae!
Impura lingua, vae, vae!
Vae, vae, manus! Theatra vae!
Obscoena corda vae, vae!
9. Vae, vae, gulosa prandia,
Coenaeque delicatae!
Tormenta vobis grandia,
Poenaeque sunt parata.

10. Væ sumptuosus terculis
 Fœdis jocis libellis!
 Fatumque castis fabulis,
 Væ turpibus tabellis?
11. Æternitas. ô vox atrox!
 Quam mundus obstupescit.
 Æternitatis cœca nox
 Somnum videre nescit.
12. O astra; pulchra patria
 Dulcis jucunditatis!
 O inferi, vos arria
 Heu tristis orbitatis!
13. Quid es, beata Æternitas?
 Æternitas beata!
 Quid es, tremenda Æternitas,
 Nunquam sat explicata?
14. Caro, caro, quem decipis?
 Cave tuos amores!
 In re perenni desipis;
 Et seminas dolores.
- Quò me vocas. &c. num. 1.
 Æternus es. &c. num. 2.

MEDITATIO PRO FERIA II.

15. Heu; naufragis solatiis
 Mundus suos faginat,
 Lethalibus mendaciis
 Venena dum propinat!
16. Æternitas, cœlestium
 O sancta norma morum!
 Et mille, mille tristium
 Vorago seculorum!
17. Æternitatis diphtheram
 Heu! quàm diu revolvam?
 Adhucne, adhucne differam?
 Nunquamne me resolvam?
18. Nugacitatis fascino
 torpemus illigati!
 Hac nocte fors, vel crastino
 Torquebimur citati.

19. Adhucne non determino?

Quo moesta vota verto?

Infernus absque termino

Me expectat ore aperto,

20. Me raprat astu libero

Amicus ille secum.

Heu! quam diu delibero.

Et luctor ipse mecum?

21. O sulphurata flumina;

O vertex profundus!

O ignium volumina,

Stulti sepulchra mundi!

22. Hæc vestra sunt stipendia,

Caro, joci, lepores:

Æterna quos incendia

Vobis dabunt dolores.

23. Horum memor, fac, omnium

Ut sis sed absque fine:

Amor, piorum cordium

Divine Seraphine,

24. Carbone vivo torridos

Incende jam colores;

Ignesque pinget turbidos,

Et ignium dolores.

25. Pinget igneas sartagine,

Altissimos hiatus!

Et flammeas imagines,

Et Ditis ejulatus.

26. I, pinget serpentes, hydras,

Sulphur, picem vomentes;

Semper fluentes elepsydras,

Nunquam sed effluentes.

27. Hic Dives ardet, uritur:

Hic purpura, atque byssus.

Hic est scopus quo curritur:

Hæc est profunda abyssus.

28. Credo tuas, Æternitas,

Flammas, minasque credo!

Cedo tuis, *Æternitas*,
Flammis, minisque cedo !
Quo me vocas, &c. *num. 1.*
Æternus est, &c. *num. 2.*

MEDITATIO PRO FERIA III.

29. Dammate, dic tu : quàm diu
Ardebis igne ? *Semper.*

Dic ipse, dic tu; quàm diu
Cogere flere ? *Semper.*

30. Dammate, dic; vos quam diu
Torquebit ignis ille ?
Torquebit, cheu ! tam diu
Dum vivet unus ille !

31. Ibunt dies cum mensibus,
Annisque, sæculisque :
Ardebimus nos mensibus,
Annisque, sæculisque.

32. Ardebit ira Numinis
Per lustra sæculorum:
Nec speserit levaminis,
Nec terminus dolorum.

33. Non sunt polis tot stellulæ,
Nec orbe toto arenæ :
Non sunt maris tot guttulæ,
Quot hoc in igne poenæ.

34. *Æternitas* sed maximus
Est hic dolor dolorum :
Quod non sit ullus terminus
Tam grandium malorum,

35. *Æternitas*, ô omnium
Mors magna reproborum !
Interminate tristitum
Acervæ seculorum !

36. *Semper* necabit tartarus :
Nunquam tamen necabit.
Semper vorabit tartarus ;
Nunquamque devorabit.

37. *Semper* trucidat tartarus ;
Nunquamque conquiescet.

Heu !

Heu! *Semper* ardet tartarus;
Nunquam focus tepescet.

38. *Arsura* *semper* fulmina,
 Et sopienda *nunquam*!

Semper fluunt hæc flumina,
 Exhaustiunda *nunquam*!

39. *Nunquam*; quid es, vox horrida
 Altæ profunditatis?

Semperq; zona torrida
 Diræ perennitatis!

40. *Bilance* iustâ pondera
 Hinc *semper*, inde *nunquam*,

Sint cordis ista pondera,
 Sat ponderanda *nunquam*.

41. *Semper*; quid es? *nunquam*, quid es?
 Deo catere *Semper*.

Nunquam, quid es? *Semper* quid es?
 Uri, morique *Semper*.

42. Eheu! Duo vocabula,
 Mensura *Æternitatis*!

Nec est, nec est hæc tabula:
 Sunt verba *Veritatis*.

Quo me vocas, &c. num. 1.

Æternus est, num. 2.

MEDITATIO PRO FERIA IV.

43. Eheu! quid est pulcherrimum,
 Deum videre *nunquam*?

Illum Deum dulcissimum
 Quid est, amare *nunquam*!

44. Cum flammeis draconibus
 Vinctum jacere *semper*?

Vivisque sub carbonibus
 Ardere, flere *semper*?

45. Quid es, quid es, *Damnatio*?
 Deo placere *nunquam*!

Æterna desperatio:
 Pœnis carere *nunquam*!

46. Sub igneis rudentibus
 Vivum perire *semper*:

Sub tot draconum dentibus
Singultiendo *Semper.*

47. Valet, pulchra somnia,
Vanaeque vanitates!
Nihil, nihil sunt omnia,
Breves inanitates.

48. Hic mundus est brevissima
Sophisma vanitatis:
Infernus est dirissima
Fornax perennitatis.

49. Adverte! judicaberis
In Judicis lucernis.
Si sis reus torqueris
In tartari cavernis.

50. Aeternus est, aeternus est,
Aeternus, ignis ille.
Infernus est infernus est,
Infernus, ignis ille.

51. Ah! quam diu morabimur
Inter pericula mille?
Brevi, brevi vocabimur:
Præcellit hic & ille!

52. O æstuosa æternitas;
Tu me tene cadentem:
Semperque stans Aeternitas,
Tu subleva jacentem!

53. Deo volo jam vivere
In valle lachrynarum.
Volo moras abrumperé,
Sat est, sat est morarum!

54. Si quispiam de carcere
Illo domum rediret;
Possetne carni parcere?

Heu! quanta non lubiret?

55. Quales preces tunc funderet,
Quas lacrymis rigaret:
Illisque flagra jungeret,
Corpusque perdomaret!

56. Ab inferis si surgerem,
 A morte si redirem,
 Quid dicerem? quî viverem:
 Ne denuò perirem?
 Quò me vocas, &c. num. 1.
 Aternus, &c num. 2.

MEDITATIO PRO FERIA. V.

57. O! quanto amore amplecterer
 Te, Christe liberator,
 Quòd amplius non plecterer
 Per te, Deus creator!
 58. Ah! Plus amoris debeo
 Perire non sinenti!
 Quid langueo? quid hareo?
 Nec reddo cor petenti?
 59. Amore flagrantissimo
 Volo sequi vocantem:
 Et corde quàm tenerrimo
 Amare sic amantem,
 60. Quis fecit ut ne sim reus:
 Vivamque corde mundo?
 Quis fecit, ut si sim reus:
 Ne mergar in profundo?
 61. Quis fecit, ut ne sterterem
 In criminum veterno?
 Mihique lectum sternerem
 In igne sempiterno?
 62. Ardent in antro flammeo?
 Heu mille! mille! mille!
 Cur sic ego non ardeo,
 Ut ardet hic, & ille?
 63. Quis fecit ut ne traderer
 Ergastulo Reorum?
 Quis fecit, ut ne truderer
 In clibanum dolorum?
 64. Hoc facit admirabilis:
 Monarcha seculorum:
 Et millies amabilis
 Rex cordium bonorum,

65. Amor Deus, dignatus es
Amare non amantem :
Fac, ut velim [nam dignus es)
Amare sic amantem.
66. Fac, ista sic intelligam ,
Ut plus amare discam :
Fac, mi Deus, Te diligam ;
Tepore nefatiscam.
67. Quandoquidem me maximo
Amore sic amasti ,
Et tartari dirissimo
Ab igne liberaisti :
68. Amare jam ne definas ,
Amare Te volentem ;
Et impetrare me sinas
Amare Te petentem.
69. Amoris igniarium
In corde sit perenne ;
Crescatque seminarium
Incendio gehennæ.
70. Inferne, quantis ignibus
Alis tuos dolores ;
Inferne, tantis ignibus
Alas meos amores.
71. Amoris iste sic reos
Extinguet ignis ignes.
Æternus ille, sic meos
Accendet ignis ignes.
Quò me vocas, &c. n. 1.
Æternus est, &c. n. 2.

MEDITATIO PRO FERIA VI.

72. Hac tanta dum confidero ,
Deus, volo Te amare ;
Nec amplius desidero,
Quam cor Tibi immolare.
73. Tu, qui dedisti, ne fleam
In igne devorante ;
Fac ut beatus gaudeam
In igne cor liquante.

74. Hoc igne crescens charitas
Amare me docebit.
Et tristis illa æternitas
Nihil mihi nocebit.
75. Vellem focis majoribus
Ardere corde toto,
Quàm mundus ignes ignibus
Inflammet Orbe toto,
76. Infernus ignis æstuat
In se furore quanto,
Internus ignis ardeat
In me calore tanto.
77. Utrumque utrimque incendium
Mundique tartarique
Si confluet in compendium
Mundusque Tartarusque;
78. Adhuc tamen non sufficit
Hæc flamma, sed nec illa,
Infernus ipse deficit:
Et est velut favilla.
79. Majore amore debeo
Te corde toto amare,
Majore ab igne debeo
Amando te flagrare.
80. Deus, volo flammescere
Prunis tui caloris:
Et sic amando crescere
Incendiis amoris.
81. Felix Dei dilectio,
Tu cor mihi movebis.
O pulchra cordis lætatio,
Tu me *fugam* docebis.
82. Tu tolle, quicquid impedit.
Hanc ne *fugam* capeßlam:
Largite quicquid expedit,
Ut hanc *fugam* capeßlam.
83. Infernus est ardentium
Dolore, non amore;

Cælum, locus flagrantium

Amore, non dolore.

Quo me vocas, &c. *num. 1.*

Æternus est, &c. *num. 2.*

MEDITATIO PRO DIE SABBATHI,

84. Mirabiles, amabiles

Dei mei favores!

O vos inexplicabiles,

O nobiles amores!

85. Vos cor meum perfundite,

Vos pectus occupate:

Quæ non placent, evellite;

Totumque me mutate.

86. Quod ignis ultor ureret,

Vos illud expiate:

Quod ignis ille plecteret,

Hoc vos prius cremate.

87. Amor Dei, tu dispice,

Num quid mali sit in me:

Amor Dei, tu perfice,

Si quid boni sit in me.

88. Quicquid mali sit, corrige:

Amore corrigamur.

Si quid boni sit, dirige:

Amore dirigamur.

89. Æternus est, æternus est,

Quem nolo Divis ignis:

Æternus est, æternus est,

Quem quero Cordis ignis;

90. Amare te peto, Deus!

Audi, Deus petentem.

Ignis meus, Deus meus,

Accende me repentem.

91. Deus, manum tu porrige

Amare te petenti:

Mentē benignus erige,

Amare non potenti.

92. Volo, volo jam surgere:

Fac me magis volentem.

Ut plus amem, cor suggere:
Juva parùm valentem.

93. Amabo te, quàm maximè
Possum modis, amabo!

Ut plus amem, tenerrimis
Te vocibus rogabo.

94. Rogabo te lectissimis
Spiriis; rogabo:

Quantisque possum lachrymis,
Instantèr obsecrabo.

95. Modisque flagrantissimis
Clamans id impetrabo.

Sic artibus Te maximis,
Et optimis amabo.

96. Venite, cuncti Cœlites,
Ad cor meum venite;

Tam pauperi tam divites
Venite, subvenite.

97. Ad pectus hoc descendite,
Ut ardeam juvate:

Cor frigidum succendite;
Et illud innovate.

98. O corda pulchrè ardentia,
Vos cor meum fovete!

O corda, corda amantia,
Amare me docete!

99. Si sancti amoris guttulam
A singulis habebō;


Ab omnibus, non guttulam,
Sed flumen obtinebo.


100. In me, Deus, fac ardeat
Æternitas amoris;


Ne me perennis torqueat
Æternitas doloris.

Horum memor, fac, omnium
Ut sim, (sed absque fine)

Amor, piorum cordium
Divine Seraphine.







Handwritten signature or calligraphy, possibly reading "John" or "John" in a stylized script.

7
John

93-B8576

1015

